



SLUŽBENE NOVINE

ZENIČKO - DOBOJSKOG KANTONA

Godina XIV - Broj 6

ZENICA, ponedjeljak, 27.04.2009.

SKUPŠTINA

77.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj dana 31.03.2009. godine, donosi

ZAKON o porezu na promet nekretnina

DIO PRVI - OSNOVNE ODREDBE

Član 1. (Predmet)

Ovim zakonom se uređuje sistem poreza koji se plaća na promet nekretnina u Zeničko-dobojskom kantonu (u daljem tekstu: Kanton).

Član 2. (Definicija poreznog obveznika)

Porezni obveznik u smislu ovog Zakona je fizičko i pravno lice.

Član 3. (Definicija prometa nekretnina)

Pod prometom nekretnina, u smislu ovog zakona, podrazumijeva se prodaja, zamjena i drugi prenos vlasništva, osim prenosa vlasništva po osnovu naslijeđa i poklona.

Član 4. (Definicija nekretnine)

- (1) Pod nekretninom u smislu ovog zakona smatraju se:
 - a) zemljište i
 - b) nepokretni građevinski objekti - građevina u smislu Zakona o građenju ("Službene novine Zeničko-dobojskog kantona", broj: 1/05 i 2/08).
- (2) Izuzetno, sa nekretninom se izjednačava privremena građevina (kiosk i sl.).

Član 5. (Pripadnost prihoda)

Porez na promet nekretnina je prihod budžeta općine na čijem području je ostvaren.

Član 6. (Oslobađanje od plaćanja poreza na promet nekretnina)

Porez na promet nekretnina ne plaća se:

- a) na promet nekretnina između Bosne i Hercegovine, Federacije Bosne i Hercegovine, kantona, grada, općine i njihovih organa uprave;
- b) na promet nekretnina u postupku komasacije, arondacije i eksproprijacije i na osnovu ugovora zaključenog umjesto eksproprijacije ili arondacije, te kada se vrši promet nekretnina na osnovu zakona, neovisno od volje poreznog obveznika;
- c) kada građanin, bivši vlasnik eksproprisane nekretnine, u roku od jedne godine od dana kada je primio naknadu za eksproprisanu nekretninu, kupi drugu nekretninu, i to do iznosa naknade koja odgovara naknadi za eksproprisanu nekretninu;
- d) kada se vrši prva prodaja još nenastanjene novosagrađene stambene zgrade ili novosagrađenog stana kao posebnog dijela zgrade, ili novosagrađene poslovne zgrade ili novosagrađenog poslovnog prostora kao posebnog dijela zgrade;
- e) kada se nekretnina prenosi na strano konzularno ili diplomatsko predstavništvo, pod uslovima reciprociteta i na druge međunarodne organizacije za koje je međunarodnim sporazumom dogovoreno porezno oslobađanje;
- f) kad se stan u državnom vlasništvu prodaje licu koje ima stanarsko pravo na tom stanu, ili članu njegovog porodičnog domaćinstva i licu kojem je dodijeljen stan u skladu sa Zakonom o vraćanju, dodjeli i prodaji stanova („Službene novine Federacije Bosne i Hercegovine“, broj: 28/05 i 2/08);
- g) kada se pravo vlasništva na nekretnini prenosi na općinu, Kanton i drugu ustanovu radi ostvarivanja socijal-

- ne sigurnosti, odnosno doživotnog izdržavanja;
- h) kada se pravo vlasništva na nekretnini prenosi na vjersku instituciju;
 - i) prilikom prenosa prava vlasništva na nekretnini u skladu sa propisima kojima se uređuje privatizacija državnog vlasništva;
 - j) prilikom zamjene nekretnina, osim za razliku prometne vrijednosti nekretnina koje se zamjenjuju;
 - k) na promet nekretnina u slučajevima kada:

1) dobitnik ratnog priznanja ili odlikovanja, ratni vojni invalid, demobilizirani branilac-učesnik rata i demobilizirani branilac koji je bio pripadnik Oružanih snaga najmanje šest mjeseci ukoliko je u oružane snage stupio kao maloljetno lice, član porodice šehida, poginulog, umrlog i nestalog branioca i umrlog ratnog vojnog invalida i svaki član uže porodice poginulog, umrlog ili nestalog dobitnika ratnog priznanja ili odlikovanja, udovica umrlog demobiliziranog branioca-učesnika rata, udovica umrlog demobiliziranog branioca koji je bio pripadnik Oružanih snaga najmanje šest mjeseci ukoliko je u Oružane snage stupio kao maloljetno lice-kupovinom stana, kuće ili zemljišta za gradnju kuće u površini: do 600 m² trajno rješava svoje stambeno pitanje po prvi puta ili u postupku stambenog zbrinjavanja usljed 100% ratne štete na ranijem stambenom objektu,

2) pojmovi i definicije utvrđene u alineji 1) ove tačke, status pripadnika boračke populacije i druga pitanja propisani su odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije Bosne i Hercegovine“, broj: 70/05 i 61/06), Zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 61/06, 27/08 i 32/08) i Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 6/06 i 9/07);

l) na promet zemljišta površine 0,5 ha i veće ako je prostornim, odnosno urbanističkim planom općine taj prostor utvrđen kao poljoprivredno zemljište, kad je kupac zemljišta fizičko ili pravno lice koje je u skladu sa zakonom registrovano za poljoprivrednu djelatnost;

m) na prenos vlasništva na nepokretnostima kada se unoše prilikom osnivanja društva, kada se ulažu u kapital društva (dokapitalizacija), te kada se vraćaju istom licu koje je izvršilo ulaganje, pod uvjetom da su takve nekretnine unesene u društvo i upisane u kapital društva i da se kao takve drže u kapitalu društva najmanje tri godine od dana upisa takvog ulaganja u sudski registar.

DIO DRUGI – ELEMENTI ZA UTVRĐIVANJE POREZA

Član 7. (Obveznik poreza)

- (1) Obveznik poreza na promet nekretnina je prodavalac nekretnine.
- (2) Pri zamjeni nekretnina porezni obveznik je učesnik u zamjeni koji daje u zamjenu nekretninu veće vrijednosti.
- (3) Ako se prenosi idealni dio vlasništva na nekretnini, porezni obveznik je svaki suvlasnik posebno.
- (4) Obveznik poreza na promet nekretnina kod prodaje nekretnine u likvidacionom, stečajnom i izvršnom postupku je kupac nekretnine ili lice kome je nekretnina dosuđena rješenjem suda.
- (5) Ugovorne strane mogu se drugačije dogovoriti o obvezniku poreza iz stava (1), (2), (3) i (4) ovog člana.

Član 8. (Obveznik poreza po osnovu ugovora o doživotnom izdržavanju)

- (1) Ako se pravo vlasništva na nekretnini prenosi ugovorom o doživotnom izdržavanju, porezni obveznik je primalac nekretnine, odnosno njegovi nasljednici.
- (2) Ako je primalac nekretnine iz stava (1) ovog člana u odnosu prema davaocu nekretnine nasljednik prvog nasljednog reda, ne plaća porez na promet nekretnina.

Član 9. (Porezna osnovica)

- (1) Osnovica poreza na promet nekretnine je prometna vrijednost nekretnine u trenutku nastanka porezne obaveze.
- (2) Prilikom zamjene nekretnina porezna osnovica je razlika prometnih vrijednosti nekretnina koje se zamjenjuju.
- (3) Ako suvlasnici prenose idealni dio vlasništva na nekretnini, porezna osnovica se utvrđuje posebno za svakog suvlasnika, prema prometnoj vrijednosti njegovog dijela nekretnine.
- (4) Kod prodaje nekretnine u likvidacionom, stečajnom i izvršnom postupku porezna osnovica je postignuta prodajna cijena.

Član 10. (Prometna vrijednost nekretnine)

- (1) Pod prometnom vrijednošću nekretnine podrazumjeva se cijena nekretnine, koja se postiže ili se može postići na tržištu u trenutku nastanka porezne obaveze.
- (2) Prometnu vrijednost nekretnine procjenjuje stručna ko-

misija (u daljem tekstu: Komisija) koju imenuje općinskog vijeće, a koju čine predsjednik i dva člana.

- (3) U Komisiju mogu biti imenovane osobe koje imaju VII stepen stručne spreme iz oblasti građevinarstva, arhitekture, geodezije, poljoprivrede, prava i ekonomije i najmanje pet godina radnog iskustva u struci i spremi.
- (4) Komisija se imenuje na period od 2 (dvije) godine.
- (5) Načelnik općine Pravilnikom propisuje način rada Komisije, odnosno propisuje kriterije na osnovu kojih se vrši utvrđivanje vrijednosti nekretnine – procjena vrijednosti nekretnine.
- (6) Predsjedniku i članovima Komisije pripada naknada za rad u Komisiji u visini koju utvrđuje općinsko vijeće.
- (7) Vlasnik, odnosno korisnik nekretnine dužan je Komisiji dopustiti pristup na zemljište i objekte radi procjene prometne vrijednosti nekretnine.

Član 11. (Porezna stopa)

Porez na promet nekretnina plaća se po stopi od 5%.

Član 12. (Nastanak porezne obaveze)

- (1) Porezna obaveza nastaje u trenutku zaključenja ugovora o prodaji ili zamjeni nekretnine.
- (2) Ako se prenos prava vlasništva vrši na građevinskim objektima koji su u izgradnji porezna obaveza nastaje u trenutku predaje objekta kupcu.
- (3) Ako se prenos prava vlasništva na nekretnini obavlja na osnovu odluke organa uprave ili suda, porezna obaveza nastaje u trenutku pravosnažnosti te odluke.

Član 13. (Promjena upisa vlasništva)

Sudovi i organi uprave dužni su Poreznoj upravi - Kantonalnom uredu - nadležnoj ispostavi dostaviti svoje odluke, na osnovu kojih se vrši promjena upisa vlasništva na nekretninama u zemljišnim knjigama, u roku od 15 dana od dana njihove pravosnažnosti.

Član 14. (Nastanak porezne obaveze kod ugovora o doživotnom izdržavanju)

- (1) Ako se na osnovu ugovora o doživotnom izdržavanju, pravo vlasništva na nekretnini prenosi prije smrti primaoca izdržavanja, porezna obaveza nastaje u trenutku zaključenja ugovora o doživotnom izdržavanju.
- (2) Ako se, na osnovu ugovora o doživotnom izdržavanju, pravo vlasništva na nekretnini prenosi nakon smrti pri-

maoca izdržavanja, porezna obaveza nastaje u trenutku smrti primaoca izdržavanja.

Član 15. (Razrez poreza)

- (1) Porezna uprava dužna je u roku od 3 (tri) dana od prijema porezne prijave za razrez poreza na promet nekretnina istu dostaviti Komisiji.
- (2) Komisija je dužna u roku od 8 (osam) dana od dana prijema prijave izvršiti procjenu vrijednosti nekretnine i zapisnik o izvršenoj procjeni dostaviti poreznom obvezniku.
- (3) Na zapisnik Komisije porezni obveznik ima pravo prigovora u roku od 5 (pet) dana od dana prijema.
- (4) Po razmotrenom prigovoru Komisija u roku od 3 (tri) dana po isteku roka za podnošenje prigovora dostavlja zapisnik nadležnoj ispostavi porezne uprave, sa stavom o prigovoru.
- (5) Razrez poreza na promet nekretnina vrši Porezna uprava - Kantonalni ured - nadležna ispostava u općini gdje se nekretnina nalazi.

Član 16. (Prijava nastanka obaveze)

- (1) Porezni obveznik je dužan u roku od 15 dana od dana nastanka porezne obaveze Poreznoj upravi-Kantonalni ured-nadležna ispostava prijaviti nastanak porezne obaveze.
- (2) Uz prijavu o nastanku porezne obaveze porezni obveznik podnosi ugovor o kupoprodaji ili zamjeni nekretnina, a ako se promet nekretnina vrši drugim pravnim poslom, odlukom organa uprave ili suda, porezni obveznik podnosi ispravu o tom pravnom poslu, odnosno odluku organa uprave ili suda.
- (3) Oblik i sadržaj porezne prijave iz stava (2) ovog člana propisat će ministar Ministarstva finansija Zeničko-dobojskog kantona, Pravilnikom o obliku i sadržaju porezne prijave, u roku od 30 dana od dana stupanja na snagu ovog zakona.

Član 17. (Rok izvršenja razreza poreza)

Nadležna ispostava porezne uprave dužna je u roku od od 30 dana od dana primljene prijave o nastanku porezne obaveze, izvršiti razrez poreza na promet nekretnina i dostaviti rješenje o razrezu poreza poreznom obvezniku i licu koje solidarno jamči za naplatu poreza.

Član 18.**(Razrez poreza zbog nepravovremene prijave porezne obaveze)**

Ako obveznik poreza nastanak porezne obaveze ne prijavi blagovremeno, obavit će se procjena prometne vrijednosti nekretnina i razrez poreza kao da je porezna obaveza nastala na dan prijavljivanja, odnosno otkrivanja porezne obaveze i to prema stanju nekretnine u trenutku nastanka porezne obaveze.

Član 19.**(Rok plaćanja poreza)**

Porezni obveznik je dužan u roku od 15 dana od dana dostave rješenja o razrezu poreza na promet nekretnina platiti razrezani iznos poreza.

Član 20.**(Zatezna kamata)**

- (1) Porezni obveznik koji poreznu obavezu ne plati blagovremeno platit će zateznu kamatu za svaki dan zakašnjenja na osnovicu koju čini utvrđeni dio poreza.
- (2) Visinu zatezne kamate utvrđuje Vlada Kantona.

Član 21.**(Mjesto plaćanja poreza)**

- (1) Porez na promet nekretnina plaća se prema mjestu gdje se nekretnina nalazi, na propisani uplatni račun.
- (2) Bez dokaza o plaćenom porezu na promet nekretnina ne može se izvršiti uknjižba vlasništva na nekretnini.

Član 22.**(Definicija supsidijarnog dužnika)**

Supsidijarni dužnik poreza na promet nekretnina je kupac, odnosno strana koja ugovorom nije određena kao obveznik plaćanja poreza na promet nekretnina.

Član 23.**(Prisilna naplata)**

Od poreznog obveznika koji dospjeli porez ne plati u propisanom roku, naplata će se izvršiti prisilno prema uslovima propisanim Zakonom o Poreznoj upravi Federacije Bosne i Hercegovine („Službene novine Federacije Bosne i Hercegovine“, broj: 33/02 i 28/04, u daljem tekstu: Zakon o poreznoj upravi).

Član 24.**(Povrat poreza koji porezni obveznik nije dužan platiti)**

Porezni obveznik koji je platio porez na promet nekretnina, a koji nije bio dužan da ga plati, ima pravo na povrat plaćenog poreza, plaćene kamate i troškova prisilne naplate prema uslovima propisanim Zakonom o Poreznoj upravi.

Član 25.**(Povrat poreza usljed raskidanja ugovora voljom stranaka prije prenosa vlasništva)**

Ako ugovor o prijenosu vlasništva na nekretnini bude raskinut voljom stranaka prije prijenosa vlasništva u zemljišnim knjigama na novog vlasnika ili ako ugovor bude raskinut ili poništen odlukom suda, porezni obveznik ima pravo na povrat plaćenog poreza.

Član 26.**(Povrat poreza usljed neispunjenja ugovora zbog smetnje ili djelimičnog izvršenja)**

Ako se ugovor o prijenosu vlasništva na nekretnini zbog neke smetnje ne može izvršiti ili se izvrši samo djelimično porezni obveznik ima pravo na povrat odgovarajućeg dijela plaćenog poreza, ako kupac nije u posjedu nekretnine.

Član 27.**(Organi nadležni za prijem zahtjeva i povrat poreza)**

- (1) Porezni obveznik zahtjev za povrat plaćenog poreza na promet nekretnina podnosi nadležnoj ispostavi porezne uprave, uz koji prilaže i dokaz o plaćenom porezu.
- (2) Pravo na povrat poreza, plaćene kamate i troškove prinudne naplate utvrđuje Ministarstvo finansija rješenjem, a na osnovu rješenja nadležnih ispostava Porezne uprave-Kantonalnog ureda.
- (3) Povrat poreza vrši se u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa trezora Zeničko-dobojskog kantona („Službene novine Zeničko-dobojskog kantona“, broj: 6/05) u roku od 20 radnih dana nakon prijema zahtjeva.

Član 28.**(Pravo na kamatu usljed neblagovremenog povrata poreza)**

Ukoliko poreznom obvezniku nije vraćen porez za koji je ostvario pravo na povrat u roku iz člana 27. ovog zakona, na iznos poreza koji nije bio dužan platiti, a koji nije vraćen

u propisanom roku porezni obveznik ima pravo na zateznu kamatu iz člana 20. ovog zakona.

DIO TREĆI - ŽALBENI POSTUPAK I ZASTARA

Član 29. **(Žalbeni postupak)**

- (1) Protiv rješenja porezne uprave o razrezu poreza može se izjaviti žalba u roku od 8 radnih dana od dana prijema rješenja.
- (2) Žalba se podnosi Poreznoj upravi Federacije Bosne i Hercegovine – Kantonalnom poreznom uredu Zenica putem porezne ispostave koja je donijela rješenje o razrezu poreza na promet nekretnina.
- (3) Žalba ne odlaže izvršenje rješenja o razrezu poreza.

Član 30. **(Rokovi zastare)**

- (1) Na pitanja vezana za zastarjelost razreza, prinudne naplate poreza i kamata, povrata pogrešno ili više plaćenog poreza, plaćene kamate, troškova prinudne naplate, primjenjuju se odgovarajuće odredbe Zakona o Poreznoj upravi.
- (2) Prekršajni postupak ne može se pokrenuti niti voditi kada prođu tri godine od dana kada je prekršaj izvršen.
- (3) Bez obzira na prekid zastarjelosti prekršajni postupak se ne može pokrenuti niti voditi kada protekne dva puta onoliko vremena koliko je predviđeno u stavu (2) ovog člana.

Član 31. **(Prekid zastare)**

- (1) Rok zastare prava na razrez poreza na promet nekretnina, prava na naplatu kamate i troškova prisilne naplate prekida se svakom službenom radnjom nadležnog organa za ubiranje poreza, a koju je preduzelo u cilju razreza i naplate poreza.
- (2) Rok zastare prava na povrat nepravilno ili više plaćenog poreza, kamate i troškova prisilne naplate prekida se svakom radnjom poreznog obveznika koju je preduzeo kod nadležnog organa za ubiranje poreza.
- (3) Poslije svakog prekida zastare počinje teći novi rok zastare.
- (4) Zastara u svakom slučaju nastupa nakon isteka pet godina od dana kada je prvi put počela teći.

DIO ČETVRTI - KAZNENE ODREDBE

Član 32. **(Kaznene odredbe za fizičko lice)**

Novčanom kaznom od 20,00 KM do 1.500,00 KM ka-

znit će se za prekršaj porezni obveznik fizičko lice ako:

- a) ovlaštenom licu ne dozvoli pristup na zemljište ili objekte radi procjene prometne vrijednosti nekretnine (član 10.),
- b) u propisanom roku ne prijavi nastanak porezne obaveze (član 16.),
- c) razrezani porez ne plati u propisanom roku (član 19.).

Član 33. **(Kaznene odredbe za pravno lice)**

- (1) Novčanom kaznom u visini od 500,00 KM do 15.000,00 KM kaznit će se za prekršaj porezni obveznik pravno lice ako:
 - a) ne dozvoli pristup ovlaštenom licu na zemljište i objekte radi utvrđivanja prometne vrijednosti nekretnine (član 10.),
 - b) u propisanom roku ne prijavi nastanak porezne obaveze (član 16.),
 - c) razrezani porez ne plati u propisanom roku (član 19.).
- (2) Novčanom kaznom za prekršaj propisan u stavu (1) ovog člana kaznit će se odgovorno lice u pravnom licu u visini od 50,00 KM do 3.000,00 KM.

Član 34. **(Organi nadležni za podnošenje prijave za prekršajni postupak)**

- (1) Prekršajni nalog ili zahtjev za pokretanje prekršajnog postupka (u daljem tekstu: Zahtjev) zbog povreda odredbi člana 10. stav (7) ovog zakona podnosi Komisija iz člana 10. stav (2) ovog zakona, a za povredu odredbi člana 16. i člana 19. ovog zakona ispostava Porezne uprave nadležna za razrez poreza na promet nekretnina.
- (2) Zahtjev iz stava (1) ovog člana podnosi se nadležnom Općinskom sudu-Odjeljenju za prekršaje.

DIO PETI - PRIJELAZNE I ZAVRŠNE ODREDBE

Član 35. **(Rok za donošenje pravilnika)**

Načelnik općine će u roku od 30 dana od dana stupanja na snagu ovog zakona donijeti Pravilnik o načinu rada Komisije i kriterijima na osnovu kojih se vrši utvrđivanje vrijednosti nekretnine - procjena vrijednosti nekretnine iz člana 10. stav (5) ovog zakona.

Član 36. **(Primjena Zakona o porezu na promet nekretnina)**

U postupcima pokrenutim kod nadležnog poreznog or-

gana, prije stupanja na snagu ovog zakona, primjenjivat će se odredbe Zakona o porezu na promet nekretnina - Prečišćeni tekst („Službene novine Zeničko-dobojskog kantona“, broj: 13/08).

Član 37. (Prestanak važenja Zakona)

Danom početka primjene ovog zakona prestaje da važi Zakon o porezu na promet nekretnina - Prečišćeni tekst („Službene novine Zeničko-dobojskog kantona“, broj:13/08).

Član 38. (Stupanje na snagu Zakona)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8661/09 **PREDSJEDAVALAČ**
Datum, 01.04.2009. godine
Zenica **Sejad Zaimović, s.r.**
.....

78.

Na osnovu člana 37. stav 1. tačka f. Ustava Zeničko-dobojskog kantona, člana 1. stav 2. i članova 196. i 219. Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“, broj: 44/98 i 42/99) i člana 44. stav 7. Krivičnog zakona Federacije Bosne i Hercegovine („Službene novine Federacije Bosne i Hercegovine“ broj: 36/03, 37/03, 21/04, 69/04 i 18/05), Skupština Zeničko-dobojskog kantona, na 28. sjednici održanoj 31.03.2009. godine, donosi:

ZAKON O IZVRŠENJU SANKCIJA U ZENIČKO- DOBOJSKOM KANTONU

DIO PRVI - OSNOVNE ODREDBE

Član 1. (Sadržaj)

Ovim Zakonom uređuje se izvršenje novčane kazne, mjera sigurnosti i odgojnih mjera izrečenih učiniocu krivičnog djela, odgoda i prekid izvršenja odgojnih mjera, izvršenje prekršajnih sankcija, kao i druga pitanja od značaja za izvršenje sankcija u Zeničko-dobojskom kantonu (u daljnjem tekstu: Kanton).

Član 2. (Način izvršenja sankcija i mjera)

Sankcije i mjere iz člana 1. ovog Zakona, izrečene učiniocu krivičnog djela (u daljnjem tekstu: osuđeno lice) i prekršaja (u daljnjem tekstu: kažnjeno lice) izvršavaju se na način uređen Zakonom o izvršenju krivičnih sankcija u Federaciji Bosne i Hercegovine i ovim zakonom ako posebnim zakonom nije drugačije propisano.

Član 3. (Organi izvršenja sankcija i mjera)

- (1) Na teritoriji Kantona, sankcije i mjere iz člana 1. ovog Zakona, za osuđena lica i kažnjena lica, koja imaju prebivalište, boravište, odnosno sjedište na teritoriji Kantona (u daljnjem tekstu: prebivalište), izvršavaju slijedeći organi:
 - a) sud koji je donio prvostepenu odluku kojom je sankcija izrečena (u daljnjem tekstu: prvostepeni sud),
 - b) centar za socijalni rad -služba socijalne zaštite općine u kojoj osuđeno maloljetno lice ima prebivalište (u daljnjem tekstu: centar za socijalni rad),
 - c) Ministarstvo unutrašnjih poslova Kantona - policijska uprava općine na teritoriji Kantona u kojoj osuđeno, odnosno kažnjeno lice ima prebivalište (u daljnjem tekstu: policijska uprava),
 - d) nadležni inspekcijski organ čije je sjedište na teritoriji Kantona (u daljnjem tekstu: inspekcijski organ).
- (2) Organi iz stava (1) ovog člana izvršavaju i sankcije i mjere koje su osuđenim, odnosno kažnjenim licima, koja imaju prebivalište na teritoriji Kantona, izrekli sudovi i drugi ovlašteni organi čije sjedište nije na teritoriji Kantona.
- (3) Sankcije i mjere koje su osuđenim, odnosno kažnjenim licima, koja nemaju prebivalište, odnosno sjedište na teritoriji Kantona, izrekli sudovi ili drugi organi čije je sjedište na teritoriji Kantona, izvršavaju ovlašteni organi određeni zakonom kantona u kojem osuđeno, odnosno kažnjeno lice ima prebivalište.

Član 4. (Lišavanje ili ograničavanje prava)

Lica prema kojima se izvršavaju sankcije i mjere lišavaju se prava ili se ograničavaju u pravima samo u granicama nužnim za ostvarivanje svrhe pojedinih sankcija i mjera, u skladu sa zakonom.

Član 5. (Odluka koja se izvršava)

- (1) Izvršenju sankcije i mjere pristupa se kad odluka kojom je izrečena sankcija, odnosno mjera postala pravosnažna.

na i ako za izvršenje sankcije, odnosno mjere nema zakonskih smetnji (u daljnjem tekstu: izvršna odluka).

- (2) Sa izvršenjem sankcije i mjere može se otpočeti i prije nego što je odluka kojom je izrečena sankcija, odnosno mjera postala pravosnažna, samo ako je to zakonom posebno predviđeno.

Član 6.

(Provođenje izvršenja bez odgađanja)

- (1) Kad su ispunjeni uvjeti da se pristupi izvršenju sankcije, odnosno mjere, organ koji je izrekao sankciju, odnosno mjeru, obavezan je preduzeti potrebne radnje da se izvršenje sankcije, odnosno mjere, provede bez odgađanja, u skladu sa ovim Zakonom.
- (2) Izvršenje sankcije, odnosno mjere, može biti odgođeno samo u slučajevima i pod uvjetima predviđenim zakonom.

Član 7.

(Dostavljanje odluke organu izvršenja)

Organ koji je donio prvostepenu odluku kojom je sankcija, odnosno mjera izrečena dužan je da, ako nije nadležan da je sam izvrši, izvršnu odluku dostavi organu nadležnom za izvršenje, najkasnije u roku tri dana od dana kada je odluka postala izvršna, odnosno od dana kada je tu odluku primio od višeg organa.

Član 8.

(Obavezna saradnja sa ustanovama za izvršenje sankcija i mjera i pristup međunarodnih organizacija i drugih institucija osuđenim, odnosno kažnjenim licima)

- (1) Organi vlasti, ustanove i druga pravna lica, u čijem djelokrugu je primjena zdravstvenih, socijalnih, odgojnih ili drugih mjera od značaja za izvršenje pojedinih sankcija i mjera, obavezni su sarađivati sa ustanovama u kojima se izvršavaju sankcije, odnosno mjere (u daljnjem tekstu: ustanove).
- (2) U cilju što potpunijeg ostvarivanja svrhe pojedinih sankcija i mjera, ustanove sarađuju s pravnim licima koja bi im, prema svojoj djelatnosti, mogla pružiti pomoć.
- (3) Ustanove su dužne omogućiti domaćim i međunarodnim organizacijama i drugim institucijama nadležnim za praćenje i ostvarivanje ljudskih prava i osnovnih sloboda, pristup i razgovor sa osuđenim, odnosno kažnjenim licima, u skladu sa zakonom i odgovarajućim međunarodnim dokumentima.

Član 9.

(Troškovi izvršenja)

Lice prema kojem je primijenjena sankcija, odnosno mjera, ne plaća troškove izvršenja, osim troškova novčane kazne, kao i drugih troškova u skladu sa zakonom.

Član 10.

(Neplaćanje taksi)

Za podneske, službene radnje, rješenja i druge akte u vezi sa izvršenjem sankcija, odnosno mjera, ne plaća se taksa.

Član 11.

(Ovlaštenja Ministarstva za pravosuđe i upravu)

- (1) Ministarstvo za pravosuđe i upravu Kantona (u daljnjem tekstu: Ministarstvo) prati i proučava izvršenje sankcija i mjera, analizira izvještaje o izvršenju pojedinih sankcija i mjera i predlaže mjere za unapređenje njihovog izvršenja.
- (2) Ministar za pravosuđe i upravu (u daljnjem tekstu: Ministar) može osnovati stručni savjet iz reda predstavnika naučnih ustanova, sudova, organa uprave, stručnih udruženja i drugih institucija koja se bave pitanjima odgoja, kriminaliteta i prekršaja, radi praćenja, proučavanja i unapređenja sistema izvršenja sankcija, odnosno mjera.

Član 12.

(Poseban interes za Kanton)

Poslovi izvršenja sankcija i mjera, propisani ovim zakonom, su poslovi od posebnog interesa za Kanton.

DIO DRUGI – IZVRŠENJE NOVČANE KAZNE, RADA ZA OPĆE DOBRO NA SLOBODI I MJERA SIGURNOSTI IZREČENIH ZA UČINJENO KRIVIČNO DJELO

POGLAVLJE I. IZVRŠENJE NOVČANE KAZNE

Član 13.

(Organ izvršenja)

- (1) Novčanu kaznu izrečenu osuđenom licu izvršava prvostepeni sud koji je izrekao novčanu kaznu.
- (2) Prvostepeni sud u mjestu prebivališta izvršava novčanu kaznu koja je u toku krivičnog postupka izrečena svjedoku, vještaku ili drugim učesnicima u postupku.

Član 14.**(Način izvršenja novčane kazne osuđenom licu)**

- (1) Novčana kazna izrečena osuđenom licu izvršava se na način propisan Krivičnim zakonom Federacije Bosne i Hercegovine („Službene novine Federacije Bosne i Hercegovine“ broj: 36/03, 37/03, 21/04, 69/04 i 18/05).
- (2) Novčana kazna izrečena osuđenom pravnom licu izvršava se direktnom prinudnom naplatom-skidanjem sa računa pravnog lica, u skladu sa propisima kojima se reguliše izvršni postupak.
- (3) Ako svjedok, vještak ili drugi učesnik u krivičnom postupku u roku određenom u odluci prvostepenog suda ne plati novčanu kaznu dobrovoljno, naplate će se izvršiti prinudnim putem u skladu sa propisima kojima se reguliše izvršni postupak.

Član 15.**(Troškovi izvršenja novčane kazne)**

Troškove izvršenja novčane kazne snosi osuđeni, svjedok, vještak ili drugi učesnik u postupku kojem je sud u toku krivičnog postupka izrekao novčanu kaznu.

POGLAVLJE II. RAD ZA OPĆE DOBRO NA SLOBODI**Član 16.****(Mjesto i način izvršenja rada za opće dobro na slobodi)**

- (1) Rad za opće dobro na slobodi izvršava se u mjestu prebivališta, odnosno boravišta osuđenog, odnosno kažnjenog lica na način propisan Pravilnikom o vrsti i uvjetima za izvršenje sankcije rada za opće dobro na slobodi.
- (2) Pravilnik iz stava (1) ovog člana donosi ministar.

POGLAVLJE III. IZVRŠENJE MJERA SIGURNOSTI**Odjeljak A. Zabrana vršenja poziva, aktivnosti ili funkcije****Član 17.****(Organ izvršenja i način izvršenja)**

- (1) Radi izvršenja mjere zabrane vršenja određenog poziva, aktivnosti ili funkcije, prvostepeni sud dostavlja izvršnu odluku organu uprave nadležnom za izdavanje dozvole, odnosno odobrenja za vršenje određenog poziva, aktiv-

nosti ili funkcije, radi evidentiranja izrečene mjere, kao i nadležnom inspekcijском organu.

- (2) Izvršnu odluku, kojom je izrečena mjera sigurnosti iz stava (1) ovog člana, prvostepeni sud dostavlja i pravnom ili drugom licu kod kojeg osuđeno lice obavlja poziv, aktivnost ili djelatnost.

Član 18.**(Nadzor nad izvršenjem i prekršaji)**

- (1) Inspekcijски organ iz člana 17. stav (1) ovog zakona, kao i pravno i drugo lice iz člana 17. stava (2) ovog zakona, stara se da osuđeno lice, u roku koji je određen odlukom, ne vrši zabranjeni poziv, aktivnost ili funkciju.
- (2) Ako posebnim propisom nije drukčije određeno, osuđeno lice koje vrši poziv, aktivnost ili funkciju koja mu je zabranjena, kaznit će se za prekršaj novčanom kaznom od 200,00 do 1.000,00 KM.
- (3) Pravno lice koje osuđenom licu povjeri vršenje poziva, aktivnosti ili funkcije koja mu je zabranjena, kaznit će se za prekršaj novčanom kaznom od 3.000,00 do 10.000,00 KM, a odgovorno lice u tom pravnom licu, novčanom kaznom od 200,00 do 1.000,00 KM.

Odjeljak B. Zabrana upravljanja motornim vozilom**Član 19.****(Organ izvršenja i način izvršenja)**

Mjeru sigurnosti zabrana upravljanja motornim vozilom izvršava policijska uprava na način i po postupku propisanim zakonom i provedbenim propisom kojim se reguliše postupak i način izvršenja mjere sigurnosti i zaštitne mjere zabrane upravljanja motornim vozilom.

Odjeljak C. Oduzimanje predmeta**Član 20.****(Organ izvršenja i način izvršenja)**

- (1) Mjeru sigurnosti oduzimanje predmeta, izrečenu osuđenom licu i osuđenom pravnom licu, izvršava prvostepeni sud, po propisima kojima se reguliše izvršni postupak, a prema prirodi predmeta odredit će da li će se ti predmeti prodati po propisima izvršnog postupka ili će se uništiti ili ustupiti određenom državnom organu ili određenom pravnom licu.
- (2) Troškove, koji nastanu prinudnim izvršenjem mjere sigurnosti iz stava (1) ovog člana, snosi lice kome je ta mjera izrečena.
- (3) Sredstva ostvarena prodajom predmeta iz stava (1) ovog člana pripadaju odgovarajućem budžetu, u skladu

sa zakonom koji uređuje pripadnost javnih prihoda.

Odjeljak D. Zabrana vršenja određene privredne aktivnosti

Član 21. (Organ izvršenja i način izvršenja)

Radi izvršenja mjere sigurnosti zabrane obavljanja određene privredne aktivnosti, koja je izrečena osuđenom pravnom licu, prvostepeni sud dostavlja izvršnu odluku sudu u kojem je osuđeno pravno lice registrovano, radi upisa zabrane u registar, kao i nadležnom inspeksijskom organu.

Član 22. (Nadzor nad izvršenjem i prekršaji)

- (1) Inspeksijski organ iz člana 21. ovog zakona stara se da osuđeno pravno lice ne vrši zabranjenu privrednu aktivnost.
- (2) Ako posebnim propisom nije drukčije određeno, osuđeno pravno lice koje obavlja privrednu aktivnost koja mu je zabranjena kaznit će se novčanom kaznom od 3.000,00 do 10.000,00 KM, a odgovorno lice u tom pravnom licu novčanom kaznom od 200,00 do 1.000,00 KM.

DIO TREĆI - IZVRŠENJE ODGOJNIH MJERA IZREČENIH OSUĐENOM MALOLJETNOM LICU

Član 23. (Primjena zakona u izvršenju odgojnih mjera)

Odgojne mjere (disciplinske mjere i mjere pojačanog nadzora), izrečene osuđenom maloljetnom licu, izvršavaju se na način i po postupku utvrđenom odredbama Krivičnog zakona Federacije Bosne i Hercegovine i Zakona o izvršenju krivičnih sankcija u Federaciji Bosne i Hercegovine (u daljem tekstu: Federalni zakon), koje se odnose na izvršenje odgojnih mjera i ovim Zakonom.

POGLAVLJE I. IZVRŠENJE DISCIPLINSKE MJERE UPUĆIVANJA U DISCIPLINSKI CENTAR ZA MALOLJETNIKE

Član 24. (Upućivanje u disciplinski centar za maloljetnike)

- (1) Disciplinska mjera upućivanje u disciplinski centar za maloljetnike, na određeni broj sati u praznične dane ili na određeni broj sati u toku dana izvršava se u centru

za socijalni rad prema mjestu prebivališta ili boravišta maloljetnika.

- (2) Troškove izvršenja disciplinske mjere iz stava (1) ovog člana, u dijelu koji se odnosi na rad poslije radnog vremena i rad u dane vikenda i praznika, snosi Kanton na zahtjev centra za socijalni rad koji je izvršio mjeru.
- (3) Disciplinska mjera upućivanje u disciplinski centar za maloljetnike na neprekidni boravak na utvrđeni broj dana, izvršava se u disciplinskom centru za maloljetnike osnovanom na području Federacije Bosne i Hercegovine.
- (4) Troškove izvršenja disciplinske mjere upućivanje u disciplinski centar za maloljetnike na neprekidni boravak na utvrđeni broj dana snosi Kanton na osnovu ugovora zaključenog između disciplinskog centra osnovanog na području Federacije Bosne i Hercegovine i Kantona.
- (5) Ugovor iz stava (4) ovog člana u ima Kantona zaključuje ministar.

Član 25. (Dostavljanje izvršne odluke centru za socijalni rad)

Izvršnu odluku, kojom je maloljetniku izrečena disciplinska mjera, općinski sud dostavlja centru za socijalni rad.

Član 26. (Početak izvršenja)

- (1) Centar za socijalni rad radi izvršenja disciplinske mjere upućivanje u disciplinski centar za maloljetnike na određeni broj sati u praznične dane ili na određeni broj sati u toku dana, poziva maloljetnika da se određenog dana i sata, u pratnji roditelja, usvojitelja ili staratelja, javi u centar za socijalni rad.
- (2) Centar za socijalni rad radi izvršenja disciplinske mjere upućivanje u disciplinski centar za maloljetnike na neprekidni boravak na utvrđeni broj dana, u dogovoru sa disciplinskim centrom za maloljetnike, poziva maloljetnika da se određenog dana i sata, u pratnji roditelja, usvojitelja ili staratelja, javi u disciplinski centar za maloljetnike.
- (3) Izvršenje disciplinske mjere iz člana 24. ovog zakona počinje od dana kad se maloljetnik javi u disciplinski centar za maloljetnike.

Član 27. (Obaveze roditelja, usvojitelja i staratelja i centra za socijalni rad)

- (1) Roditelj, usvojitelj ili staratelj maloljetnika dužan je da obezbijedi redovni dolazak maloljetnika u centar za socijalni rad radi izvršenja disciplinske mjere upućivanje

u disciplinski centar za maloljetnike na određeni broj sati u praznične dane ili na određeni broj sati u toku dana, a u slučaju da maloljetnik, iz opravdanih razloga, bude spriječen da dođe određenog dana u centar za socijalni rad, dužan je da o tome odmah obavijesti centar za socijalni rad.

- (2) Ako se maloljetnik određenog dana i u određeno vrijeme ne javi u centar za socijalni rad ili prestane da redovno dolazi, centar za socijalni rad o tome obavještava općinski sud, radi preduzimanja odgovarajućih mjera.

Član 28.

(Obaveze roditelja, usvojitelja i staratelja i disciplinskog centra za maloljetnike)

- (1) Roditelj, usvojitelj ili staratelj maloljetnika dužan je da obezbijedi dolazak maloljetnika u disciplinski centar za maloljetnike radi izvršenja disciplinske mjere upućivanja u disciplinski centar za maloljetnike na neprekidni boravak.
- (2) Ako se maloljetnik određenog dana i u određeno vrijeme ne javi u disciplinski centar za maloljetnike, disciplinski centar za maloljetnike o tome obavještava centar za socijalni rad i općinski sud, radi preduzimanja odgovarajućih mjera.

Član 29.

(Vrijeme izvršavanja)

- (1) Disciplinska mjera upućivanja u disciplinski centar za maloljetnike na određeni broj sati u praznične dane ili na određeni broj sati u toku dana, izvršava se između 800 i 2000 sati, u slobodnom vremenu maloljetnika, usklađenom sa školskim i radnim obavezama.
- (2) Maloljetniku, upućenom u disciplinski centar za maloljetnike na neprekidni boravak na utvrđeni broj dana, obezbjeđuje se smještaj i ishrana.
- (3) Maloljetniku, upućenom u disciplinski centar za maloljetnike na period duži od šest sati dnevno, obezbjeđuje se odgovarajući broj obroka hrane.

Član 30.

(Plan i program za rad s maloljetnikom)

- (1) Centar za socijalni rad donosi plan i program za rad s maloljetnikom kojem je izrečena disciplinska mjera upućivanje u disciplinski centar za maloljetnike na određeni broj sati u praznične dane ili na određeni broj sati u toku dana .
- (2) Disciplinska mjera upućivanje u disciplinski centar za maloljetnike na neprekidni boravak na utvrđeni broj dana izvršava se prema planu i programu disciplinskog centra u koji je maloljetnik upućen.

Član 31.

(Pridržavanje pravila kućnog reda i uputstava i savjeta)

- (1) Maloljetnik je dužan da se, u centru za socijalni rad, odnosno disciplinskom centru za maloljetnike, pridržava pravila kućnog reda i uputstava i savjeta ovlaštenih stručnih radnika.
- (2) Ako se, zbog nediscipline maloljetnika ili roditelja, staratelja ili usvojitelja, disciplinska mjera ne može izvršiti, centar za socijalni rad, najkasnije u roku od 48 sati, o tome obavještava općinski sud, radi preduzimanja odgovarajućih mjera.
- (3) Ako se, zbog nediscipline maloljetnika ili roditelja, staratelja ili usvojitelja, disciplinska mjera upućivanje u disciplinski centar za maloljetnike na neprekidni boravak na utvrđeni broj dana ne može izvršiti, disciplinski centar za maloljetnike, najkasnije u roku od 48 sati, o tome obavještava centar za socijalni rad i općinski sud, radi preduzimanja odgovarajućih mjera.

POGLAVLJE II. IZVRŠENJE MJERA POJAČANOG NADZORA

Odjeljak A. Pojačan nadzor od strane roditelja, usvojitelja ili staratelja

Član 32.

(Početak izvršenja)

Izvršenje mjere pojačanog nadzora od strane roditelja, usvojitelja ili staratelja počinje od dana kad se roditelju, usvojitelju ili staratelju maloljetnika dostavi izvršna odluka općinskog suda radi izvršenja ove mjere.

Član 33.

(Način izvršenja)

Izvršenje mjere iz člana 32. ovog zakona obuhvata stalnu i punu brigu roditelja, staratelja ili usvojitelja u odgoju maloljetnika, brigu oko razvijanja radnih navika maloljetnika, odvajanje iz sredine koja na maloljetnika štetno utiče, sređivanje prilika u kojima maloljetnik živi, razvijanje osjećaja lične odgovornosti i podsticanje da i sam učestvuje u svome preodgoju.

Član 34.

(Dužnost postupanja po uputama općinskog suda)

Ako je općinski sud dao potrebne upute i naložio određene dužnosti u pogledu mjera koje treba preduzeti za odgoj maloljetnika, njegovo liječenje i za otklanjanje štetnih

uticaja na njega, roditelji, usvojitelj ili staratelj dužni su postupati po ovim uputama i izvršavati naložene dužnosti.

Član 35.

(Provjeravanje izvršenja i pomoć roditelju, usvojitelju i staratelju)

- (1) Ako je općinski sud, pri izricanju mjere iz člana 32. ovog zakona, odredio da nadležni organ socijalne skrbi provjerava njeno izvršenje i ukazuje pomoć roditelju, usvojitelju ili staratelju, odluka općinskog suda dostavlja se centru za socijalni rad.
- (2) U slučaju iz prethodnog stava ovog člana, centar za socijalni rad dužan je da:
 - a) poziva maloljetnika i njegove roditelje, usvojitelja ili staratelja, radi vođenja razgovora o pitanjima vezanim za izvršenje izrečene mjere,
 - b) provjerava, u saradnji sa školom, preduzećem ili drugim pravnim licem, odnosno organizacijom u kojoj maloljetnik radi ili je uključen, odnos maloljetnika prema radnim obavezama, kao i njegovo ponašanje prema drugim licima,
 - c) pruža pomoć maloljetniku, putem saradnje sa odgovarajućim ustanovama, kad roditelji, usvojitelj ili staratelj nisu u stanju sami da postupe po datim uputama i nalogima.

Član 36.

(Obavještenje o promjeni prebivališta, odnosno boravišta)

Ako maloljetnik, za vrijeme izvršavanja mjere pojačanog nadzora od strane roditelja, usvojitelja ili staratelja, promijeni prebivalište, odnosno boravište, roditelji, usvojitelj ili staratelj dužni su da o tome odmah obavijeste općinski sud.

Odjeljak B. Pojačan nadzor u drugoj porodici

Član 37.

(Izvršenje i provjera izvršenja)

- (1) Izvršna odluka općinskog suda, kojom je izrečena mjera pojačanog nadzora u drugoj porodici, izvršava se u obitelji koja je primila maloljetnika i vrši nad njim pojačani nadzor.
- (2) Centar za socijalni rad vrši provjeravanje izvršenja mjere iz stava (1) ovog člana i ukazuje potrebnu pomoć porodici koja je primila maloljetnika.

Član 38.

(Iznalaženje porodici radi izvršenja)

Centar za socijalni rad, u saradnji sa nadležnim organi-

ma u mjesnim zajednicama općine, iznalazi porodici koje su voljne da prime maloljetnika i koje imaju mogućnosti da vrše nad njim pojačani nadzor.

Član 39.

(Određivanje porodici radi izvršenja)

Centar za socijalni rad određuje, iz spiska obitelji kod kojih se mogu smjestiti maloljetnici, porodica u kojoj će maloljetnik biti smješten radi izvršenja mjere pojačanog nadzora u drugoj obitelji i o tome obavještava općinski sud.

Član 40.

(Smještaj maloljetnika u porodicu u kojoj će se izvršavati mjera i troškovi izvršenja)

- (1) Centar za socijalni rad smješta maloljetnika u porodicu u kojoj će se izvršavati izrečena mjera, u skladu s propisima kojima se reguliše smještaj u drugu porodicu.
- (2) Troškove izvršenja mjere pojačanog nadzora u drugoj porodici snosi Kanton.

Član 41.

(Određivanje smještaja maloljetnika u drugu porodicu zbog izmijenjenih prilika)

Općinski sud može, na prijedlog centra za socijalni rad ili kad sam ocijeni, odrediti smještaj maloljetnika u drugu porodicu iz člana 38. ovog Zakona, ako su se prilike u porodici u kojoj je maloljetnik smješten toliko izmijenile da ne obezbjeđuju pravilno izvršenje izrečene mjere.

Član 42.

(Uticanje na sređivanje prilika u porodici iz koje je maloljetnik izdvojen)

Za vrijeme izvršenja mjere pojačanog nadzora u drugoj porodici, a u cilju obezbjeđenja uvjeta za vraćanje maloljetnika u njegovu porodicu, centar za socijalni rad dužan je da utiče na sređivanje prilika u porodici iz koje je maloljetnik izdvojen.

Član 43.

(Shodna primjena odredaba ovog Zakona)

Odredbe članova 35. i 36. ovog zakona shodno se primjenjuju i na izvršenje mjere pojačanog nadzora u drugoj porodici.

Odjeljak C. Pojačan nadzor od strane nadležnog organa socijalne skrbi**Član 44.
(Organ izvršenja)**

Odluku općinskog suda, kojom je izrečena mjera pojačanog nadzora od strane nadležnog organa socijalne skrbi, izvršava centar za socijalni rad.

**Član 45.
(Način izvršenja i saradnja)**

(1) Po prijemu izvršne odluke općinskog suda iz člana 44. ovog zakona, centar za socijalni rad dužan je da:

- a) ostvaruje neposredni kontakt s maloljetnikom i njegovom porodicom, putem razgovora, posjeta, obilazaka i na drugi pogodan način,
- b) uspostavi stalnu saradnju sa školom, odnosno pravim i drugim licem, gdje maloljetnik živi i radi.

(2) Obrazovne, odgojne, zdravstvene i druge ustanove, kao i udruženja, odnosno društva koja okupljaju djecu i omladinu, dužni su da sarađuju sa centrom za socijalni rad i da mu pružaju pomoć u izvršenju mjere iz stava (1) ovog člana.

**Član 46.
(Obavješćavanje o okolnostima i prilikama koje negativno utiču na izvršenje)**

Roditelji, usvojitelj ili staratelj maloljetnika dužni su da obavješćavaju centar za socijalni rad o okolnostima i prilikama koje negativno utiču na uspješno izvršenje mjere pojačanog nadzora od strane nadležnog organa socijalne skrbi, kako bi centar za socijalni rad preduzeo odgovarajuće mjere na koje je ovlašten zakonom.

POGLAVLJE III. ODGODA I PREKID IZVRŠENJA ODGOJNIH MJERA**Odjeljak A. Odgoda i prekid mjere upućivanja u disciplinski centar i mjere pojačanog nadzora u drugoj porodici****Član 47.
(Odgoda izvršenja)**

(1) Izvršenje odgojnih mjera upućivanja u disciplinski centar i pojačanog nadzora u drugoj porodici, može se odgoditi na molbu maloljetnika, njegovog roditelja, staratelja ili usvojitelja, bračnog druga ili na prijedlog centra za socijalni rad, u slučaju:

- a) ako je maloljetnik obolio od teže akutne bolesti;
- b) ako se desio smrtni slučaj ili teška bolest u užoj obitelji maloljetnika;
- c) ako se maloljetnik nalazi neposredno pred završetkom škole ili polaganja ispita za koji se pripremao, pa bi mu izvršenje odgojne mjere u ovom momentu moglo nepovoljno uticati na izvršenje tih obaveza;
- d) ako trudnoj maloljetnici do porođaja ne preostaje više od pet mjeseci, kao i maloljetnici koja ima dijete mlađe od jedne godine života.

(2) Izvršenje odgojne mjere u slučaju iz tačke a) stava (1) ovog člana može se odgoditi dok bolest traje, u slučaju iz tačke b) stava (1) ovog člana - najduže za tri mjeseca, u slučaju iz tačke c) stava (1) ovog člana - najduže za šest mjeseci, a u slučaju iz tačke d) stava (1) ovog člana, trudnoj maloljetnici, kao i maloljetnici koja ima dijete mlađe od jedne godine života - do navršene jedne godine života djeteta.

**Član 48.
(Molba za odgodu izvršenja)**

- (1) Molba za odgodu izvršenja odgojne mjere podnosi se općinskom sudu.
- (2) Molba iz stava (1) ovog člana podnosi se u roku od tri dana od dana prijema poziva za izvršenje odgojne mjere.
- (3) Ako je razlog za odgodu izvršenja odgojne mjere iz stava (1) tač. a) i b) člana 47. ovog zakona nastao nakon isteka roka iz stava (1) ovog člana, molba se može podnijeti do dana kad maloljetnik treba da se javi radi izvršenja odgojne mjere.
- (4) U molbi se moraju navesti razlozi, činjenice i dokazi na kojima se zasniva molba za odgodu izvršenja odgojne mjere.

**Član 49.
(Odlučivanje o molbi za odgodu izvršenja)**

- (1) O molbi za odgodu izvršenja odgojne mjere odlučuje rješenjem Općinski sud, u roku od tri dana od dana prijema molbe.
- (2) Prije donošenja rješenja iz stava (1) ovog člana, sudija za maloljetnike može povjeriti centru za socijalni rad da izvrši provjeru činjenica navedenih u molbi.
- (3) Molbu koja nije podnesena u roku iz stava (2) člana 48. ovog zakona ili koja ne sadrži razloge, dokaze i činjenice za odgodu, sud odbacuje rješenjem.
- (4) Do donošenja rješenja o molbi, odgađa se početak izvršenja odgojne mjere.

Član 50.**(Pravo žalbe protiv rješenja kojim se odbija odgoda izvršenja)**

- (1) Protiv rješenja kojim se odbija molba za odgodu izvršenja odgojne mjere, podnosilac ima pravo žalbe u roku od tri dana od dana prijema rješenja, Kantonalnom sudu u Zenici (u daljnjem tekstu: Kantonalni sud).
- (2) Kantonalni sud donosi rješenje o žalbi u roku od tri dana od dana prijema žalbe.
- (3) Rješenje iz stava (2) ovog člana je konačno i dostavlja se, u roku od tri dana, podnosiocu molbe i centru za socijalni rad.

Član 51.**(Drugi slučajevi odgode izvršenja)**

Općinski sud može donijeti rješenje o odgodi izvršenja odgojne mjere i kada je podignut zahtjev za ponavljanje krivičnog postupka.

Član 52.**(Prekid izvršenja)**

- (1) Na molbu maloljetnika, njegovog roditelja, usvojitelja, staratelja ili centra za socijalni rad, može se dozvoliti prekid izvršenja odgojne mjere.
- (2) Na prekid izvršenja odgojne mjere shodno se primjenjuju odredbe članova od 47. do 51. ovog zakona.
- (3) Vrijeme prekida ne uračunava se u vrijeme izvršenja odgojne mjere.

Odjeljak B. Odgoda i prekid zavodske odgojne mjere**Član 53.****(Odgoda i prekid zavodske odgojne mjere)**

- (1) Odredbe članova od 47. do 52. ovog zakona shodno se primjenjuju na odgodu i prekid izvršenja zavodske odgojne mjere upućivanja u odgojnu ustanovu, u odgojno-popravni dom ili u drugu ustanovu za osposobljavanje (u daljnjem tekstu: zavodska odgojna mjera).
- (2) Vrijeme prekida ne uračunava se u vrijeme izvršenja zavodske odgojne mjere.

DIO ČETVRTI - IZVRŠENJE PREKRŠAJNIH SANKCIJA**POGLAVLJE I. UKOR, NOVČANA KAZNA I RAD ZA OPĆE DOBRO NA SLOBODI****Odjeljak A. Ukor****Član 54.****(Organ izvršenja i način izvršenja)**

- (1) Izrečenu sankciju ukor u prekršajnom postupku izvršava prvostepeni sud koji je tu sankciju izrekao tako da se ista posebno evidentira u prvostepenom sudu.
- (2) Prvostepeni sud utvrdit će način vođenja evidencije iz stava (1) ovog člana.

Odjeljak B. Novčana kazna**Član 55.****(Način izvršenja novčane kazne kažnjenom licu)**

Novčana kazna izrečena kažnjenom licu izvršava se na način propisan Zakonom o prekršajima Federacije Bosne i Hercegovine („Službene novine Federacije Bosne i Hercegovine“, broj: 31/06).

Član 56.**(Troškovi izvršenja novčane kazne)**

Troškove izvršenja novčane kazne snosi kažnjeni.

Odjeljak C. Rad za opće dobro na slobodi**Član 57.****(Mjesto i način izvršenja rada za opće dobro na slobodi)**

- (1) Rad za opće dobro na slobodi izvršava se u mjestu prebivališta, odnosno boravišta kažnjenog lica na način propisan Pravilnikom o vrsti i uvjetima za izvršenje sankcije rada za opće dobro na slobodi.
- (2) Pravilnik iz stava (1) ovog člana donosi ministar.

POGLAVLJE II. ZAŠTITNE MJERE**Odjeljak A. Oduzimanje predmeta****Član 58.****(Organ izvršenja i način izvršenja)**

- (1) Zaštitnu mjeru oduzimanja predmeta izvršava prvostepeni sud, odnosno organ koji je tu zaštitnu mjeru izrekao.
- (2) Prema prirodi predmeta prvostepeni sud, odnosno organ koji je prekršajnim nalogom tu zaštitnu mjeru izrekao odredit će da li će se ti predmeti prodati po propisima izvršnog postupka ili će se uništiti ili ustupiti određenoj osobi.

nom državnom organu ili određenom pravnom licu.

- (3) Sredstva ostvarena prodajom predmeta iz stava (1) ovog člana pripadaju odgovarajućem budžetu, u skladu sa zakonom koji uređuje pripadnost javnih prihoda.
- (4) Troškove koji nastanu prinudnim izvršenjem zaštitne mjere iz stava (1) ovog člana snosi lice kome je ta mjera izrečena.

Odjeljak B. Zabrana vršenja poziva, djelatnosti ili dužnosti

Član 59.

(Organ izvršenja i način izvršenja)

Zaštitnu mjeru zabrane vršenja poziva, djelatnosti ili dužnosti izvršava prvostepeni sud, odnosno organ koji je tu zaštitnu mjeru izrekao na način propisan u članu 17. i 18. ovog zakona za izvršenje mjere sigurnosti zabrane vršenja poziva, aktivnosti ili funkcije.

Odjeljak C. Potpuna ili djelimična zabrana upravljanja motornim vozilom

Član 60.

(Organ izvršenja i način izvršenja)

Zaštitnu mjeru potpune ili djelimične zabrane upravljanja motornim vozilom izvršava prvostepeni sud, odnosno organ koji je tu zaštitnu mjeru izrekao na način propisan u članu 19. ovog zakona za izvršenje mjere sigurnosti zabrane upravljanja motornim vozilom.

Odjeljak D. Vanbolničko liječenje od zavisnosti

Član 61.

(Organ izvršenja i način izvršenja)

- (1) Zaštitna mjera vanbolničko liječenje od zavisnosti izvršava se u ovlaštenoj ustanovi koju odredi prvostepeni sud, na način koji odredi prvostepeni sud.
- (2) Troškove obaveznog liječenja, za lice koje nije zdravstveno osigurano, kao i dio troškova koje, po posebnim propisima, snosi sam osiguranik, za kažnjeno lice koje ima prebivalište na području Kantona, snosi Kanton.

Odjeljak E. Druge zaštitne mjere propisane posebnim zakonom

Član 62.

(Način i uvjeti izvršenja)

Druge zaštitne mjere propisane posebnim zakonom izvršavaju se na način i pod uvjetima utvrđenim tim zakonom i zakonom kojim su regulisani prekršaji u Federaciji Bosne

i Hercegovine.

DIO PETI - IZVJEŠTAVANJE O IZVRŠENJU SANKCIJA

Član 63.

(Podnošenje izvještaja)

- (1) Organi iz člana 3. ovog zakona, dužni su podnositi izvještaj Skupštini Kantona o izvršenju sankcija iz člana 1. ovog zakona, najmanje jedanput godišnje.
- (2) Organi iz stava (1) ovog člana dužni su, po zahtjevu Skupštine Kantona ili Ministarstva, podnositi izvještaje o izvršenju sankcija i za kraći period ili samo za određenu vrstu sankcija.

Član 64.

(Metodologija podnošenja izvještaja)

Izvještaj o izvršenju sankcija iz člana 63. ovog zakona podnosi se putem Ministarstva, po metodologiji koju, pravilnikom, utvrđuje ministar.

DIO ŠESTI - PRIJELAZNE I ZAVRŠNE ODREDBE

Član 65.

(Izvršavanje pravosnažnih odluka inostranih sudova i sankcija izrečenih stranim državljanima i licima bez državljanstva)

- (1) Po odredbama ovog zakona izvršavaju se i pravosnažne odluke inostranih sudova, ukoliko posebnim zakonom Bosne i Hercegovine ili međunarodnim ugovorom nije drukčije određeno.
- (2) Po odredbama ovog zakona izvršavaju se i sankcije izrečene stranim državljanima i licima bez državljanstva, ukoliko posebnim zakonom Bosne i Hercegovine ili međunarodnim ugovorom nije drukčije određeno.

Član 66.

(Rok za donošenje pravilnika)

Pravilnik iz člana 16., 57. i 64. ovog zakona, donijet će ministar u roku od 90 dana od dana stupanja na snagu ovog zakona.

Član 67.

(Ravnopravnost spolova)

Gramatička terminologija korišćenja muškog ili ženskog roda u ovom zakonu podrazumijeva uključivanje oba roda.

Član 68.
(Prestanak važenja Zakona)

Stupanjem na snagu ovog zakona prestaje da važi Zakon o izvršenju sankcija u Zeničko-dobojskom kantonu („Službene novine Zeničko-dobojskog kantona“, broj: 16/00, 6/01 i 15/03).

Član 69.
(Stupanje na snagu Zakona)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8662/09 **PREDSJEDAVAJUĆI**

Datum, 01.04.2009. godine

Zenica

Sejad Zaimović, s.r.

79.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj 31.03.2009. godine, donosi:

ZAKON
O VISOKOM OBRAZOVANJU

DIO PRVI - UVODNE ODREDBE

Član 1.
(Predmet zakona)

Ovim zakonom uređuju se sistem, uvjeti i način obavljanja djelatnosti visokog obrazovanja, finansiranje, kao i druga pitanja od značaja za obavljanje ove djelatnosti na području Zeničko-dobojskog kantona (u daljem tekstu: Kanton).

Član 2.
(Djelatnost visokog obrazovanja)

Djelatnost visokog obrazovanja je od posebnog društvenog interesa za Kanton i dio je međunarodnog, a posebno evropskog obrazovnog, naučnog, odnosno umjetničkog prostora.

POGLAVLJE I. CILJEVI I PRINCIPI VISOKOG OBRAZOVANJA

Odjeljak A. Osnovni ciljevi i principi

Član 3.
(Osnovni ciljevi visokog obrazovanja)

Osnovni ciljevi visokog obrazovanja su:

- a) ustanovljavati, razvijati, štiti i prenositi znanje i sposobnosti putem nastave i naučnoistraživačkog rada, i time doprinosti razvoju sposobnosti pojedinca i društva;
- b) pružiti mogućnost građanima da, u skladu s propisima, pod jednakim uvjetima uživaju korist visokog obrazovanja cijeli život;
- c) razvoj nauke i unapređivanje umjetničkog stvaralaštva.

Član 4.
(Strategija programa razvoja)

- (1) Razvoj djelatnosti visokog obrazovanja na području Kantona utvrđuje se Strategijom razvoja visokog obrazovanja, koju donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).
- (2) Strategijom razvoja visokog obrazovanja utvrđuju se strateški interesi i potrebe Kantona u oblasti visokog obrazovanja, mjere za obezbjeđenje razvoja i unapređenja kvaliteta visokog obrazovanja, finansiranje, kao i druga pitanja od značaja za razvoj visokoškolske djelatnosti na području Kantona.

Član 5.
(Principi visokog obrazovanja)

Djelatnost visokog obrazovanja se temelji na sljedećim principima:

- a) akademskim slobodama, akademskoj samoupravi i autonomiji visokoškolske ustanove;
- b) jedinstvu nastave i naučnoistraživačkog, odnosno umjetničkog rada;
- c) otvorenosti visokoškolske ustanove prema javnosti, građanima i lokalnoj zajednici;
- d) uvažavanju evropskih humanističkih i demokratskih vrijednosti, te usklađivanju s evropskim sistemom visokog obrazovanja;
- e) poštivanju ljudskih prava i građanskih sloboda, uključujući zabranu svih oblika diskriminacije;
- f) interakciji sa društvenom zajednicom i obavezi visokoškolske ustanove da razvija društvenu odgovornost studenata i drugih članova akademske zajednice;
- g) učešću studenata u upravljanju i odlučivanju, posebno u vezi sa pitanjima koja su od značaja za kvalitet nastave;
- h) ravnopravnosti visokoškolskih ustanova bez obzira na oblik vlasništva, odnosno na to ko je osnivač;
- i) afirmaciji konkurencije obrazovnih i istraživačkih usluga radi povećanja kvaliteta i efikasnosti visokoškolskog sistema;

- j) obezbjeđivanju kvaliteta i efikasnosti studiranja;
- k) konceptu cjeloživotnog obrazovanja.

Odjeljak B. Akademske slobode

Član 6. (Akademske slobode)

- (1) Akademske slobode su:
 - a) sloboda visokoškolskih ustanova u nastavnom i naučnoistraživačkom radu i umjetničkom stvaralaštvu u okviru svojih licenci, bez miješanja organa javne vlasti, uključujući slobodu objavljivanja i javnog predstavljanja naučnih rezultata i umjetničkih dostignuća;
 - b) sloboda međusobne saradnje i udruživanja, u skladu sa važećim propisima.
- (2) Akademska sloboda na visokoškolskoj ustanovi je sloboda svakog nastavnika, saradnika i studenta da obavlja svoju akademsku aktivnost u skladu sa ustavom i zakonom.

Član 7. (Autonomija)

Visokoškolske ustanove imaju pravo:

- a) izabrati svoje upravne i rukovodne organe i odrediti im mandat;
- b) urediti svoje strukture i aktivnosti vlastitim pravilima u skladu sa zakonom i statutom;
- c) izabrati nastavno, saradničko i drugo osoblje čiji je angažman povezan sa djelatnošću visokog obrazovanja;
- d) odlučiti o kriterijima za upis i prijem studenata, kao i odrediti nastavne metode i provjere znanja studenata;
- e) samostalno razvijati i primjenjivati nastavne planove i programe, te istraživačke projekte;
- f) u skladu sa nastavnim programom i standardima izabrati predmete koji će se predavati;
- g) na univerzitetima dodjeljivati naučno-nastavna i saradnička zvanja;
- h) samostalno urediti rad visokoškolske ustanove u okviru postojeće unutrašnje organizacije, u skladu sa zakonom;
- i) zapošljavati osoblje u skladu sa zakonom.

Član 8. (Nepovredivost akademskog prostora)

- (1) Prostor visokoškolske ustanove je nepovrediv i u njega ne mogu ulaziti pripadnici policije i drugih organa za gonjenje i sprječavanje krivičnih djela bez dozvole rektora, direktora visoke škole ili lica koja su oni ovlastili.

- (2) Izuzetno od stava (1) ovog člana, s ciljem sprječavanja krivičnog djela ili zaustavljanja izvršenja krivičnog djela, mogu se preduzimati neophodne mjere, s tim da se o preduzetim radnjama odmah obavijesti uprava visokoškolske ustanove.

Član 9. (Jezik studija)

Visokoškolska ustanova organizira i izvodi studije na službenim jezicima konstitutivnih naroda u BiH, a pojedine dijelove studija, kao i izradu i odbranu diplomskog i magistarskog rada i doktorske disertacije, može organizirati i izvoditi na stranom jeziku, u skladu sa statutom.

Odjeljak C. Pravo na visoko obrazovanje

Član 10. (Pravo na visoko obrazovanje)

- (1) Pravo na visoko obrazovanje imaju sva lica koja ispunjavaju uvjete stručne spreme propisane Okvirnim zakonom o visokom obrazovanju u Bosni i Hercegovini („Službeni glasnik BiH“, broj: 59/07), (u daljem tekstu: Okvirni zakon), bez obzira na rasu, boju kože, spol, seksualnu orijentaciju, etničko, nacionalno ili socijalno porijeklo, jezik, vjeroispovijest, političko ili drugo mišljenje, vezu s nekom nacionalnom zajednicom, status stečen rođenjem, fizički ili drugi nedostatak, imovinsko stanje, rođenje, starosnu dob ili neki drugi status.
- (2) Ustanova će osigurati pristup studiju stranim državljanima i licima bez državljanstva u skladu sa utvrđenim načelima u Evropskom području visokog obrazovanja, osiguravajući studij pod istim uvjetima kao i državljanima Bosne i Hercegovine, afirmirajući mobilnost studenata i nastavnika.

POGLAVLJE II. VISOKOŠKOLSKE USTANOVE

Član 11. (Univerzitet i visoka škola)

- (1) Djelatnost visokog obrazovanja obavljaju univerziteti i visoke škole.
- (2) Univerzitet je visokoškolska ustanova koja se bavi nastavnim, naučnim i istraživačkim radom, koja nudi akademske stepene sva tri ciklusa, sa ciljevima koji uključuju unapređenje znanja, misli i školstva u Bosni i Hercegovini i Kantonu; obrazovni, kulturni, društveni i ekonomski razvoj Bosne i Hercegovine; promociju demokratskog građanskog društva i postizanje najviših standarda nastave i istraživačkog rada i koja realizira najmanje pet različitih studijskih programa iz najmanje tri naučne oblasti – prirodne nauke, tehničke nauke,

društvene nauke, biomedicina i zdravstvo, biotehničke i humanističke nauke.

- (3) Izuzetno od stava (1) ovog člana univerzitet u polju umjetnosti može se osnovati ako ima sva tri nivoa studija iz najmanje tri oblasti umjetnosti.
- (4) Visoka škola je visokoškolska ustanova koja je akreditirana za davanje diploma i stepena prvog ciklusa, sa ciljevima koji uključuju pripremu i obuku pojedinaca za stručni, ekonomski i kulturni razvoj Bosne i Hercegovine i Kantona, kao i promociju demokratskog građanskog društva, te postizanje visokih standarda nastave i učenja i, koja realizira najmanje jedan studijski program iz jedne naučne oblasti i ispunjava druge uvjete u skladu sa zakonom.
- (5) Visokoškolska ustanova može organizirati smještaj i ishranu studenata u skladu sa zakonom i osnivačkim aktom.

Član 12. (Javnost rada)

- (1) Rad visokoškolske ustanove je javan.
- (2) Na visokoškolskoj ustanovi nije dozvoljeno političko ili stranačko organiziranje niti djelovanje.

Član 13. (Imovina visokoškolske ustanove)

- (1) Visokoškolska ustanova stiče imovinu, upravlja njome i koristi je u skladu sa zakonom.
- (2) Imovina visokoškolske ustanove obezbijedena od osnivača za osnivanje i rad visokoškolske ustanove imovina je osnivača, ako aktom o osnivanju ustanove nije drugačije određeno.
- (3) Visokoškolska ustanova ne može raspolagati nepokretnostima u državnoj svojini bez prethodno pribavljene saglasnosti Skupštine Kantona.
- (4) Sredstva za rad visokoškolske ustanove mogu se koristiti samo za obavljanje djelatnosti visokoškolske ustanove.
- (5) Imovina visokoškolske ustanove stečena poklonom i zavještanjem je vlasništvo visokoškolske ustanove koja je tu imovinu stekla.
- (6) Visokoškolska ustanova samostalno upravlja fondacijama, odnosno fondovima i zadužbinama koji su joj povjereni, u skladu sa zakonom.
- (7) Imovina visokoškolske ustanove ne može biti iskorištena u cilju promjene statusa visokoškolske ustanove ili uzurpacije prava osnivača od strane drugih subjekata ili same visokoškolske ustanove.
- (8) Imovinske interese javne visokoškolske ustanove u postupcima pred sudom ili drugim nadležnim organom zastupa Kantonalno pravobranilaštvo.

Član 14. (Primjena drugih zakona)

Na pitanja koja nisu uređena ovim zakonom primjenjuje se Okvirni zakon, Zakon o ustanovama („Službeni list RBiH“, broj: 6/92, 8/93 i 13/94), kao i drugi propisi koji uređuju ovu oblast.

DIO DRUGI - OSNIVANJE I PRESTANAK RADA VISOKOŠKOLSKE USTANOVE

POGLAVLJE I. OSNIVANJE

Odjeljak A. Osnivanje visokoškolske ustanove

Član 15. (Status visokoškolske ustanove)

- (1) Univerzitet i visoka škola osnivaju se kao ustanove.
- (2) Javne visokoškolske ustanove obavljaju svoju djelatnost kao javnu službu.
- (3) Visokoškolska ustanova ima status pravnog lica.

Član 16. (Osnivači visokoškolske ustanove)

- (1) Visokoškolsku ustanovu može osnovati domaće ili strano pravno ili fizičko lice.
- (2) Visokoškolsku ustanovu mogu osnovati dva ili više osnivača, u kom slučaju se njihova međusobna prava, obaveze i odgovornosti utvrđuju ugovorom.
- (3) Visokoškolske ustanove mogu biti javne i privatne.
- (4) Visokoškolsku ustanovu kao javnu ustanovu može osnovati Skupština Kantona, samostalno ili zajedno sa drugim fizičkim ili pravnim licima, na prijedlog Vlade Kantona.

Odjeljak B. Elaborat o osnivanju

Član 17. (Elaborat o osnivanju visokoškolske ustanove)

- (1) Osnivač visokoškolske ustanove, odnosno Vlada Kantona za javnu ustanovu, formira ekspertsku komisiju koja će pripremiti elaborat o opravdanosti osnivanja visokoškolske ustanove.
- (2) Članovi ekspertске komisije su univerzitetski nastavnici iz naučne i stručne oblasti za koju se osniva visokoškolska ustanova.
- (3) Elaborat iz stava (1) ovog člana sadrži dokaze o opravdanosti osnivanja visokoškolske ustanove, kao i dokaze

da su ispunjeni propisani uvjeti za osnivanje i rad visokoškolske ustanove.

- (4) Elaborat se podnosi Ministarstvu za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo), sa zahtjevom za donošenje rješenja o ispunjenosti uvjeta za početak rada i obavljanje djelatnosti visokog obrazovanja.
- (5) Zahtjev za donošenje rješenja iz stava (4) ovog člana podnosi se najkasnije šest mjeseci prije početka akademske godine.

Član 18. (Komisija matičara)

- (1) Osnivač visokoškolske ustanove, odnosno Vlada Kantona za javnu ustanovu, prije donošenja akta o osnivanju usvaja elaborat.
- (2) Osnivač visokoškolske ustanove, odnosno Vlada Kantona nakon usvajanja elaborata, imenuje komisiju matičara i utvrđuje rok za podnošenje izvještaja.
- (3) Komisija matičara:
- a) donosi nastavne planove i nastavne programe;
 - b) donosi opći akt o pravilima studija;
 - c) objavljuje konkurs i vrši izbor nastavnika i saradnika za uže naučne, odnosno umjetničke oblasti ili za nastavne predmete prve i druge godine studija, od kojih najmanje jednu polovinu u radnom odnosu sa punim radnim vremenom, u skladu sa odredbama ovog zakona;
 - d) predlaže broj studenata za upis u prvu godinu studija.
- (4) Bliži propis o sastavu i radu komisije matičara donosi ministar Ministarstva (u daljem tekstu: ministar).

Član 19. (Akt o osnivanju visokoškolske ustanove)

- (1) Kada osnivač pozitivno ocijeni izvještaj komisije matičara donosi akt o osnivanju visokoškolske ustanove.
- (2) Aktom o osnivanju visokoškolske ustanove utvrđuje se:
- a) naziv osnivača;
 - b) naziv i sjedište visokoškolske ustanove;
 - c) djelatnost visokoškolske ustanove;
 - d) iznos i sredstva za osnivanje i početak rada i način njihovog obezbjeđivanja;
 - e) izvori i način obezbjeđivanja sredstava za rad visokoškolske ustanove;
 - f) međusobna prava i obaveze između osnivača i visokoškolske ustanove;
 - g) način raspolaganja viškom prihoda nad rashodima i način na koji se pokriva višak rashoda nad prihodima;
 - h) prava, obaveze i odgovornost visokoškolske ustanove

u pravnom prometu;

- i) lice koje će do imenovanja organa rukovođenja predstavljati i zastupati visokoškolsku ustanovu i njegova ovlaštenja i odgovornosti;
- j) rok za donošenje statuta visokoškolske ustanove, imenovanje organa upravljanja i rukovođenja visokoškolske ustanove;
- k) druga pitanja od značaja za rad visokoškolske ustanove.

Član 20. (Rješenje o ispunjavanju uvjeta za osnivanje i početak rada)

- (1) Ministarstvo formira komisiju koja ispituje uvjete za početak rada i obavljanja djelatnosti visokog obrazovanja.
- (2) Komisija broji pet članova i čine je univerzitetski nastavnici i najmanje jedan predstavnik osnivača.
- (3) Na osnovu pozitivne ocjene komisije, Ministarstvo donosi rješenje o ispunjavanju uvjeta za osnivanje i početak rada i obavljanje djelatnosti visokog obrazovanja.
- (4) Rješenje iz stava (3) ovog člana je upravni akt protiv koga nije dopuštena žalba, ali se može pokrenuti upravni spor.

Odjeljak C. Standardi i kriteriji

Član 21. (Standardi i kriteriji)

- (1) Visokoškolska ustanova može početi sa radom i obavljanjem djelatnosti ako ispunjava kriterije i standarde za osnivanje visokoškolske ustanove, te za prestrukturiranje studijskih programa, koje donosi Ministarstvo, u skladu sa zakonom.
- (2) Visokoškolska ustanova ispunjava kadrovske uvjete ako ima u radnom odnosu najmanje jednu polovinu od ukupnog broja nastavnika potrebnih za izvođenje nastave na obaveznim nastavnim predmetima za sve cikluse koje organizira utvrđenim nastavnim planom, osim na akademiji umjetnosti.
- (3) Izuzetno, za studij medicinske grupe nauka, broj angažiranih zaposlenika iz zdravstvene institucije u nastavnom procesu u visokoškolskoj ustanovi ulazi u broj nastavnika iz stava (2), a što se regulira posebnim ugovorom između visokoškolske ustanove i zdravstvene institucije.

Član 22. (Dozvola za rad)

- (1) Nakon donošenja rješenja o ispunjavanju uvjeta za osnivanje i početak rada, obavljanje djelatnosti visokog

obrazovanja, kao i akta o osnivanju, na zahtjev visokoškolske ustanove, Ministarstvo izdaje dozvolu za radlicencu.

- (2) Visokoškolska ustanova se smatra osnovanom upisom u sudski registar, čime stiče status pravnog lica.

Član 23.

(Visokoškolska ustanova sa sjedištem izvan Kantona)

- (1) Visokoškolska ustanova sa sjedištem izvan Kantona ili u drugoj državi može organizirati studij na području Kantona, uz prethodnu saglasnost osnivača.
- (2) Na osnovu saglasnosti iz prethodnog stava Ministarstvo utvrđuje da li su ispunjeni uvjeti iz člana 21. ovog zakona.

Član 24.

(Periodično utvrđivanje uvjeta za rad)

- (1) Ministarstvo najmanje jedanput u pet godina utvrđuje da li visokoškolska ustanova ispunjava uvjete propisane ovim zakonom.
- (2) Ako Ministarstvo utvrdi da visokoškolska ustanova, odnosno, studijski odsjek visokoškolske ustanove ne ispunjava uvjete, utvrdit će rok za otklanjanje nedostataka koji ne može biti manji od jedne godine.
- (3) U roku iz stava (2) ovog člana ne može se vršiti upis studenata u prvu godinu studija u visokoškolskoj ustanovi, odnosno organizacionoj jedinici koja ne ispunjava uvjete iz ovog zakona.
- (4) Ukoliko se u određenom roku nedostaci ne otklone, visokoškolskoj ustanovi ili njenom organizacionom dijelu koji ne ispunjavaju uvjete iz ovog zakona, Ministarstvo će zabraniti obavljanje djelatnosti i o tome obavijestiti osnivača.
- (5) Pravosnažno rješenje o trajnoj zabrani rada Ministarstvo dostavlja osnivaču, nadležnom registarskom sudu i Agenciji za razvoj visokog obrazovanja i osiguranje kvaliteta (u daljem tekstu: Agencija), radi brisanja visokoškolske ustanove iz registra.

POGLAVLJE II. STATUSNE PROMJENE I PRESTANAK RADA

Član 25.

(Statusne promjene)

- (1) Visokoškolska ustanova može, u skladu sa zakonom, proširiti, odnosno promijeniti djelatnost, naziv i sjedište, kao i vršiti statusne promjene: spajanje, pripajanje, podjelu i izdvajanje.
- (2) Prije donošenja odluke o statusnoj promjeni osnivač usvaja elaborat o opravdanosti statusne promjene.

- (3) Elaborat sadrži: opravdanost potrebe za statusnom promjenom, dužinu trajanja studija, okvirni nastavni plan i nastavni program, stručni naziv koji se stiče po završetku studija, ispunjavanje općih i posebnih uvjeta po standardima visokog obrazovanja i normativima, sredstva potrebna za ispunjavanje tih uvjeta i način njihovog osiguravanja.

- (4) Prijedlog elaborata osnivaču podnosi visokoškolska ustanova.

Član 26.

(Prestanak rada visokoškolske ustanove)

- (1) Visokoškolska ustanova prestaje sa radom:
- a) ako više ne postoji potreba za obavljanje djelatnosti visokoškolske ustanove;
 - b) ako prestanu da postoje uvjeti za obavljanje djelatnosti visokoškolske ustanove;
 - c) ako je visokoškolskoj ustanovi izrečena mjera zabrane obavljanja djelatnosti, zbog toga što ne ispunjava uvjete u skladu sa zakonom, a u roku određenom u izrečenoj mjeri nije ispunila te uvjete;
 - d) ako se pravosnažnom odlukom suda utvrdi ništavnost upisa u sudski registar;
 - e) ako je u nemogućnosti da ispunjava zakonom propisane obaveze, a aktom o osnivanju nije utvrđena odgovornost osnivača za te obaveze;
 - f) ako se pripoji drugoj visokoškolskoj ustanovi, spoji sa drugom visokoškolskom ustanovom ili podijeli na dvije ili više visokoškolskih ustanova;
 - g) ako se organizira u privredno društvo;
 - h) u drugim slučajevima određenim zakonom ili aktom o osnivanju.
- (2) Akt o prestanku rada visokoškolske ustanove donosi osnivač.
- (3) Aktom o prestanku rada visokoškolske ustanove utvrđuje se način zaštite prava korisnika usluga i druga pitanja od značaja za prestanak rada visokoškolske ustanove, u skladu sa zakonom i statutom visokoškolske ustanove.
- (4) U slučaju prestanka rada javne visokoškolske ustanove osnivač je dužan zatečenim studentima omogućiti završetak započetih studija.
- (5) Prije donošenja akta o prestanku rada javne visokoškolske ustanove iz razloga utvrđenih u alineji a), b) i e) Vlada Kantona formira ekspertsku komisiju sa zadatkom da pripremi elaborat o opravdanosti prestanka rada javne visokoškolske ustanove.

Član 27.

(Obaveze nakon prestanka rada visokoškolske ustanove)

Odgovornost osnivača je da u slučaju prestanka rada visokoškolske ustanove osigura trajno čuvanje javnih ispra-

va, arhiva i druge dokumentacije u skladu sa zakonom.

DIO TREĆI - LICENCA I AKREDITACIJA

POGLAVLJE I. KRITERIJI ZA LICENCIRANJE

Član 28. **(Kriteriji za licenciranje)**

Visokoškolska ustanova može početi da radi i obavlja svoju djelatnost nakon dobijanja licence.

Član 29. **(Licenca)**

- (1) Licenca je dozvola za rad koju izdaje Ministarstvo i kojom se visokoškolskoj ustanovi dozvoljava pružanje usluga visokog obrazovanja.
- (2) Licencom se utvrđuje vrsta ustanove, akreditirani studijski programi, kao i stepeni i diplome koje se mogu dodjeljivati.
- (3) Kriterije iz stava (1) ovog člana donosi Ministarstvo na osnovu preporuke Agencije.

Član 30. **(Akreditacija)**

- (1) Akreditacija je postupak provjere organizacije rada, raspoloživih prostornih, materijalno-tehničkih i kadrovskih resursa, kvaliteta obrazovnog procesa, studijskih programa kojima raspolaže, odnosno koje pruža i dodjeljuje visokoškolska ustanova, a što ima za rezultat izdavanje rješenja o akreditaciji visokoškolske ustanove od strane Ministarstva.
- (2) U postupku akreditacije doktorskog studijskog programa utvrđuje se da li su ispunjeni uvjeti za obavljanje naučnoistraživačkog, odnosno umjetničkog rada, u skladu sa zakonom.

POGLAVLJE II. POSTUPAK IZDAVANJA AKREDITACIJE

Član 31. **(Postupak izdavanja akreditacije)**

- (1) Zahtjev za akreditaciju visokoškolska ustanova, odnosno osnivač podnosi Ministarstvu najmanje godinu dana prije datuma za koji se traži akreditacija.
- (2) U postupku akreditacije Ministarstvo može:
 - a) izdati uvjerenje o akreditaciji visokoškolske ustanove, odnosno studijskog programa;
 - b) utvrditi nedostatke u pogledu ispunjavanja uvjeta, kvaliteta rada visokoškolske ustanove, odnosno studijskog programa i odrediti rok za otklanjanje nave-

denih nedostataka, s tim što po isteku roka odlučuje o zahtjevu;

- c) donijeti rješenje kojim se zahtjev odbija.
- (3) Akreditacija po zahtjevu iz stava (1) ovog člana izdaje se najduže na četiri godine, nakon čega se mora provesti ponovna akreditacija.
 - (4) Ponovni zahtjev za akreditaciju može se podnijeti po isteku roka od godinu dana od donošenja rješenja kojim se zahtjev za akreditaciju odbija.

Član 32. **(Ovlaštenje akreditirane visokoškolske ustanove)**

- (1) Akreditirana i licencirana visokoškolska ustanova je jedina ovlaštena dodjeljivati akademske titule i zvanja i izdavati diplome navedene u rješenju o akreditaciji.
- (2) Neće se priznati akademske titule, stručna i naučna zvanja i diplome koje su izdale visokoškolske ustanove bez akreditacije i licence.

Član 33. **(Oduzimanje licence)**

- (1) Ako se na temelju inspeksijskog nadzora utvrdi da je visokoškolska ustanova prestala ispunjavati uvjete iz licence i akreditacije, a uočeni propusti se ne mogu otkloniti bez ozbiljnih posljedica na kvalitet studija, Ministarstvo će na osnovu mišljenja i preporuka Agencije, rješenjem oduzeti licencu.
- (2) Ako se uočeni nedostaci mogu otkloniti Ministarstvo će ostaviti rok, ne duži od šest mjeseci, u kojem visokoškolska ustanova mora otkloniti uočene nedostatke.

POGLAVLJE III. SAMOVREDNOVANJE I OSIGURANJE KVALITETA

Član 34. **(Samovrednovanje i osiguranje kvaliteta)**

- (1) Senat visokoškolske ustanove izrađuje i donosi dokument o politici osiguranja kvaliteta i metode samovrednovanja za sva tri studijska ciklusa.
- (2) Visokoškolske ustanove će razviti vlastite sisteme osiguranja kvaliteta kako bi osigurali kvalitet i realizaciju svoje obrazovne misije.
- (3) Visokoškolska ustanova sprovodi kontinuirano, po pravilu na kraju akademske godine, a najviše u intervalima od tri akademske godine, postupak samovrednovanja i ocjene kvaliteta svojih studijskih programa, nastave i uvjeta rada.
- (4) Postupak iz stava (3) ovog člana visokoškolska ustanova, odnosno njene organizacione jedinice sprovode u

skladu sa statutom, odnosno opštim aktom visokoškolske ustanove i metodama samovrednovanja koje utvrđuje senat.

- (5) Izvještaj o samovrednovanju i ocjeni kvaliteta objavljuje se tako da bude dostupan akademskom osoblju i studentima u toj visokoškolskoj ustanovi.
- (6) Na zahtjev Ministarstva, odnosno Agencije, visokoškolska ustanova dostavlja informaciju o postupku i rezultatima samovrednovanja i ocjene kvaliteta, kao i druge podatke od značaja za osiguranje kvaliteta.

Član 35. (Interne evaluacije)

Visokoškolska ustanova izvodi periodične interne evaluacije u skladu sa trajanjem nastavnih ciklusa utvrđenih ovim zakonom i statutom.

Član 36. (Uspostavljanje informacionog sistema)

Visokoškolska ustanova uspostavlja informacioni sistem kojim će se osigurati realizacija mjera politike osiguranja kvaliteta i stalni pristup informacijama o:

- a) progresu studenata i uspjehnosti;
- b) uposlenosti diplomiranih studenata;
- c) zadovoljstvu studenata nastavnim programima;
- d) efikasnosti nastavnog osoblja;
- e) strukturi studentske populacije;
- f) raspoloživim nastavnim resursima i njihovoj cijeni;
- g) indikatorima performansi ustanove;
- h) drugim elementima bitnim za osiguranje kvaliteta visokog obrazovanja.

Član 37. (Misija visokoškolske ustanove)

Visokoškolska ustanova će donijeti, publicirati i kontinuirano ažurirati misiju, odnosno izjavu o misiji, kojom će precizno i sažeto opisati visokoškolsku ustanovu, definirati njen status, identificirati postavljene ciljeve i politike, odrediti način prilagođavanja organizacione strukture ustanove potrebama studenata i društvene zajednice, te dati naznake o načinu realizacije postavljenih ciljeva.

DIO ČETVRTI - EVIDENCIJA, JAVNE ISPRAVE, REGISTAR

Član 38. (Matične knjige i evidencije)

- (1) Visokoškolska ustanova vodi matične knjige studenata i lica koja su stekla visoku stručnu spremu, stručni, naučni, odnosno umjetnički stepen magistra i naučni stepen

doktora nauka, kao i evidencije o ispitima, o uspjehu studenata na kraju školske godine, o izdatim diplomama i dodacima diplomi kao i druge evidencije utvrđene općim aktima visokoškolske ustanove.

- (2) Matične knjige i evidencije o izdatim diplomama i dodacima diplomi čuvaju se trajno.
- (3) Bliži propis o načinu vođenja matičnih knjiga i evidencija o izdatim diplomama i dodacima diplomi donosi ministar.
- (4) Općim aktima visokoškolske ustanove uredit će se način vođenja druge evidencije.

Član 39. (Javne isprave)

- (1) Na osnovu službene evidencije, visokoškolska ustanova izdaje javne isprave.
- (2) Javne isprave u smislu stava (1) ovog člana su: diploma o stečenom stepenu stručne spreme i zvanju, dodatak diplomi o stepenu stručne spreme, diploma o stečenom naučnom stepenu magistra i naučnom stepenu doktora nauka, dodatak diplomi o stečenom stepenu magistra i naučnom stepenu doktora nauka, indeks, ispisnica, uvjerenje o diplomiranju, uvjerenje o položenim ispitima, uvjerenje o uspjehu u toku studija i uvjerenje o učešću u pojedinim oblicima stručnog usavršavanja i permanentnog obrazovanja i druge isprave u skladu sa zakonom.
- (3) Bliži propis o sadržaju javnih isprava, osim diplome i dodatka diplomi, donosi ministar.

Član 40. (Izdavanje javne isprave)

- (1) Kada se nastava ostvaruje na stranom jeziku, javne isprave se izdaju na obrascu koji je štampan dvojezično, s tim da student može zahtijevati izdavanje javne isprave odvojeno.
- (2) Na zahtjev studenta visokoškolska ustanova izdaje javnu ispravu o savladanom dijelu studijskog programa, koja sadrži podatke o nivou, prirodi i sadržaju studija, kao i o postignutim rezultatima.
- (3) Diploma se izdaje na jednom od službenih jezika države Bosne i Hercegovine i po zahtjevu na engleskom jeziku, a dodatak diplomi izdaje se na jednom od službenih jezika države Bosne i Hercegovine i na engleskom jeziku.

Član 41. (Ništavnost javnih isprava)

- (1) Diplomu, odnosno dodatak diplomi Ministarstvo oglašava ništavnim ako su izdati od neovlaštene ustanove ili su potpisani od neovlaštenog lica ili imalac diplome

- nije ispunio sve ispitne obaveze na način utvrđen zakonom i studijskim programom.
- (2) Visokoškolska ustanova oglašava ništavnom diplomu o stečenom akademskom nazivu magistra, ako utvrdi da završni rad nije rezultat samostalnog rada kandidata.
- (3) Visokoškolska ustanova oglašava ništavnom diplomu o stečenom naučnom nazivu doktora nauka, ako utvrdi da doktorska disertacija nije originalan naučni, odnosno umjetnički rezultat.

Član 42.

(Razlozi za ništavnost javnih isprava)

- (1) Javne isprave iz člana 39. ovog zakona, izdate od strane visokoškolske ustanove koja obavlja djelatnost visokog obrazovanja na području Kantona, a nema dozvolu za rad na području Kantona izdatu u skladu sa ovim zakonom, su ništavne.
- (2) Nadležna inspekcija za obrazovanje i nauku će zabraniti rad po službenoj dužnosti visokoškolskoj ustanovi koja obavlja djelatnost visokog obrazovanja na području Kantona suprotno odredbama ovog člana.

Član 43.

(Registar)

- (1) Ministarstvo vodi evidenciju visokoškolskih ustanova (u daljem tekstu: registar).
- (2) Sadržaj i način vođenja registra propisuje ministar.

DIO PETI - STATUT VISOKOŠKOLSKE USTANOVE

Član 44.

(Statut visokoškolske ustanove)

- (1) Statut je osnovni akt kojim se uređuju pitanja značajna za obavljanje djelatnosti visokoškolske ustanove.
- (2) Statut donosi Upravni odbor visokoškolske ustanove uz prethodnu saglasnost osnivača.
- (3) Izmjene i dopune statuta vrše se odlukom, na način i u postupku predviđenom za njegovo donošenje.

Član 45.

(Sadržaj statuta)

Statut sadrži odredbe kojima se reguliraju slijedeća pitanja:

- organizacija visokoškolske ustanove;
- zastupanje i predstavljanje visokoškolske ustanove;
- pravila za izbor članova upravnog odbora;
- način organiziranja i izvođenje studija;
- pravila studiranja i prava studenata;

- izbor u nastavno-naučna i saradnička zvanja;
- način implementacije Evropskog kreditnog transfer sistema (u daljem tekstu: ECTS);
- kriteriji za dodjelu akademskih titula;
- obaveze visokoškolske ustanove prema osnivaču;
- ovlaštenja visokoškolske ustanove u pravnom prometu;
- organizacija i nadležnosti organizacionih jedinica;
- statusne promjene, obrazovanje novih organizacionih jedinica i studijskih odsjeka;
- ostvarivanje prihoda, upravljanje sredstvima i imovinom;
- akademska, finansijska i druga ovlaštenja organizacionih jedinica u pravnom prometu;
- organizaciju naučnoistraživačkog i umjetničkog rada;
- kriteriji za provođenje procesa evaluacije i objavljivanje rezultata provedene evaluacije;
- broj članova senata i način njihovog biranja;
- oblik i nivo učešća studenata u radu ustanove;
- način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- druga pitanja u skladu sa zakonom i osnivačkim aktom.

DIO ŠESTI - ORGANI VISOKOŠKOLSKE USTANOVE

Član 46.

(Organi visokoškolske ustanove)

- Organi Univerziteta su: upravni odbor, senat i rektor.
- Organi visoke škole su: upravni odbor, senat i direktor.
- Visokoškolska ustanova može imati i druge stručne organe za vođenje poslovanja ili nadzorne organe, čije se osnivanje, sastav i nadležnost uređuju osnivačkim aktom i statutom.
- Javna visokoškolska ustanova organizuje posebno tijelo interne revizije.
- Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Član 47.

(Organi privatne visokoškolske ustanove)

Nadležnost, broj, sastav, trajanje mandata, način izbora i razrješenja kao i način rada i odlučivanja organa privatne visokoškolske ustanove, uređuje se statutom, s tim što se mora obezbijediti odgovarajuće učešće predstavnika akademskog osoblja i studenata u donošenju odluka koje su od

njihovog interesa.

Član 48. (Upravni odbor)

Organ upravljanja visokoškolskom ustanovom je upravni odbor.

Član 49. (Sastav, broj, mandat i izuzeće)

- (1) Upravni odbor visokoškolske ustanove ima sedam članova i čine ga predstavnici akademskog i neakademskog osoblja, studenata i osnivača.
- (2) Upravni odbor javne visokoškolske ustanove čine četiri predstavnika iz reda osnivača, dva iz reda nastavnog osoblja i jedan predstavnik studenata čija imenovanja predlaže senat, koji se biraju u skladu sa zakonom.
- (3) Predsjednik upravnog odbora javne visokoškolske ustanove imenuje se iz reda osnivača.
- (4) Konačno imenovanje i razrješenje članova upravnog odbora vrši Vlada Zeničko-dobojskog kantona.
- (5) Mandat članova upravnog odbora je četiri godine.
- (6) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona.
- (7) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.

Član 50. (Razrješenje člana upravnog odbora)

- (1) Osnivač će razriješiti člana upravnog odbora kojeg je imenovao i prije vremena na koje je imenovan:
 - a) ako se utvrdi da je odgovoran za neuspješan ili nezakonit rad visokoškolske ustanove;
 - b) ako se utvrdi da ima lične ili druge interese koji su u suprotnosti sa interesima visokoškolske ustanove (sukob interesa);
 - c) ako svojim radom povrijedi ugled dužnosti koju obavlja;
 - d) na njegov lični zahtjev;
 - e) ako ne ispunjava dužnost člana upravnog odbora;
 - f) u drugim slučajevima utvrđenim zakonom, osnivačkim aktom i statutom.
- (2) Postupak razrješenja članova upravnog odbora bliže se uređuje statutom visokoškolske ustanove.

Član 51. (Djelokrug upravnog odbora)

Upravni odbor obavlja poslove utvrđene zakonom, ak-

tom o osnivanju i statutom visokoškolske ustanove, a naročito:

- a) donosi statut visokoškolske ustanove, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;
- b) donosi odluku o osnivanju drugih pravnih lica, u skladu sa zakonom i statutom, uz prethodnu saglasnost osnivača;
- c) utvrđuje planove finansiranja i razvoja;
- d) donosi godišnji program rada visokoškolske ustanove na prijedlog senata visokoškolske ustanove;
- e) donosi finansijski plan;
- f) usmjerava, kontrolira i ocjenjuje rad rektora, odnosno direktora u domenu finansijskog poslovanja;
- g) rješava pitanja odnosa sa osnivačem;
- h) odlučuje o korištenju sredstava za rad u skladu sa statutom;
- i) odgovara osnivaču za rezultate rada visokoškolske ustanove;
- j) odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- k) najmanje jedanput godišnje podnosi osnivaču izvještaj o poslovanju visokoškolske ustanove;
- l) donosi konačnu odluku o izboru i razrješenju direktora Studentskog centra;
- m) obavlja i druge poslove u skladu sa zakonom, aktom o osnivanju i statutom.

Član 52. (Sastav senata)

- (1) Senat je najviše akademsko tijelo koje čine predstavnici akademskog osoblja u radnom odnosu u visokoškolskoj ustanovi, kao i predstavnici studenata.
- (2) Najmanje 15% članova senata su studenti iz svakog ciklusa koje bira studentski predstavnički organ.
- (3) Senat ima predsjedavajućeg koji priprema i predsjedava sjednicama.
- (4) Predsjedavajući se bira iz reda članova senata, s tim da rektor i prorektori ne mogu biti imenovani za predsjedavajućeg.
- (5) Rad senata biće uređen Poslovníkom o radu kojeg donosi senat u roku od 30 dana od dana stupanja na snagu ovog zakona.

Član 53. (Nadležnost senata)

- (1) Senat visokoškolske ustanove odlučuje o svim akademskim pitanjima, a posebno o pitanjima nastavne, naučne, umjetničke i stručne djelatnosti visokoškolske

ustanove.

(2) Senat visokoškolske ustanove:

- a) donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja i uopće o nastupanju visokoškolske ustanove, nastavnika, saradnika i studenata u pravnom prometu;
 - b) donosi opće akte u skladu sa ovim zakonom i statutom visokoškolske ustanove;
 - c) donosi nastavne planove i nastavne programe diplomskog, postdiplomskog i doktorskog studija;
 - d) bira i razrješava rektora, prorektora univerziteta, direktora visoke škole uz saglasnost osnivača, s tim da su akti o izboru i razrješanju konačni;
 - e) donosi konačne odluke po prigovoru kandidata za izbor i razrješanje dekana i prodekana, kao i direktora instituta;
 - f) bira akademsko osoblje na prijedlog naučno-nastavnog vijeća, odnosno vijeća organizacione jedinice;
 - g) imenuje komisije u postupku stjecanja doktorata nauka;
 - h) dodjeljuje počasno zvanje „profesor emeritus“, te „počasni doktor nauka“;
 - i) daje inicijativu upravnom odboru za organiziranje i ukidanje fakulteta i drugih organizacionih jedinica univerziteta, kao i studijskih odsjeka;
 - j) odobrava razvojne i organizacione planove;
 - k) imenuje stalna ili privremena tijela, radne grupe, komitete, grupe za praćenje kvaliteta rada i slično;
 - l) propisuje odredbe kojima se regulira rad organa koje imenuje senat;
 - m) utvrđuje upisnu politiku;
 - n) obavlja druge poslove u skladu sa zakonom i statutom visokoškolske ustanove.
- (3) Senat ustanove odlučuje o akademskim pitanjima na prijedlog stručnih organa organizacionih jedinica kao i drugih organa ustanove i predstavničkih tijela studenata.
- (4) Broj članova, sastav, način izbora i razrješnja i način rada senata utvrđuje se statutom visokoškolske ustanove.

Član 54.

(Rektor univerziteta i direktor visoke škole)

- (1) Univerzitetom rukovodi rektor, a visokom školom direktor visoke škole, u skladu sa ovim zakonom i statutom visokoškolske ustanove.
- (2) Za rektora javnog univerziteta može biti izabran nastavnik u naučno-nastavnom zvanju redovnog profesora koji ispunjava uvjete za to zvanje na univerzitetu na

kojem se prijavljuje.

- (3) Za direktora javne visoke škole može biti izabrano lice koje ispunjava uvjete za nastavnika te visoke škole.

Član 55.

(Izbor rektora, prorektora i direktora)

- (1) Rektora i prorektora javnog univerziteta i direktora javne visoke škole bira senat na osnovu javnog konkursa uz saglasnost osnivača, na mandat od četiri godine, i mogu biti ponovo izabrani.
- (2) Ista osoba se može imenovati na dva uzastopna mandata u istoj visokoškolskoj ustanovi.
- (3) Postupak izbora rektora javnog univerziteta i direktora javne visoke škole mora osigurati poštovanje principa zakonitosti, kvaliteta, otvorenosti i transparentnosti.
- (4) Postupak izbora i razrješnja, uvjeti i kriteriji za izbor i razlozi razrješnja rektora javnog univerziteta i direktora javne visoke škole utvrđuju se osnivačkim aktom i statutom.

Član 56.

(Djelokrug rektora univerziteta i direktora visoke škole)

- (1) Rektor univerziteta, odnosno direktor visoke škole obavlja poslove utvrđene zakonom i statutom, a naročito:
 - a) zastupa i predstavlja visokoškolsku ustanovu;
 - b) organizira i rukovodi radom visokoškolske ustanove i odgovoran je za zakonitost rada visokoškolske ustanove;
 - c) predlaže opće akte i donosi pojedinačne akte u skladu sa zakonom i statutom visokoškolske ustanove;
 - d) predlaže upravnom odboru i senatu mjere za unapređenje rada visokoškolske ustanove;
 - e) predlaže upravnom odboru mjere za efikasno i zakonito obavljanje djelatnosti visokoškolske ustanove;
 - f) predlaže upravnom odboru, senatu i osnivaču osnove planova rada i razvoja visokoškolske ustanove;
 - g) predlaže upravnom odboru unutrašnju organizaciju i sistematizaciju radnih mjesta;
 - h) izvršava odluke upravnog odbora i drugih organa visokoškolske ustanove;
 - i) odlučuje o korištenju sredstava do iznosa utvrđenog statutom visokoškolske ustanove;
 - j) odlučuje o pravima, obavezama i odgovornostima zaposlenika iz radnog odnosa;
 - k) podnosi upravnom odboru izvještaj o izvršenju finansijskog plana;
 - l) naredbodavac je za izvršenje finansijskog plana;
 - m) učestvuje u radu Rektorske konferencije Bosne i Hercegovine;
 - n) obavlja i druge poslove u skladu sa zakonom, osni-

vačkim aktom i statutom visokoškolske ustanove.

- (2) Rektor u radu pomažu prorektori.
- (3) Broj prorektora i nadležnost bliže se uređuje statutom visokoškolske ustanove.

Član 57.

(Odgovornost rektora univerziteta i direktora visoke škole)

- (1) Rektor univerziteta, odnosno direktor visoke škole za svoj rad u domenu akademskih pitanja odgovara senatu, a u domenu poslovanja upravnom odboru.
- (2) Rektor, odnosno direktor jednom godišnje podnosi senatu i upravnom odboru izvještaj o svom radu.

Član 58.

(Razrješenje rektora, prorektora univerziteta i direktora visoke škole)

- (1) Rektor, prorektor i direktor visoke škole mogu biti razriješeni dužnosti i prije isteka vremena na koje su imenovani:
 - a) na lični zahtjev;
 - b) ako se utvrdi da je odgovoran za neuspješan ili nezaconit rad visokoškolske ustanove;
 - c) ako se utvrdi da ima lične ili druge interese koji su u suprotnosti sa interesima visokoškolske ustanove i u drugom slučaju postojanja sukoba interesa;
 - d) u drugim slučajevima utvrđenim zakonom, osnivačkim aktom i statutom visokoškolske ustanove.
- (2) Prijedlog za prijevremeno razrješenje rektora, prorektora i direktora visoke škole može dati osnivač, odnosno Vlada Kantona za javnu visokoškolsku ustanovu, senat i upravni odbor.
- (3) Postupak razrješenja rektora, prorektora i direktora visoke škole uređuje se statutom visokoškolske ustanove u skladu sa ovim zakonom.

Član 59.

(Obustavljanje općeg i pojedinačnog akta)

Rektor univerziteta, odnosno direktor visoke škole dužan je da obustavi od izvršenja opći akt donesen u visokoškolskoj ustanovi koji nije u saglasnosti sa ustavom ili je u suprotnosti sa zakonom i drugim propisima, kao i izvršavanje pojedinačnog akta kojim se nanosi šteta visokoškolskoj ustanovi ili društvenoj zajednici i da o tome obavijesti Ministarstvo.

Član 60.

(Drugi organi visokoškolske ustanove)

Visokoškolska ustanova može imati i druge organe, u skladu sa osnivačkim aktom i statutom.

DIO SEDMI - ORGANIZACIJA UNIVERZITETA

POGLAVLJE I. VRSTE I DEFINICIJE ORGANIZACIONIH JEDINICA

Odjeljak A. Vrste organizacionih jedinica

Član 61.

(Vrste organizacionih jedinica)

- (1) Univerzitet ima organizacione jedinice kao što su fakulteti, akademije, visoke škole ili naučnoistraživački instituti koji izvode nastavni, naučnoistraživački i umjetnički rad u jednom ili više obrazovnih i naučnih područja.
- (2) Radi komercijalizacije rezultata naučnoistraživačkog i umjetničkog rada, visokoškolska ustanova, kao i njene organizacione jedinice, uz saglasnost visokoškolske ustanove, mogu osnovati svoje organizacione jedinice, u čijem radu mogu učestvovati i studenti (centar za transfer tehnologija, inovacioni centar, naučno-tehnološki park, inženjerski biro, radionice, umjetnički sastavi, galerije, umjetnički performansi), kao i druge organizacione jedinice.
- (3) Organizacija i nadležnost organizacionih jedinica bliže se uređuje statutom visokoškolske ustanove.

Član 62.

(Definicije organizacionih jedinica)

- (1) Fakultet je organizaciona jedinica univerziteta koja izvodi univerzitetske studije i razvija stručni i naučni rad u jednom ili više naučnih i stručnih područja.
- (2) Akademija je organizaciona jedinica univerziteta koja organizira i izvodi univerzitetske umjetničke studije, te razvija umjetničko stvaralaštvo i naučnoistraživački rad na području umjetnosti.
- (3) Naučni institut je naučnoistraživačka organizaciona jedinica univerziteta koja obavlja fundamentalna, primijenjena i razvojna istraživanja iz odgovarajućeg naučnog područja i stručnih oblasti.
- (4) Radi obezbjeđenja cjelovitosti studentskog standarda, univerzitet u svom sastavu može imati i studentski centar, kao organizacionu jedinicu.
- (5) Organizacione jedinice nemaju svojstvo pravnog lica.
- (6) Izuzetno, naučni institut može imati određena ovlaštenja u pravnom prometu.

Član 63.

(Osnivanje i izvođenje naučnih, stručnih i umjetničkih studija)

- (1) Fakultet i umjetnička akademija mogu osnivati i izvoditi univerzitetske naučne, stručne, odnosno umjetničke

studije u skladu sa zakonom.

- (2) Naučni institut u sastavu univerziteta može ostvarivati dio akreditiranih studijskih programa iz svih ciklusa studija na univerzitetu, u skladu sa statutom, odnosno općim aktom univerziteta.

Član 64. (Uvođenje novog studija)

- (1) Fakulteti i akademije mogu se organizovati u visokoškolskoj ustanovi radi uvođenja novih studijskih odsjeka u skladu sa standardima i normativima visokog obrazovanja.
- (2) Ukoliko se na fakultetu izvode studiji iz više obrazovnih i naučnih područja, organizuju se studijski odsjeci za svako obrazovno i naučno područje.

Odjeljak B. Ovlaštenja u pravnom prometu

Član 65. (Ovlaštenja u pravnom prometu)

- (1) Organizaciona jedinica univerziteta može imati određena ovlaštenja u pravnom prometu, kao i poseban obračun rezultata poslovanja, u skladu sa osnivačkim aktom i statutom visokoškolske ustanove.
- (2) Organizacione jedinice iz stava (1) ovog člana mogu istupati u pravnom prometu pod nazivom univerziteta u čijem su sastavu i svojim nazivom, u skladu sa statutom.
- (3) Statutom javne visokoškolske ustanove utvrđuje se obim akademskih i finansijskih ovlaštenja organizacionih jedinica i preuzimanja odgovornosti unutar ustanove i to tako da se precizno vode i odrede prihodi i rashodi svih organizacionih jedinica, način njihovog nastupa na tržištu, način raspolaganja sredstvima koja organizacione jedinice ostvare na tržištu, donacijama ili na drugi način finansiranja, u skladu sa zakonom.

Odjeljak C. Organi organizacionih jedinica

Član 66. (Organi organizacionih jedinica u sastavu univerziteta)

- (1) Organi fakulteta, akademije i visoke škole kao organizacionih jedinica univerziteta, su:
- a) naučno-nastavno, odnosno umjetničko-nastavno vijeće;
 - b) dekan.
- (2) Organizacione jedinice univerziteta iz stava (1) ovog člana mogu imati i druge organe u skladu sa osnivačkim aktom i statutom.

Član 67. (Naučno-nastavno i umjetničko-nastavno vijeće)

- (1) Naučno-nastavno, odnosno umjetničko-nastavno vijeće je akademsko tijelo organizacione jedinice i čini ga utvrđen broj nastavnika i saradnika koji su u radnom odnosu u visokoškolskoj ustanovi i koji učestvuju u naučno-nastavnom procesu organizacione jedinice, kao i studenti izabrani od strane studentskog predstavničkog tijela, u skladu sa statutom visokoškolske ustanove.
- (2) Naučno-nastavno, odnosno umjetničko-nastavno vijeće:
- a) predlaže nastavne planove i programe za sve studijske odsjeke na toj organizacionoj jedinici;
 - b) bira i razrješava dekana i prodekane fakulteta, odnosno umjetničke akademije i visoke škole kao organizacione jedinice univerziteta;
 - c) obrazuje komisije u postupku sticanja naučnog stepena magistra i imenuje mentore;
 - d) odlučuje o prigovorima studenata na odluku dekana o pojedinačnim obavezama i odgovornostima;
 - e) obavlja i druge poslove u skladu sa zakonom i statutom visokoškolske ustanove.
- (3) Naučno-nastavno, odnosno umjetničko-nastavno vijeće ima predsjedavajućeg koji priprema i predsjedava sjednicama.
- (4) Predsjedavajući se bira iz reda članova vijeća, s tim da dekan i prodekani ne mogu biti imenovani za predsjedavajućeg.
- (5) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 68. (Dekan)

- (1) Dekan rukovodi radom i predstavlja i zastupa fakultet, akademiju ili visoku školu kao organizacionu jedinicu univerziteta, predlaže rektoru unutrašnju organizaciju i sistematizaciju radnih mjesta na fakultetu i ima sva prava i obaveze utvrđene osnivačkim aktom i statutom ustanove.
- (2) Dekan se bira na mandat od četiri godine i može biti ponovo izabran.
- (3) Ista osoba se može birati na dva uzastopna mandata u istoj organizacionoj jedinici.
- (4) Dekana bira naučno-nastavno, odnosno umjetničko-nastavno vijeće, a na osnovu javnog konkursa.
- (5) Postupak i kriteriji za imenovanje i razrješanje dekana bliže se uređuju statutom visokoškolske ustanove.
- (6) Za svoj rad dekan je odgovoran naučno-nastavnom, odnosno umjetničko-nastavnom vijeću.

Član 69. **(Organi instituta)**

- (1) Institut kao organizaciona jedinica univerziteta može imati direktora, naučno vijeće i druge organe u skladu sa osnivačkim aktom i statutom visokoškolske ustanove.
- (2) Stručno tijelo naučnog instituta je naučno vijeće.
- (3) Naučno vijeće instituta čine šefovi podorganizacionih jedinica instituta i zaposlenici instituta sa naučnim stepenom doktora i magistra nauka.
- (4) Naučno vijeće u okviru svoje nadležnosti:
 - a) predlaže senatu visokoškolske ustanove programe naučnoistraživačkog i stručnog rada instituta i programe stručnog usavršavanja;
 - b) bira i razrješava direktora instituta;
 - c) imenuje komisije za pripremanje prijedloga za izbor u akademska zvanja;
 - d) utvrđuje prijedlog za izbor kandidata u akademska zvanja;
 - e) utvrđuje prijedlog za stručno usavršavanje u zemlji i inostranstvu;
 - f) utvrđuje prijedlog za realizaciju praktične nastave;
 - g) utvrđuje naučnoistraživačke projekte;
 - h) utvrđuje strateške projekte za razvoj instituta;
 - i) obavlja i druge poslove u skladu sa statutom i drugim općim aktima visokoškolske ustanove.
- (5) Bliže odredbe o nadležnostima naučnog vijeća sadržane su u statutu visokoškolske ustanove.
- (6) Naučno vijeće ima predsjedavajućeg koji priprema i predsjedava sjednicama.
- (7) Predsjedavajući se bira iz reda članova vijeća, s tim da direktor ne može biti imenovan za predsjedavajućeg.
- (8) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 70. **(Direktor instituta)**

- (1) Organ rukovođenja naučnog instituta je direktor.
- (2) Direktor naučnog instituta obavlja poslove utvrđene zakonom i statutom visokoškolske ustanove, a naročito:
 - a) predstavlja institut i ima prava i obaveze u skladu sa statutom visokoškolske ustanove;
 - b) predlaže rektoru unutrašnju organizaciju i sistematizaciju radnih mjesta na institutu;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na institutu;
 - e) organizuje naučnoistraživački i stručni rad na institutu i predlaže mjere za njegovo poboljšanje;

- f) za svoj rad odgovara naučnom vijeću instituta;
- g) obavlja i druge poslove u skladu sa zakonom i statutom visokoškolske ustanove.

Član 71. **(Mandat direktora instituta)**

- (1) Direktor se bira na mandat od četiri godine i može biti ponovo izabran.
- (2) Ista osoba se može imenovati na dva uzastopna mandata u tom naučnom institutu.
- (3) Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovnog ili vanrednog profesora), ukoliko ispunjava uvjete za to zvanje na visokoškolskoj ustanovi.
- (4) Direktora instituta bira naučno vijeće, a na osnovu javnog konkursa.
- (5) Bliže odredbe o postupku izbora i razrješjenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

Član 72. **(Direktor studentskog centra)**

- (1) Organ rukovođenja studentskog centra je direktor.
- (2) Direktor studentskog centra obavlja poslove utvrđene zakonom i statutom visokoškolske ustanove, a naročito:
 - a) predstavlja studentski centar i ima prava i obaveze u skladu sa statutom univerziteta;
 - b) predlaže rektoru unutrašnju organizaciju i sistematizaciju radnih mjesta u studentskom centru;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u studentskom centru;
 - e) predlaže promjenu i proširivanje djelatnosti i organizacije studentskog centra;
 - f) predlaže mjere za poboljšanje i unapređenje procesa rada u studentskom centru;
 - g) za svoj rad odgovara rektoru visokoškolske ustanove;
 - h) obavlja i druge poslove u skladu sa zakonom i statutom visokoškolske ustanove.

Član 73. **(Mandat direktora centra)**

- (1) Direktor se bira na mandat od četiri godine i može biti

- ponovo izabran.
- (2) Ista osoba može se imenovati na dva uzastopna mandata.
 - (3) Direktora bira Upravni odbor, a na osnovu javnog konkursa.
 - (4) Za direktora centra može biti izabrano lice koje pored općih zakonskih uvjeta ima visoku stručnu spremu i najmanje tri godine radnog iskustva na odgovarajućim rukovodećim poslovima.
 - (5) Bliže odredbe o postupku izbora i razrješenja, te razlozima za smjenu direktora centra prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

POGLAVLJE II. IZBOR U NAUČNO-NASTAVNA ZVANJA

Odjeljak A. Naučno-nastavna i umjetnička zvanja

Član 74.

(Naučno-nastavna i umjetnička zvanja)

- (1) Univerzitet dodjeljuje naučno-nastavna i umjetnička zvanja, i to:
 - a) redovni profesor;
 - b) vanredni profesor;
 - c) docent;
 - d) lektor;
 - e) viši asistent;
 - f) asistent.
- (2) Visoka škola dodjeljuje nastavna i umjetnička zvanja, i to:
 - a) profesor visoke škole;
 - b) predavač visoke škole;
 - c) asistent.

Član 75.

(Period na koji se bira akademsko osoblje)

- (1) Period na koji se bira akademsko osoblje na univerzitetu je:
 - a) asistent na period od četiri godine bez mogućnosti reizbora;
 - b) viši asistent na period od pet godina s mogućnošću ponovnog izbora isključivo ako postigne stepen trećeg ciklusa;
 - c) lektor na period od pet godina bez mogućnosti reizbora;
 - d) docent na period od pet godina s mogućnošću ponovnog izbora;
 - e) vanredni profesor na period od šest godina s mogućnošću ponovnog izbora;
 - f) redovni profesor trajno.

- (2) Redovni profesor zaključuje ugovor o radu na neodređeno vrijeme.
- (3) Period na koji se bira akademsko osoblje na visokoj školi je:
 - a) asistent na period od četiri godine bez mogućnosti reizbora;
 - b) predavač visoke škole na period od pet godina s mogućnošću ponovnog izbora;
 - c) profesor visoke škole trajno.

Član 76.

(Način izbora akademskog osoblja)

- (1) Izbor akademskog osoblja vrši se javnim konkursom, u skladu sa kriterijima određenim zakonom, statutom visokoškolske ustanove i standardima u datoj struci.
- (2) Postupak napredovanja akademskog osoblja u više zvanje i reizbor u svim slučajevima vrši se javnim konkursom, na način utvrđen statutom.
- (3) Konkurs iz stava (1) ovog člana obavezno se raspisuje za sva nastavnička zvanja, asistenta i višeg asistenta i objavljuje u najmanje jednom dnevnom listu, kao i na WEB-stranici visokoškolske ustanove.
- (4) Izuzetno, visokoškolska ustanova može angažovati izabranog nastavnika, višeg asistenta ili asistenta, bez zasnivanja radnog odnosa sa visokoškolskom ustanovom za održavanje nastave, u skladu sa statutom.
- (5) Sa licima iz stava (4) ovog člana visokoškolska ustanova zaključuje ugovor o realizaciji nastave u skladu sa općim aktom.
- (6) Ako član akademskog osoblja ne zadovolji uvjete za izbor u isto ili više zvanje, visokoškolska ustanova sa njim ne može zaključiti novi ugovor o radu i obavezna je raspisati javni konkurs za izbor.
- (7) U slučaju prvog izbora u akademsko zvanje nastavnik, asistent ili viši asistent je obavezan u roku od jedne godine od dana izbora dostaviti uvjerenje kojim se dokazuje da posjeduje minimum pedagoškog obrazovanja.
- (8) Visokoškolska ustanova minimum pedagoškog obrazovanja iz stava (7) ovog člana utvrđuje svojim statutom.

Odjeljak B. Prava i obaveze

Član 77.

(Prava i obaveze po pitanju akademskih izbora)

- (1) Nastavnik ne može biti biran u više naučno-nastavno, umjetničko-nastavno i nastavno zvanje prije isteka roka iz člana 75. ovog zakona.
- (2) Nastavnik koji je izabran u isto naučno-nastavno, odnosno umjetničko-nastavno zvanje (reizbor), koji ispuni uvjete za izbor u više zvanje, može pokrenuti postupak za izbor u više zvanje i prije isteka roka iz člana 75.

ovog zakona, pri čemu se uzimaju u obzir i ispunjeni uvjeti od posljednjeg izbora.

- (3) Prijedlog za pokretanje postupka za izbor u više zvanje podnosi naučno-nastavno vijeće fakulteta, odnosno akademije, na zahtjev katedre.
- (4) Komisija za pripremanje prijedloga za izbor dužna je dostaviti prijedlog u roku od 30 dana od imenovanja i isti dostaviti naučno-nastavnom vijeću fakulteta, odnosno umjetničko-nastavnom vijeću akademije.
- (5) Na osnovu prijedloga komisije naučno-nastavno vijeće utvrđuje prijedlog za izbor u daljem roku od 15 dana i dostavlja ga senatu univerziteta.
- (6) Senat univerziteta dužan je donijeti odluku o izboru u roku od 30 dana od dana dostavljanja prijedloga.
- (7) Kandidat za izbor u naučno-nastavno i umjetničko-nastavno zvanje koji je nezadovoljan odlukom senata univerziteta može podnijeti zahtjev za preispitivanje odluke o izboru.
- (8) Zahtjev se podnosi senatu univerziteta u roku od 15 dana od dana prijema odluke o izboru.

Član 78.

(Registar domaćih i međunarodnih časopisa)

- (1) Senat visokoškolske ustanove će sačiniti registar domaćih i međunarodnih časopisa i zbornika radova sa naučnih skupova pri izboru u naučno-nastavna i umjetničko-nastavna zvanja.
- (2) Način upisa u registar časopisa i zbornika radova visokoškolske ustanove bliže će se regulirati pravilnikom i procedurama za izbor i napredovanje nastavnika i saradnika koji donosi senat.
- (3) Pri ocjeni validnosti publikacija vodit će se računa o međunarodnom ugledu, referentnosti, načinu recenzija radova i drugim relevantnim pokazateljima.

Član 79.

(Publikacije)

- (1) Pod publikacijom se podrazumijeva objavljena naučna knjiga, naučna monografija, univerzitetski udžbenik ili umjetnička knjiga (roman, zbirka pripovjedaka i sl.).
- (2) Domaće publikacije pisane na službenim jezicima konstitutivnih naroda Bosne i Hercegovine moraju zadovoljavati slijedeće uvjete:
 - a) da je publikacija objavljena u punom obimu;
 - b) da je recenzirana od strane stručnih osoba za oblast na koju se publikacija odnosi, što podrazumijeva najmanje dva recenzenta izabrana u naučno-nastavna zvanja, na istoj ili srodnoj naučnoj oblasti;
 - c) da je postupak katalogizacije izvršen po međunarodnim standardima (ISBN i ISSN).

Odjeljak C. Uvjeti za izbor

Član 80.

(Uvjeti za izbor u naučno-nastavna zvanja)

Uvjeti za izbor akademskog osoblja u naučno-nastavna zvanja na visokoškolskoj ustanovi su:

- a) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora, te uspješno mentorstvo kandidata za stepen drugog i trećeg ciklusa;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te mentorstvo kandidata za stepen drugog ciklusa;
- c) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- d) lektor: završen stepen drugog ciklusa (magisterij);
- e) viši asistent: završen stepen drugog ciklusa (magisterij);
- f) asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8,00 ili 3,50.

Član 81.

(Uvjeti za izbor u umjetničko-nastavna zvanja)

Uvjeti za izbor u umjetničko-nastavna zvanja u koja se bira akademsko osoblje na studijskim profilima na univerzitetu, su:

- a) redovni profesor: prethodno proveden najmanje jedan izborni period u zvanju vanrednog profesora, završen stepen najmanje prvog ciklusa, veći broj javno predstavljenih umjetničkih projekata koji su doprinijeli razvoju kulture i umjetnosti i dali doprinos podizanju nivoa nastavnog i umjetničkog kadra;
- b) vanredni profesor: proveden najmanje jedan izborni period u zvanju docenta, završen stepen najmanje prvog ciklusa, veći broj javno predstavljenih umjetničkih projekata, priznanja za uspješno djelovanje u odgovarajućoj oblasti i rezultati u nastavnom radu;
- c) docent: završen stepen najmanje prvog ciklusa, veći broj javno predstavljenih umjetničkih projekata i rezultati u nastavnom radu;
- d) viši asistent: završen stepen najmanje prvog ciklusa i javno predstavljeni umjetnički projekti;
- e) asistent: završen stepen prvog ciklusa s najmanje 240

ECTS bodova i prosječnom ocjenom 8 ili 3,5.

Član 82.

(Uvjeti za izbor u nastavna zvanja na visokoj školi)

- (1) Minimalni uvjeti za izbor u nastavna zvanja na visokoj školi su:
 - a) profesor visoke škole: završen stepen trećeg ciklusa i pokazana nastavna sposobnost;
 - b) predavač visoke škole: završen stepen drugog ciklusa i pokazana nastavna sposobnost;
 - c) asistent: završen stepen prvog ciklusa, s najmanjom prosječnom ocjenom 8 ili 3,5.
- (2) Na visokoj školi nastavu mogu izvoditi i lica koja imaju zvanja redovnog profesora, vanrednog profesora i docenta, birana na univerzitetima.

Član 83.

(Uvjeti za izbor u umjetnička zvanja na visokoj školi)

Minimalni uvjeti za izbor u umjetnička zvanja na visokoj školi su:

- a) profesor visoke škole: nakon sticanja zvanja predavača, završen stepen najmanje prvog ciklusa, istaknuti javno predstavljeni oblici umjetničkog stvaralaštva i pokazana nastavna sposobnost;
- b) predavač visoke škole: u periodu od posljednjeg izbora, završen stepen najmanje prvog ciklusa, javno predstavljeni oblici umjetničkog stvaralaštva i pokazana nastavna sposobnost;
- c) asistent: završen stepen prvog ciklusa, s najmanjom prosječnom ocjenom 8 ili 3,5.

Član 84.

(Izvođenje nastave na umjetničko-nastavnim predmetima)

Na visokoj školi nastavu mogu izvoditi i lica koja imaju izbor na umjetničko-nastavnim predmetima na univerzitetima.

DIO OSMI - RADNI ODNOSI

Član 85.

(Zasnivanje radnog odnosa u javnoj visokoškolskoj ustanovi)

- (1) Radni odnos u javnoj visokoškolskoj ustanovi zasniva se putem javnog konkursa, odnosno javnog oglasa.
- (2) Kriteriji, postupak i druga pitanja zasnivanja radnog odnosa u javnoj visokoškolskoj ustanovi uređuju se općim aktom ustanove.

Član 86.

(Dodatno radno angažovanje)

- (1) Nastavnik, odnosno saradnik može zaključiti ugovor kojim se angažuje na drugoj visokoškolskoj ustanovi ili kod drugog pravnog lica samo ako takav rad ne remeti rad u visokoškolskoj ustanovi kod koje je u radnom odnosu, niti bi dovodio do sukoba interesa, a uz prethodno odobrenje senata visokoškolske ustanove sa kojom ima zasnovan radni odnos.
- (2) Općim aktom visokoškolske ustanove propisuju se uvjeti i postupak za davanje i oduzimanje odobrenja iz stava (1) ovog člana.

Član 87.

(Plaćeno odsustvo)

Akademskom osoblju visokoškolske ustanove, može se odobriti plaćeno odsustvo u trajanju do dva semestra radi naučnog, stručnog ili umjetničkog usavršavanja, u skladu sa statutom visokoškolske ustanove.

Član 88.

(Mirovanje radnog odnosa)

Pored razloga utvrđenih zakonom, nastavniku i saradniku u visokoškolskoj ustanovi se može odobriti neplaćeno odsustvo, u trajanju do jedne godine za koji period mu miruju prava i obaveze iz radnog odnosa, u slučajevima utvrđenim statutom visokoškolske ustanove.

Član 89.

(Mirovanje prava za izbor u naučna zvanja)

Nastavniku i saradniku koji je na neplaćenom odsustvu, porodiljskom odsustvu i odsustvu radi njege djeteta, bolovanju preko tri mjeseca, i u drugim slučajevima utvrđenim zakonom, rokovi za izbor u naučna zvanja miruju i ne uračunavaju se u izborni period, ukoliko je to za njega povoljnije.

Član 90.

(Penzionisanje nastavnika)

Nastavnik koji je ispunio uvjete za penziju u skladu sa zakonom može ostati u radnom odnosu u visokoškolskoj ustanovi do navršanih 70 godina života, ako za to postoji potreba i ako se na konkurs za popunu radnog mjesta na kojem je angažovan, koji se obavezno raspisuje jednom godišnje, ne prijavi kandidat koji ispunjava uvjete za izbor.

Član 91. (Primjena propisa o radu)

U pogledu prava i obaveza iz radnog odnosa akademskog osoblja i zaposlenika u visokoškolskoj ustanovi primjenjuju se odredbe Zakona o radu („Službene novine Federacije BiH“, broj: 43/99, 32/00 i 29/03), ako ovim zakonom nije drugačije uređeno.

DIO DEVETI - STUDENTI

POGLAVLJE I. UPIS STUDENATA, UPISNA POLITIKA, KRITERIJI

Odjeljak A. Upis studenata

Član 92. (Upis studenata)

- (1) Na odobrene, odnosno akreditirane studijske programe mogu se upisati kandidati pod uvjetima utvrđenim zakonom i općim aktom visokoškolske ustanove.
- (2) Studenti ostvaruju prava i izvršavaju obaveze u toku studija u skladu sa zakonom, statutom i drugim općim aktima visokoškolske ustanove.

Član 93. (Indeks)

- (1) Lice koje se upiše na studijske programe stiče status studenta i visokoškolska ustanova mu izdaje indeks.
- (2) Sadržaj indeksa propisuje ministar.
- (3) Oblik indeksa utvrđuje visokoškolska ustanova.

Član 94. (Ugovor)

- (1) Studenti koji su primljeni i upisani u visokoškolsku ustanovu stupaju u ugovorni odnos sa tom ustanovom, odnosno fakultetom ili umjetničkom akademijom i drugim organizacionim jedinicama univerziteta u skladu sa zakonom, podzakonskim aktima i statutom.
- (2) Visokoškolska ustanova i student zaključuju ugovor u pismenoj formi.
- (3) Bitni elementi ugovora utvrđuju se statutom.

Član 95. (Upisna politika)

- (1) Upisnom politikom definiraju se uvjeti, procedure i kriteriji za prijem studenata svih studijskih ciklusa na visokoškolsku ustanovu.
- (2) Na temelju upisne politike visokoškolska ustanova će osigurati slijedeće:

- a) propisati pravila i procedure za prijem i upis studenata na osnovu kriterija koji će obezbijediti transparentne i jasno definirane uvjete za upis;
- b) osigurati promotivni materijal sa relevantnim sadržajem, tačnim podacima koji se odnose na vrijeme upisa, koji će biti dostupan zainteresiranim kandidatima;
- c) osigurati transparentnost procedura selekcije kandidata za upis, pažljivo i efikasno provođenje istih, vodeći računa o povjerljivosti podataka o studentima;
- d) osigurati da potencijalni kandidati budu obaviješteni o svim informacijama relevantnim za prijem i upis;
- e) osigurati da odabrani studenti budu obaviješteni o svim značajnijim promjenama od vremena kada je objavljen konkurs za upis, kao i da studenti budu obaviješteni o svim opcijama koje imaju na raspolaganju u datim okolnostima;
- f) upoznati studente koji su uspješno prošli prijemne procedure o pravilima upisa, mogućnostima koje se pružaju studentima kao podrška učenju ili poboljšanju studentskog standarda.

Član 96. (Kriteriji za odabir kandidata)

- (1) Upis na studij obavlja se na osnovu javnog konkursa koji sadrži: uvjete za upis, broj mjesta za upis, postupak, podatke o ispravama koje se podnose, kao i rokovima za podnošenje prijava.
- (2) Visokoškolska ustanova utvrđuje postupak odabira kandidata i kriterije na osnovu kojih se vrši klasifikacija i odabir kandidata za upis.
- (3) Kandidat za upis na studij prvog ciklusa polaže prijemni ispit ili ispit za provjeru sklonosti i sposobnosti, u skladu sa općim aktom visokoškolske ustanove.

Član 97. (Upis stranih državljana i lica bez državljanstva)

Strani državljanin i lice bez državljanstva može se upisati na studijske programe pod istim uvjetima kao i domaći državljanin, u skladu sa ovim zakonom i statutom visokoškolske ustanove.

Odjeljak B. Prava i obaveze studenata

Član 98. (Prava studenata)

- (1) Studenti imaju slijedeća prava:
 - a) prisustvovanje svim predavanjima, seminarima i drugim oblicima nastave organiziranim u okviru njihovih predmeta u skladu sa njihovim statusom i zavisno

- od mogućnosti i drugih oblika organizirane nastave;
 - b) na konsultacije i mentorski rad;
 - c) na završetak studija u kraćem roku;
 - d) izjašnjavanje o kvaliteti nastave i nastavnika;
 - e) pritužbi u slučaju povrede studentskih prava utvrđenih zakonom, statutom ili drugim općim aktom visokoškolske ustanove;
 - f) korištenje biblioteke i drugih usluga za studente;
 - g) učestvovanje na izborima za studentska mjesta u studentskim predstavničkim tijelima i drugim tijelima ustanovljenim u skladu sa statutom visokoškolske ustanove;
 - h) na blagovremeno i tačno informiranje o svim pitanjima koja se odnose na studije;
 - i) na samoorganiziranje i izražavanje vlastitog mišljenja;
 - j) na ravnopravnost u pogledu uvjeta studija i tretmana u visokoškolskoj ustanovi, kao i na povlastice koje nosi status studenta;
 - k) na različitost i zaštitu od diskriminacije;
 - l) na priznavanje i prijenos bodova između visokoškolskih ustanova u Bosni i Hercegovini;
 - m) iznijeti svoja viđenja u pogledu kvaliteta nastave ili drugih usluga visokoškolske ustanove;
 - n) druga prava utvrđena statutom i drugim općim aktima visokoškolske ustanove.
- (2) Visokoškolska ustanova je dužna organizirati studentske i druge službe na način ažurnog, stručnog i kvalitetnog pružanja usluga studentima i dostupnosti istih u toku radnog vremena visokoškolske ustanove.
- (3) Način ostvarivanja prava studenata bliže se uređuje statutom.

Član 99. (Obaveze studenata)

Studenti imaju slijedeće obaveze:

- a) pridržavati se pravila koje je propisala visokoškolska ustanova;
- b) ispunjavati nastavne i druge obaveze;
- c) ukazivati dužno poštovanje prema pravima osoblja i drugih studenata u visokoškolskoj ustanovi;
- d) ukazivati dužnu i punu pažnju svom studiju i učestvovati u akademskim aktivnostima.

Član 100. (Sadržaj statuta u odnosu na studente)

Statut visokoškolske ustanove obavezno sadrži odredbe koje:

- a) osiguravaju slobodu studenata da, u skladu sa zakonom, ispituju i testiraju primljena znanja i da nude nove ideje i kontroverzna i nepopularna mišljenja, a da se time ne izlažu opasnosti od gubitka svog statusa

- ili bilo koje druge privilegije koju, eventualno u visokoškolskoj ustanovi uživaju;
- b) osiguravaju, u skladu sa zakonom, slobodu govora, organiziranja i okupljanja studenata;
- c) štite studente od diskriminacije prema bilo kom osnovu kao što je spol, rasa, seksualna orijentacija, fizički ili drugi nedostatak, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza s nekom nacionalnom zajednicom, imovina, rođenje, starosna dob ili neki drugi status;
- d) pružaju pravične i nepristrasne mehanizme rješavanja pitanja disciplinske odgovornosti studenata.

Član 101. (Disciplinska odgovornost studenta)

- (1) Student odgovara za povredu obaveze koja je u vrijeme izvršenja bila utvrđena općim aktom visokoškolske ustanove.
- (2) Za težu povredu obaveze studentu se može izreći i mjera isključenja sa studija na visokoškolskoj ustanovi.
- (3) Disciplinski postupak ne može se pokrenuti po isteku šest mjeseci od dana saznanja za povredu obaveze i počinoca, a najkasnije dvanaest mjeseci od dana kada je povreda učinjena.
- (4) Općim aktom visokoškolske ustanove utvrđuju se teže i lakše povrede obaveze, disciplinski organi i postupak za utvrđivanje odgovornosti studenta.

Član 102. (Pravo na sudsku zaštitu)

Studenti imaju pravo pred nadležnim sudom osporiti sve konačne odluke visokoškolske ustanove, koje se na njih odnose.

Član 103. (Osiguranje adekvatnih uvjeta osobama sa posebnim potrebama)

Visokoškolska ustanova će osigurati adekvatne uvjete za pristup studiju, studiranje i rad osoba sa posebnim potrebama.

Odjeljak C. Prestanak statusa studenata

Član 104. (Prestanak statusa studenta)

- (1) Status studenta prestaje završetkom studijskog programa i dobivanjem stepena za koji se školuje, ispisom iz visokoškolske ustanove prije završetka studija, odnosno kada student ne upiše narednu godinu studija, ne obnovi

upis u istu godinu u propisanom roku, a ne miruju mu prava i obaveze studenta.

(2) Status redovnog studenta prestaje:

- a) ako visokoškolska ustanova redovnom studentu izrečne disciplinsku mjeru prestanka statusa redovnog studenta u postupku utvrđenom općim aktom visokoškolske ustanove;
- b) kada redovni student dva puta obnovi istu studijsku godinu i ne stekne uvjete za upis u višu godinu studija.

Član 105.

(Primjena Zakona o upravnom postupku)

Visokoškolska ustanova postupka po Zakonu o upravnom postupku kada rješava o pojedinačnim pravima i obavezama studenta o:

- a) upisu kandidata u prvu godinu studija;
- b) upisu studenta u narednu godinu studija;
- c) pravu studenta na izdavanje diplome;
- d) mjeri isključenja;
- e) obavezi plaćanja troškova studija,
- f) drugim slučajevima utvrđenim zakonom.

POGLAVLJE II. STUDENTSKI PREDSTAVNIČKI ORGAN

Član 106.

(Studentski predstavnički organ)

- (1) Studenti svoje interese ostvaruju organizirani kroz studentski predstavnički organ.
- (2) Studentski predstavnički organ univerziteta čine izabrani predstavnici studenata fakulteta, visokih škola i akademija univerziteta iz sva tri studijska ciklusa.
- (3) Studentski predstavnički organ visoke škole čine predstavnici studenata iz svih odsjeka i svih studijskih godina.
- (4) Statut ili drugi akt visokoškolske ustanove obavezno sadrži odredbe o načinu, izboru i broju članova studentskog predstavničkog tijela.
- (5) Studentski predstavnički organ radi po principu reprezentativnosti, na način da se osigura adekvatno proporcionalno zastupanje studenata u skladu sa stavovima (2) i (3) ovog člana.

Član 107.

(Izbor i razrješenje studentskih predstavnika)

- (1) Studentske predstavnike u organe visokoškolske ustanove bira i razrješava predstavnički organ.
- (2) Studentski predstavnički organ zastupa interese studenata i daje doprinos društvenim, kulturnim, akadem-

skim ili fizičko-rekreativnim potrebama studenata na osnovu demokratskih principa i u skladu sa zakonom.

- (3) Studentski predstavnički organi mogu osnovati ili pristupiti asocijaciji studentskih predstavničkih organa u Bosni i Hercegovini, putem kojih se ostvaruje članstvo u međunarodnim organizacijama i asocijacijama studenata.

Član 108.

(Saradnja visokoškolskih ustanova)

Saradnja visokoškolske ustanove sa drugim studentskim udruženjima, organizacijama i asocijacijama koje okupljaju studente odvija se preko univerzitetskog studentskog predstavničkog organa ili studentskog predstavničkog organa visoke škole.

Član 109.

(Uređivanje rada studentskog predstavničkog organa)

- (1) Studentski predstavnički organ donosi poslovnik o radu, kojim se uređuje način rada studentskog predstavničkog organa.
- (2) Studenti obavezno učestvuju u donošenju akata kojima se uređuje rad studentskog predstavničkog organa i druga pitanja koja se tiču prava, obaveza i odgovornosti studenata.

Član 110.

(Stalno stručno usavršavanje)

- (1) Stalne i povremene oblike stručnog usavršavanja organizira visokoškolska ustanova putem organizacionih jedinica.
- (2) Program stručnog usavršavanja donosi senat na svoju inicijativu ili na prijedlog naučno-nastavnog vijeća fakulteta, odnosno nastavno-umjetničkog vijeća akademije.
- (3) O učešću u pojedinim oblicima stručnog usavršavanja kandidatu se izdaju odgovarajuća uvjerenja.

DIO DESETI - VISOKOOBRAZOVNA DJELATNOST

POGLAVLJE I. NAČIN STUDIRANJA, CIKLUSI STUDIRANJA, STUDIJSKI PROGRAMI

Odjeljak A. Način studiranja

Član 111.

(Način studiranja)

- (1) Visoko obrazovanje može se sticati redovno, vanredno,

učenjem na daljinu ili kombiniranjem ova tri načina studiranja, na način utvrđen statutom.

- (2) Visokoškolska ustanova odnosno njene organizacione jedinice u okviru svoje djelatnosti mogu obavljati naučnoistraživačku, umjetničku, ekspertsko-konsultantsku i izdavačku djelatnost, a mogu da obavljaju i druge poslove iz naučnog, stručnog, istraživačkog i umjetničkog rada, pod uvjetom da se tim poslovima ne ugrožava kvalitet nastave.
- (3) Visokoškolska ustanova odnosno fakultet, umjetnička akademija i visoka škola kao organizaciona jedinica u okviru svoje djelatnosti može realizirati programe cjeloživotnog učenja van okvira studijskih programa za koje je dobila dozvolu za rad, na način utvrđen općim aktom visokoškolske ustanove.
- (4) Lice koje je upisano na program iz stava (3) ovog člana nema status studenta i nakon uspješno savladanog programa izdaje mu se uvjerenje.

Član 112.

(Organizacija predavanja nastave za studente)

- (1) Visokoškolska ustanova je dužna organizirati predavanja i druge oblike nastave za sve studente, osim pri organiziranju studijskog programa na daljinu, u skladu sa općim aktom visokoškolske ustanove.
- (2) Bliže uvjete i način organiziranja studijskog programa na daljinu propisuje ministar.

Član 113.

(Informiranje studenata o održavanju nastave)

- (1) Visokoškolska ustanova je dužna na odgovarajući način informirati studente o načinu, vremenu i mjestu održavanja nastave, ciljevima, metodama i sadržajima nastave; o sadržajima, metodama, kriterijima i mjerilima ispitivanja; o načinu obezbjeđenja javnosti na ispitu i načinu uvida u rezultate, kao i o drugim pitanjima od značaja za studente.
- (2) Način informiranja studenata o pitanjima iz stava (1) ovog člana bliže se uređuje općim aktom visokoškolske ustanove.

Član 114.

(Angažman studenata)

- (1) Zbir od 60 bodova odgovara prosječnom ukupnom angažmanu studenta u obimu 40-satne radne sedmice tokom jedne školske godine.
- (2) Ukupno angažiranje studenta sastoji se od nastave (predavanja, vježbe, praksa, seminari i dr.), samostalnog rada, kolokvija, ispita, izrade završnih radova, dobro-

voljnog rada u lokalnoj zajednici i ostalih vidova angažiranja.

Odjeljak B. Ciklusi studiranja

Član 115. (Ciklusi studiranja)

- (1) Visoko obrazovanje organizira se u tri ciklusa:
 - a) prvi ciklus ili dodiplomski studij vodi do akademskog zvanja završenog dodiplomskog studija (the degree of Bachelor) ili ekvivalenta, stečenog nakon najmanje tri i najviše četiri godine redovnog studija nakon sticanja svjedočanstva o završenoj srednjoj školi, koji se vrednuje sa najmanje 180 odnosno 240 ECTS bodova;
 - b) drugi ciklus ili postdiplomski studij vodi do akademskog zvanja magistra ili ekvivalenta, stečenog nakon završenog dodiplomskog studija i traje jednu ili dvije godine, a vrednuje se sa 60, odnosno 120 ECTS bodova, i to tako da u zbiru sa prvim ciklusom nosi 300 ECTS bodova;
 - c) treći ciklus vodi do akademskog zvanja doktora ili ekvivalenta, traje tri godine, i vrednuje se sa 180 ECTS bodova.
- (2) Jedan semestar studija vrednuje se sa 30 ECTS bodova.
- (3) Iz odredbi stava (1) ovog člana izuzima se studij medicinske grupe nauka u prvom ciklusu koji se vrednuje za farmaciju sa 300 ECTS bodova, a za medicinu sa 360 ECTS bodova.

Član 116.

(Akademske titule i stručna zvanja)

- (1) Završetkom određenog ciklusa studija stiče se pravo na akademsku titulu, odnosno stručno zvanje u određenoj oblasti, u skladu sa Okvirnim zakonom i Pravilnikom o korištenju akademskih titula, te sticanju naučnih i stručnih zvanja.
- (2) Izuzev zvanja koja se dodjeljuju u smislu stava (1) ovog člana, u vidu počasnog doktorata nauka (honoris causa), ne mogu se dodjeljivati zvanja koja nisu predviđena zakonom i Pravilnikom o korištenju akademskih titula, te sticanju naučnih i stručnih zvanja.
- (3) Profesor emeritus može učestvovati u izvođenju nastave na drugom i trećem ciklusu studija, biti član komisije u postupcima izbora nastavnika, te u postupcima sticanja naučnog stepena magistra odnosno doktora nauka, te biti mentorom kandidatima za sticanje naučnog stepena magistra ili doktora nauka.
- (4) Kriteriji i postupak izbora profesora emeritusa bliže se utvrđuje statutom visokoškolske ustanove.

Odjeljak C. Studijski program**Član 117.
(Studijski program)**

- (1) Studij se ustrojava prema studijskom programu.
- (2) Studijski program je skup obaveznih i izbornih studijskih područja, odnosno predmeta, sa okvirnim sadržajem, čijim se savladavanjem obezbjeđuju naophodna znanja i vještine za sticanje diplome odgovarajućeg nivoa i vrste studija.

**Član 118.
(Donošenje studijskog programa)**

- (1) Studijski program donosi senat u skladu sa statutom ili drugim općim aktom, a sadrži:
 - a) stručni i akademski naziv i stepen koji se stiče završetkom studija;
 - b) uvjete za upis na studijski program;
 - c) listu obaveznih i izbornih predmeta i broj sati potrebnih za njihovu realizaciju;
 - d) bodovnu vrijednost svakog predmeta i završnog rada iskazanu u ECTS bodovima;
 - e) uvjete za prelazak sa drugih studijskih programa u okviru istih ili srodnih oblasti studija;
 - f) način izbora predmeta iz drugih studijskih programa;
 - g) uvjete upisa u slijedeći semestar ili trimestar, odnosno slijedeću godinu studija, te način završetka studija;
 - h) način izvođenja studija i način provjere znanja za svaki predmet;
 - i) druga pitanja od značaja za izvođenje studijskog programa.
- (2) Usklađivanje studijskog programa sa organizacijom rada i dostignućima nauke i umjetnosti ne smatra se novim studijskim programom.

**Član 119.
(Uvođenje studijskog programa od javnog interesa)**

Radi ostvarenja javnog interesa, a u cilju obezbjeđenja neophodnog stručnog kadra, Ministarstvo može zahtijevati od javne visokoškolske ustanove da uvede novi studijski ili inovira postojeći studijski program, kojim se omogućava sticanje odgovarajućih kvalifikacija.

**Član 120.
(Zajednički studijski program)**

- (1) Visokoškolske ustanove mogu usvojiti zajednički studijski program koji izvode dvije ili više visokoškolskih ustanova koje imaju akreditaciju za odgovarajući studijski odsjek.

- (2) Studijskim programom iz stava (1) ovog člana stiče se zajednička diploma.

**Član 121.
(Provjera znanja)**

- (1) Uspješnost studenata u savladavanju pojedinog nastavnog predmeta kontinuirano se prati tokom nastave, na način predviđen nastavnim planom i programom, odnosno studijskim programom i izražava se u bodovima.
- (2) Oblici provjere znanja mogu biti pismeni, usmeni i praktični. Provjera znanja je u pravilu pismena i vrši se testom ili pismenim radom.
- (3) Općim aktom visokoškolske ustanove uređuje se način polaganja ispita i ocjenjivanja studenata, kao i način i postupak prigovaranja na dobijenu ocjenu.

**Član 122.
(Mjesto provjere znanja)**

- (1) Ispit se polaže u sjedištu visokoškolske ustanove, odnosno u objektima navedenim u dozvoli za rad.
- (2) Izuzetno, visokoškolska ustanova može organizirati polaganje ispita van sjedišta samo ako se radi o ispitu iz predmeta čiji karakter to zahtijeva.
- (3) Ispit i svi oblici provjere znanja su javni.
- (4) Visokoškolska ustanova je obavezna organizirati termine polaganja ispita tako da se studentu omogući da ne mora polagati više od jednog ispita u istom danu.

POGLAVLJE II. PRAVILA STUDIRANJA**Odjeljak A. Utvrđivanje pravila studiranja****Član 123.
(Utvrđivanje pravila studiranja)**

Statutom visokoškolske ustanove ili drugim općim aktom bliže se uređuju naročito:

- a) vrijeme održavanja nastave za studente;
- b) način polaganja ispita, ocjenjivanja i izvršavanja drugih obaveza, kao i način i postupak odobravanja teme, formiranje komisije i odbrana završnog rada;
- c) način i vrijeme obavještanja studenata o ostvarivanju prava i izvršavanju obaveza iz nastave, o datumu i mjestu održavanja ispita i o rezultatima ispita i drugih izvršenih obaveza;
- d) pravo prigovora na ocjenu;
- e) bliži uvjeti za upis u narednu godinu studija;
- f) uvjeti sticanja diplome;
- g) prava i obaveze studenata koji su obnovili upis;
- h) uvjeti i način ponovnog sticanja statusa studenta;
- i) način prepoznavanja položenih ispita na visokoškol-

- skoj ustanovi;
- j) uvjeti za nastavak studija prilikom prelaska sa druge visokoškolske ustanove;
 - k) uvjeti pod kojima zainteresirana lica mogu pohađati nastavu i polagati ispite iz određenih nastavnih predmeta;
 - l) uvjeti za prijevremeno završavanje studija;
 - m) uvjeti i način uključivanja studenata u naučnoistraživački rad;
 - n) pohvale i nagrade;
 - o) lakše i teže povrede obaveza studenata;
 - p) zaštita prava studenata, nadležni organi i postupak odlučivanja o pravima, obavezama i odgovornostima studenata, kao i o zaštiti prava kandidata koji nisu primljeni po konkursu za upis u prvu godinu studija;
 - r) obaveze nastavnika i saradnika u izvođenju nastave;
 - s) druga pitanja od značaja za studij.

Član 124.

(Polaganje i prijenos ispita)

- (1) Polaganjem ispita student stiče određeni broj bodova u skladu sa studijskim programom.
- (2) Studijskim programom može se uvjetovati opredjeljenje studenata za određeni predmet prethodno položenim ispitima iz jednog ili više predmeta utvrđenih studijskim programom.
- (3) Student može prenijeti u narednu godinu studija, unutar trajanja jednog ciklusa, najviše dvanaest ECTS bodova ili najviše dva predmeta.
- (4) Prilikom svakog ponovnog polaganja završnog ili popravnog ispita iz predmeta u godini koju obnavlja student je obavezan platiti naknadu za obavljanje ispita u visini koju utvrdi senat visokoškolske ustanove.

Član 125.

(Mirovanje prava i obaveza studenata)

- (1) Prava i obaveze studenta miruju dok je na porodiljskom odsustvu ili tokom trajanja bolesti zbog koje nije mogao pohađati nastavu i polagati ispite, a što utvrđuje dekan na osnovu prethodno pribavljenog mišljenja nadležne zdravstvene ustanove.
- (2) Visokoškolska ustanova može studentu, na njegov zahtjev, odobriti da mu iz opravdanih razloga određeno vrijeme a najduže godinu dana, miruju prava i obaveze.
- (3) Zahtjev za mirovanje iz stava (2) ovog člana se podnosi u vrijeme upisa prvog semestra ili trimestra tekuće akademske godine.

Član 126.

(Prestanak statusa studenta)

Studentu, kome ne miruju prava i obaveze i koji ne upiše narednu godinu studija, odnosno ne obnovi upis u istu godinu studija, prestaje status studenta.

Odjeljak B. Ocjenjivanje

Član 127.

(Ocjenjivanje)

- (1) Uspješnost studenta prati se kontinuirano tokom nastave i izražava se u bodovima.
- (2) Ispunjavanjem predispitnih obaveza i polaganjem ispita student može ostvariti najviše 100 bodova.
- (3) U strukturi ukupnog broja bodova najmanje 50% bodova mora biti predviđeno za aktivnosti i provjere znanja u toku semestra, odnosno trimestra.
- (4) Uspjeh studenta na ispitu ocjenjuje se brojnomo, opisnom ili slovnom ocjenom kako slijedi:
 - a) ocjena 5 (pet), opisno „ne zadovoljava“, odgovara slovnoj ocjeni „F, FX“;
 - b) ocjena 6 (šest), opisno „dovoljan“, odgovara slovnoj ocjeni „E“;
 - c) ocjena 7 (sedam), opisno „dobar“, odgovara slovnoj ocjeni „D“;
 - d) ocjena 8 (osam), opisno „vrlodobar“, odgovara slovnoj ocjeni „C“;
 - e) ocjena 9 (devet), opisno „odličan“, odgovara slovnoj ocjeni „B“;
 - f) ocjena 10 (deset), opisno „izvanredan“, odgovara slovnoj ocjeni „A“.
- (5) Prolazne su ocjene od 6 (šest, dovoljan, „E“) do 10 (deset, izvanredan, „A“).
- (6) U indeks se upisuju samo prolazne ocjene.

Član 128.

(Završni rad i disertacija)

- (1) Studijskim programom prvog ciklusa može biti predviđen završni rad.
- (2) Studijski program drugog ciklusa obavezno sadrži završni rad.
- (3) Doktorska disertacija je završni dio studijskog programa trećeg ciklusa, osim doktorata umjetnosti, koji je umjetnički projekt.
- (4) Broj bodova kojima se iskazuje završni rad, odnosno završni dio studijskog programa ulazi u ukupan broj bodova potrebnih za završetak studija.
- (5) Završni ispit u strukturi ocjenjivanja može se vrednovati sa najviše 50% bodova.
- (6) Način i postupak pripreme i odbrane završnog rada, odnosno disertacije uređuje se općim aktom visokoškolske ustanove.

ske ustanove.

Odjeljak C. Nastavni plan i program

Član 129. (Nastavni plan i program)

- (1) Nastava se izvodi po nastavnom planu i nastavnom programu.
- (2) Nastavnim planom utvrđuju se nastavni predmeti, ukupan broj časova predavanja, vježbi i drugih oblika nastavnog rada (u daljem tekstu: nastava).
- (3) Nastavnim programom utvrđuje se sadržaj nastavnog predmeta, način izvođenja nastave i polaganja ispita i drugih vidova provjere znanja, obavezni udžbenici, priručnici i druga obavezna literatura na osnovu kojih se polaže ispit iz tog nastavnog predmeta.

Član 130. (Donošenje nastavnih planova i programa)

- (1) Nastavne planove i nastavne programe svih ciklusa donosi senat univerziteta, na prijedlog naučno-nastavnih, odnosno nastavno-umjetničkih vijeća organizacionih jedinica, odnosno senat visoke škole.
- (2) Visokoškolska ustanova će osigurati efikasnu dostupnost i transparentnost nastavnih planova i programa.

Član 131. (Primjena nastavnih planova i programa)

Primjenu nastavnih planova i nastavnih programa prati senat visokoškolske ustanove koji je dužan svake četiri godine od početka njihove primjene pokrenuti postupak za njihovo cjelovito preispitivanje.

Član 132. (Završetak započetog studija)

Studenti imaju pravo da završe započeti studij po nastavnom planu i programu koji je važio prije izvršene izmjene, u roku utvrđenom statutom visokoškolske ustanove.

Član 133. (Nastavni predmeti)

- (1) Nastavni predmeti su obavezni, stručni, izborni, zajednički i opći.
- (2) Nastavni predmeti mogu se nastavnim planom definirati kao obavezni za pojedine studijske programe i izborni.
- (3) Univerzitet može utvrditi da neki od stručnih predmeta budu zajednički predmeti kojima se daje zajednička stručna osnova studentima koji studiraju komplementarne naučne, odnosno umjetničke oblasti.

- (4) Nastava i ispiti iz određenih predmeta mogu se obavljati i na drugoj visokoškolskoj ustanovi koja je matična za taj predmet, što se uređuje ugovorom između visokoškolskih ustanova.

Član 134. (Ustroj nastave)

- (1) Nastava i ispiti obavljaju se u toku akademske godine.
- (2) Datum početka nastave, vremenski plan realizacije nastavnih planova i ispitivanja studenata utvrđuje senat.
- (3) Nastava se ustrojava po semestrima ili trimestrima, što se utvrđuje statutom.

Član 135. (Sedmično opterećenje studenata)

Sedmični broj časova nastave za studente određuje se na osnovu kontakt sati definiranih ECTS bodovima. Maksimalno sedmično opterećenje studenata iznosi 40 sati, uzimajući u obzir ukupno radno opterećenje.

Član 136. (Dobrovoljni rad)

- (1) Dobrovoljni rad je rad studenata bez naknade, koji organizira visokoškolska ustanova na projektima od značaja za lokalnu zajednicu i koji se vrednuju u sistemu visokog obrazovanja.
- (2) Uvjeti, način organiziranja i vrednovanja dobrovoljnog rada uređuju se općim aktom visokoškolske ustanove.

Član 137. (Počasni doktorat)

- (1) Univerzitet može dodijeliti počasni doktorat (honoris causa) istaknutim naučnim i javnim osobama iz zemlje i inostranstva za izuzetne doprinose u pojedinim područjima naučnog, naučno-nastavnog, kulturnog i umjetničkog stvaralaštva, kao i za izuzetne doprinose u duhovnom i materijalnom razvoju i djelovanju na promociji mira, tolerancije, humanosti.
- (2) Postupak dodjele i oduzimanja počasnog doktorata utvrđuje se općim aktom univerziteta.

DIO JEDANAESTI - FINANSIJSKA SREDSTVA POTREBNA ZA PRIMJENU ZAKONA

Član 138. (Finansiranje visokoškolskih ustanova)

- (1) Visokoškolska ustanova stiče sredstva za obavljanje svoje djelatnosti:
 - a) iz sredstava osnivača;

- b) iz sredstava fondova;
 - c) od donacija, zavještanja i poklona;
 - d) od školarine;
 - e) prodajom intelektualnih, kulturnih, materijalnih i komercijalnih dobara i usluga;
 - f) iz prihoda na osnovu autorskih prava i patenata;
 - g) iz drugih izvora u skladu sa zakonom.
- (2) Način finansiranja visokoškolske ustanove uređuje se aktom osnivača.

Član 139.

(Finansiranje studijskih programa javne visokoškolske ustanove)

- (1) Uredbom, odnosno odlukom Vlade Kantona utvrđuje se način finansiranja svih studijskih ciklusa u javnoj visokoškolskoj ustanovi za studente koji se finansiraju iz budžeta Kantona.
- (2) Minimalnu cijenu studija za studente koji se finansiraju iz budžeta Kantona, utvrđuje Vlada Kantona, na osnovu preporuke koju donosi Agencija.
- (3) Senat utvrđuje upisne kvote i donosi odluke o visini školarine koju plaćaju studenti u javnoj visokoškolskoj ustanovi, uz prethodnu saglasnost Vlade Kantona.

Član 140.

(Sredstva za sprovođenje studijskih programa)

- (1) Sredstvima visokoškolske ustanove iz člana 138. osigurava se sprovođenje odobrenih, odnosno akreditiranih studijskih programa u okviru djelatnosti javne visokoškolske ustanove kao i za obavljanje naučnoistraživačkog, odnosno umjetničkog rada koji je u funkciji podizanja kvaliteta nastave.
- (2) Sredstvima iz stava (1) ovog člana obezbjeđuju se:
 - a) plaće, naknade plaća i naknade zaposlenicima u javnoj visokoškolskoj ustanovi u skladu sa zakonom i kolektivnim ugovorom;
 - b) naknade drugim licima koja učestvuju u naučno-nastavnom procesu u skladu sa zakonom i podzakonskim aktima;
 - c) oprema za rad i stvaranje uvjeta za studiranje;
 - d) materijalni troškovi i investiciono održavanje;
 - e) rad drugih pravnih lica čiji je osnivač univerzitet, a čijom se djelatnošću osigurava cjelovitost i potreban standard sistema visokog obrazovanja;
 - f) razvoj i ulaganja u ustanovi i podsticanje razvoja nastavno-naučnog i nastavno-umjetničkog rada;
 - g) rad sa darovitim studentima i međunarodna saradnja;
 - h) druge namjene u skladu sa zakonom.
- (3) Visina sredstava za namjene iz stava (2) ovog člana utvrđuje se na osnovu godišnjeg programa rada i standarda visokog obrazovanja i drugih propisa kojim se

uređuje ova oblast.

- (4) Akt kojim se utvrđuje način obračuna plaća i drugih primanja u javnoj visokoškolskoj ustanovi donosi Vlada Kantona.

Član 141.

(Vlastiti prihodi)

Vlastiti prihodi javne visokoškolske ustanove, koji su kao takvi definisani posebnim propisima Kantona, raspodjeljuju se na način i u rokovima utvrđenim posebnim propisima Kantona, statutom i usvojenim finansijskim planom javne visokoškolske ustanove.

DIO DVANAESTI - NADZOR NAD PRIMJENOM ZAKONA

Član 142.

(Nadzor)

- (1) Nadzor nad provođenjem ovog zakona i propisa donesenih za njegovo provođenje vrši Ministarstvo.
- (2) Nadzor nad zakonitošću rada visokoškolskih ustanova vrši Ministarstvo.
- (3) Obaveza Ministarstva je da, ukoliko utvrdi da su odluke koje donose organi visokoškolske ustanove protivne zakonu, iste poništi, odnosno obustavi od daljeg izvršenja.
- (4) Nadzor iz stava (1) i (2) ovog člana vrši se na način koji ne narušava autonomiju visokoškolske ustanove i ne ometa njen redovni rad.

Član 143.

(Inspeksijski nadzor)

Inspeksijski nadzor nad radom visokoškolskih ustanova vrši nadležna kantonalna inspekcija za obrazovanje i nauku.

Član 144.

(Kazne za prekršaj)

- (1) Novčanom kaznom od 2.000 do 10.000 KM kaznit će se za prekršaj visokoškolska ustanova ako:
 - a) se na visokoškolskoj ustanovi vrši političko ili stranačko organiziranje ili djelovanje, što je u suprotnosti sa odredbama člana 12. ovog zakona;
 - b) visokoškolska ustanova sa sjedištem izvan Kantona ili u drugoj državi organizira studij na području Kantona bez prethodne saglasnosti osnivača (član 23., stav 1.);
 - c) rektor ili direktor ne obustavi od izvršenja opći akt koji nije u saglasnosti sa ustavom ili je u suprotnosti

sa zakonom, kao i pojedinačni akt kojim se nanosi šteta visokoškolskoj ustanovi ili društvenoj zajednici, i o tome ne obavijesti Ministarstvo, što je u suprotnosti sa odredbama člana 59. ovog zakona.

- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 500 do 1.500 KM.

Član 145.

- (1) Novčanom kaznom od 1.500 do 8.000 KM kaznit će se za prekršaj visokoškolska ustanova ako:
- a) otpočne sa radom prije upisa u sudski registar suprotno članu 22. ovog zakona;
 - b) otpočne sa radom bez dobijanja licence i akreditacije, suprotno odredbama člana 28., 29., 30., 31 i 32. ovog zakona;
 - c) ne izvodi nastavu po nastavnom planu i nastavnom programu koji je donio nadležni organ, shodno članu 53. stav 2. tačka d. ovog zakona;
 - d) ne pokrene i provede postupak za izbor nastavnika i saradnika u isto ili više zvanje u skladu sa odredbama člana 76. i 77. ovog zakona;
 - e) izvrši izbor nastavnika i saradnika suprotno odredbama člana 80., 81., 82., 83. i 84. ovog zakona;
 - f) ne provede postupak upisa studenata u skladu sa odredbama članova 92., 93. i 94., kao i članova 96. i 97. ovog zakona.
- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 500 do 1.000 KM.

Član 146.

- (1) Novčanom kaznom od 1.000 do 5.000 KM kaznit će se za prekršaj visokoškolska ustanova ako:
- a) rektor ili direktor bude imenovan ili razriješen suprotno odredbama člana 55. i 58. ovog zakona;
 - b) dekan bude imenovan suprotno odredbi člana 68. ovog zakona.
- (2) Za prekršaje iz stava (1) ovog člana kaznit će se i odgovorno lice visokoškolske ustanove novčanom kaznom od 500 KM.

DIO TRINAESTI - PRELAZNE I ZAVRŠNE ODREDBE

Član 147.

(Nadležnost ministra za donošenje provedbenih propisa)

Ministar će u roku od dvanaest mjeseci od dana stupanja na snagu ovog zakona donijeti bliže propise o:

- a) sastavu i radu komisije matičara iz člana 18. ovog

zakona;

- b) načinu vođenja matičnih knjiga i evidencija o izdatim diplomama i dodacima diplomi iz člana 38. ovog zakona;
- c) sadržaju javnih isprava iz člana 39. ovog zakona;
- d) sadržaju i načinu vođenja registra iz člana 43. ovog zakona;
- e) sadržaju indeksa iz člana 93. ovog zakona;
- f) druge podzakonske akte potrebne za implementaciju ovog zakona.

Član 148.

(Nadležnost Vlade za donošenje provedbenih propisa)

Vlada će u roku od dvanaest mjeseci od dana stupanja na snagu ovog zakona utvrditi standarde i normative visokog obrazovanja i donijeti uredbu o načinu finansiranja studijskih ciklusa iz sredstava budžeta Kantona iz člana 139. ovog zakona.

Član 149.

(Pravo na završetak studija)

- (1) Postupci za izbor nastavnika i saradnika, započeti prije stupanja na snagu ovog zakona, okončat će se pod uvjetima, postupku i u rokovima utvrđenim ranijim propisima.
- (2) Student upisan na visoku školu ili studijski odsjek u dvogodišnjem trajanju prije stupanja na snagu ovog zakona ima pravo završiti započeti studij prema nastavnom planu i programu koji je važio u vrijeme njegovog upisa u roku utvrđenom statutom univerziteta.
- (3) Student upisan na dodiplomski ili postdiplomski studij na dan stupanja na snagu ovog zakona ima pravo dovršiti započeti studij prema nastavnom planu i programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili do stupanja na snagu Okvirnog zakona.
- (4) Lica koja su stekla akademsko zvanje magistra nauka ili ekvivalenta po propisima koji su važili do stupanja na snagu ovog zakona imaju pravo započeti postupak za sticanje naučnog stepena doktora nauka prema propisima koji su važili do dana stupanja na snagu Okvirnog zakona, zaključno sa 30.09.2011. godine, s tim da se naučni stepen doktora nauka na ovaj način može steći najkasnije do 30.09. 2015. godine.
- (5) Lica koja su započela jednogodišnji ili dvogodišnji studij za sticanje akademskog zvanja magistra nauka ili ekvivalenta po propisima koji su važili do stupanja na snagu ovog zakona imaju pravo, nakon sticanja zvanja magistra nauka ili ekvivalenta, započeti postupak za sticanje naučnog stepena doktora nauka prema propi-

sima koji su važili do dana stupanja na snagu Okvirnog zakona, zaključno sa 30.09.2011. godine, s tim da se naučni stepen doktora nauka na ovaj način može steći najkasnije do 30.09. 2015. godine.

- (6) Visokoškolske ustanove mogu organizirati postdiplomske studije prema odredbama ranijih propisa najkasnije do kraja akademske 2008/2009. godine, s tim da su kandidati koji su započeli ovaj studij obavezni steći naučni stepen magistar, najkasnije do 31.12.2013. godine.
- (7) Visokoškolske ustanove su obavezne organizirati doktorske studije najkasnije do početka akademske 2011/2012.

Član 150.

(Stečena naučna i stručna zvanja)

- (1) Lica koja su stekla određena stručna i naučna zvanja zadržavaju pravo njihovog korištenja u skladu sa propisima prema kojima su ih stekli.
- (2) Lica iz stava (1) ovog člana mogu tražiti od visokoškolske ustanove na kojoj su stekli zvanja da im u postupku i pod uvjetima predviđenim statutom visokoškolske ustanove izda dokument (potvrdu ili diplomu) o ekvivalenciji ranije stečenog akademskog naziva sa novim akademskim nazivom.
- (3) Doktorat nauka stečen prema propisima koji su bili na snazi prije stupanja na snagu ovog zakona istovrsni su s doktoratima nauka stečenim prema ovom zakonu, te lica koja su ih stekla imaju ista prava kao i lica koja su doktorat nauka stekla prema ovom zakonu.

Član 151.

(Terminologija)

Terminološko korištenje muškog ili ženskog spola, u ovom zakonu, podrazumijeva uključivanje oba spola.

Član 152.

(Rok za donošenje propisa i općih akata)

- (1) Propisi za sprovođenje ovog zakona donijet će se u roku od dvanaest mjeseci od dana stupanja na snagu ovog zakona.
- (2) Do donošenja propisa utvrđenih ovim zakonom primjenjivat će se propisi koji su važili do stupanja na snagu ovog zakona.

Član 153.

(Usklađivanje rada visokoškolskih ustanova)

- (1) Postojeće visokoškolske ustanove obavezne su uskladiti svoju organizaciju, rad, opće akte i ugovore o radu sa ovim zakonom u roku od šest mjeseci od dana stupanja na snagu ovog zakona.

- (2) Javna visokoškolska ustanova organizirat će internu reviziju najkasnije do 30.10.2009. godine.

Član 154.

(Mandati lica izabranih na funkcije)

- (1) Mandat članova upravnih i rukovodnih organa visokoškolskih ustanova (rektori i prorektori, dekan i prodekan fakulteta, direktori instituta i centara), zatečenih na dužnosti na dan stupanja na snagu ovog zakona, traje u okviru mandata na koji su izabrani.
- (2) Tekući mandati organa rukovođenja iz stava (1) ovog člana, računaju se kao prvi mandat, i iste osobe mogu biti ponovo birane na iste funkcije ukoliko ispunjavaju uvjete predviđene odredbama ovog zakona.

Član 155.

(Teološki fakulteti, visoke teološke škole i akademije)

Odredbe ovog zakona ne odnose se na teološke fakultete, visoke teološke škole i akademije. Ove institucije mogu biti u sastavu univerziteta što se regulira posebnim ugovorom.

Član 156.

(Priznavanje inostranih kvalifikacija i perioda studija)

Do donošenja jedinstvenog Okvirnog zakona o priznavanju inostranih kvalifikacija primjenjivat će se odredbe Zakona o nostrifikaciji i ekvivalenciji inostranih školskih svjedočanstava-prečišćeni tekst („Službeni list SR BiH“ broj: 7/88).

Član 157.

(Prestanak važenja ranijih propisa)

Stupanjem na snagu ovog zakona prestaje da važi Zakon o visokom obrazovanju („Službene novine Zeničko-dobojskog kantona“ broj: 5/05).

Član 158.

(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-8663/09

PREDSJEDAVAJUĆI

Datum, 01.04.2009. godine

Zenica

Sejad Zaimović, s.r.

.....

80.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj 31.03.2009. godine, donosi:

ZAKON O IZMJENAMA I DOPUNAMA ZAKONA O JAVNOJ USTANOVI UNIVERZITET U ZENICI

Član 1.

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05 i 11/06) u članu 7. u stavu 1. riječ: „Pravilima“ zamjenjuje se riječju: „Statutom“, kao i u preostalom tekstu Zakona u odgovarajućem padežu.

Član 2.

U članu 11. riječi: „Islamska pedagoška akademija“ u odgovarajućim padežima zamjenjuje se riječima: „Islamski pedagoški fakultet“.

Član 3.

Član 12. mijenja se i glasi:
„Djelatnost Univerziteta je:

- visoko obrazovanje;
- obrazovanje odraslih i ostalo obrazovanje;
- studentski domovi;
- istraživanje i eksperimentalni razvoj u prirodnim naukama;
- istraživanje i eksperimentalni razvoj u tehničkim naukama;
- istraživanje i eksperimentalni razvoj u društvenim naukama;
- istraživanje i eksperimentalni razvoj u humanističkim naukama;
- istraživanje i eksperimentalni razvoj u biotehničkim naukama;
- istraživanje i eksperimentalni razvoj u biomedicini i zdravstvu;
- istraživanje i eksperimentalni razvoj u umjetnosti;
- ostali pravni poslovi;
- računovodstveni, knjigovodstveni i revizioni poslovi, savjetodavni poslovi u vezi poreza;
- istraživanje tržišta i ispitivanje javnog mnijenja;
- poslovni i menadžment konsalting;
- arhitektonske i inženjerske djelatnosti i tehničko savjetovanje;
- tehničko ispitivanje i analiza;

- pružanje konsultantskih usluga u vezi s računarskom opremom (hardware);
- ostale konsultantske usluge i izrada software-a;
- obrada podataka;
- izrada i upravljanje bazama podataka;
- ostale srodne računarske djelatnosti;
- izdavanje knjiga;
- izdavanje novina;
- izdavanje časopisa i periodičnih publikacija;
- izdavanje zvučnih zapisa;
- ostala izdavačka djelatnost;
- umjetničko i književno stvaralaštvo i scenska umjetnost;
- djelatnost biblioteka;
- rad sportskih objekata i stadiona;
- kantine.

U okviru registrirane djelatnosti Univerzitet u Zenici može obavljati djelatnost proizvodnje u manjim serijama proizvoda, odnosno predmeta, koji su rezultat naučnoistraživačkog rada, odnosno stručnog rada organizacionih jedinica.“

Član 4.

U članu 15. u stavu 2. na kraju teksta iza riječi „Univerziteta“ dodaju se riječi: „u skladu sa zakonom“.

Član 5.

U članu 16. brišu se stavovi 1. i 2.

Član 6.

U nazivu V. poglavlja, riječ „UPRAVLJANJE“ zamjenjuje se riječima: „ORGANI UNIVERZITETA“.

Član 7.

Iza naziva V. poglavlja dodaje se novi član „17.“ koji glasi:

„Organi Univerziteta su:

- Upravni odbor;
- Senat;
- Rektor.

Univerzitet može imati i druga stručna tijela, odnosno tijela za vođenje poslovanja, čije se osnivanje, sastav i nadležnost uređuju Statutom ili drugim općim aktom.

Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Terminološko korištenje muškog ili ženskog spola, u ovom zakonu, podrazumijeva uključivanje oba spola.

Dosadašnji član „17.“, postaje član „17.a“.

Član 8.

U dosadašnjem članu 17. stav 2. mijenja se i glasi:

„Konačno imenovanje i razrješenje predsjednika i članova Upravnog odbora vrši Vlada Kantona u skladu sa zakonom.“

U istom članu u stavu 3. iza riječi: „izbora“ dodaju se riječi: „u javnoj i transparentnoj proceduri konkursa.“

U istom članu stav 4. mijenja se i glasi: „Rektor, prorektor, direktor visoke škole kao i članovi Senata ne mogu biti članovi Upravnog odbora.“

Član 9.

Član 18. mijenja se i glasi:

„Upravni odbor Univerziteta ima sedam članova i čine ga četiri člana iz reda osnivača, dva člana iz reda akademskog osoblja i jedan član iz reda studenata.

Kandidate iz reda akademskog osoblja i reda studenata predlaže Senat u skladu sa zakonom i Statutom, u javnoj i transparentnoj proceduri javnog konkursa.

Predsjednik Upravnog odbora javne visokoškolske ustanove imenuje se iz reda osnivača.“

Član 10.

Član 19. mijenja se i glasi:

„Upravni odbor Univerziteta (u daljem tekstu: Upravni odbor) odgovoran je za poslovanje Univerziteta.

Upravni odbor obavlja poslove utvrđene zakonom i Statutom Univerziteta, a naročito:

- donosi Statut Univerziteta uz prethodnu saglasnost osnivača, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i Statutom Univerziteta;
- donosi odluku o osnivanju drugih pravnih lica u skladu sa zakonom i Statutom Univerziteta, uz prethodnu saglasnost osnivača;
- utvrđuje planove finansiranja i razvoja;
- donosi godišnji program rada Univerziteta na prijedlog Senata Univerziteta;
- donosi finansijski plan;
- usmjerava, kontrolira i ocjenjuje rad rektora u domenu finansijskog poslovanja;
- rješava pitanja odnosa sa osnivačem;
- odlučuje o korištenju sredstava za rad u skladu sa Statutom Univerziteta;
- odgovara osnivaču za rezultate rada Univerziteta;
- odlučuje o prigovoru zaposlenika na odluke organa Univerziteta koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- najmanje jedanput godišnje podnosi osnivaču izvještaj o poslovanju Univerziteta;

- donosi konačnu odluku o izboru i razrješenju direktora Studentskog centra;
- obavlja i druge poslove u skladu sa zakonom i Statutom Univerziteta.”

Član 11.

Iza člana 19. dodaju se novi članovi „19.a“ i „19.b“ koji glase:

„Član 19.a

Odgovornost za akademska pitanja ima Senat kao akademsko tijelo Univerziteta, koje čine predstavnici akademskog osoblja u radnom odnosu, kao i predstavnici studenata.

Senat Univerziteta odlučuje o svim akademskim pitanjima, a posebno:

- odlučuje o pitanjima nastavne, naučne, umjetničke i stručne djelatnosti Univerziteta;
- donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja, i uopće o nastupanju visokoškolske ustanove, nastavnika, saradnika i studenata u pravnom prometu;
- donosi opće akte u skladu sa zakonom i Statutom Univerziteta;
- donosi nastavne planove i nastavne programe diplomskog, postdiplomskog i doktorskog studija;
- donosi konačne odluke o izboru i razrješenju rektora i prorektora Univerziteta, uz prethodnu saglasnost Vlade Kantona;
- donosi konačne odluke po prigovoru kandidata za izbor i razrješenje dekana i prodekana, kao i direktora instituta;
- bira akademsko osoblje na prijedlog naučno-nastavnog vijeća, odnosno naučnog vijeća organizacione jedinice;
- imenuje komisije u postupku stjecanja doktorata nauka;
- dodjeljuje počasno zvanje „profesor emeritus“, te „počasni doktor nauka“;
- daje inicijativu Upravnom odboru za organiziranje i ukidanje fakulteta i drugih organizacionih jedinica Univerziteta, kao i studijskih odsjeka;
- odobrava razvojne i organizacione planove;
- imenuje stalna ili privremena tijela, radne grupe, komitete, grupe za praćenje kvaliteta rada i slično;
- propisuje odredbe kojima se regulira rad organa koje imenuje Senat;
- utvrđuje upisnu politiku;
- obavlja i druge poslove u skladu sa zakonom i Statutom Univerziteta.

Član 19.b

Senat Univerziteta odlučuje o akademskim pitanjima na prijedlog stručnih tijela organizacionih jedinica, kao i drugih tijela Univerziteta i predstavničkih tijela studenata.

Bliže odredbe o broju članova, sastavu, mandatu, i načinu rada Senata utvrđuju se Statutom Univerziteta.

Senat ima predsjedavajućeg koji priprema i predsjedava sjednicama.

Predsjedavajući se bira iz reda članova Senata, s tim da rektor i prorektori ne mogu biti imenovani za predsjedavajućeg.

Rad Senata biće uređen Poslovníkom o radu kojeg donosi Senat u roku od 30 dana od dana stupanja na snagu ovog zakona.“

Član 12.

Iza dosadašnjeg člana 19. naziv poglavlja: „VI RUKOVODENJE“ briše se, a preostali naslovi poglavlja umanjuju se za jedan broj.

Član 13.

Član 20. mijenja se i glasi:

„Univerzitetom rukovodi rektor u skladu sa zakonom i Statutom Univerziteta.

Rektor se bira na mandat od četiri godine i može biti ponovo izabran.

Ista osoba može se imenovati na dva uzastopna mandata.

Rektora Univerziteta bira Senat, na osnovu javnog konkursa, uz prethodnu saglasnost Vlade Kantona.

Za rektora može biti izabran nastavnik u naučno-nastavnom i umjetničko-nastavnom zvanju redovnog profesora koji ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu rektora Univerziteta prije isteka mandata, poslovima, odgovornostima i ostalim pitanjima koja se odnose na funkciju rektora Univerziteta utvrđuju se Statutom Univerziteta.“

Član 14.

Član 21. mijenja se i glasi:

„Rektor Univerziteta za svoj rad u domenu akademskih pitanja odgovara Senatu, a u domenu poslovanja Upravnom odboru.

Rektor Univerziteta obavlja poslove utvrđene zakonom i Statutom Univerziteta, a naročito:

- zastupa i predstavlja Univerzitet;
- organizira i rukovodi radom Univerziteta, i odgovoran je za zakonitost rada;
- predlaže opće i donosi pojedinačne akte u skladu sa za-

konom i Statutom Univerziteta;

- predlaže Upravnom odboru i Senatu mjere za unapređenje rada Univerziteta;
- predlaže Upravnom odboru mjere za djelotvorno i zakonito obavljanje djelatnosti Univerziteta;
- predlaže Upravnom odboru, Senatu i osnivaču osnove planova rada i razvoja Univerziteta;
- predlaže Upravnom odboru unutrašnju organizaciju i sistematizaciju radnih mjesta;
- izvršava odluke Upravnog odbora i drugih tijela Univerziteta;
- odlučuje o korištenju sredstava do iznosa utvrđenog Statutom Univerziteta;
- odlučuje o pravima, obavezama i odgovornostima zaposlenika iz radnog odnosa;
- podnosi Upravnom odboru izvještaj o izvršenju finansijskog plana;
- naređbodavac je za izvršenje finansijskog plana;
- učestvuje u radu Rektorske konferencije Bosne i Hercegovine;
- obavlja i druge poslove u skladu sa zakonom i Statutom Univerziteta.”

Član 15.

Iza člana 21. dodaju se novi članovi „21.a“, „21.b“, „21.c“, „21.d“, „21.e“, „21.f“, „21.g“, „21.h“ i „21.i“, koji glase:

„Član 21.a

Rektoru u radu pomažu prorektori.

Broj prorektora, nadležnosti, uvjeti i postupak izbora i razrješenja prorektora bliže se uređuje Statutom Univerziteta.

Član 21.b

Stručno tijelo fakulteta, odnosno umjetničke akademije je naučno-nastavno, odnosno umjetničko-nastavno vijeće (u daljnjem tekstu: vijeće).

Vijeće čine nastavnici i predstavnici saradnika, koji su u radnom odnosu u organizacionoj jedinici i koji učestvuju u naučno-nastavnom procesu na fakultetu, odnosno umjetničkoj akademiji, kao i predstavnici studenata u skladu sa Statutom Univerziteta.

Vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da dekan i prodekani ne mogu biti imenovani za predsjedavajućeg.

Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Vijeće u okviru svoje nadležnosti:

- daje mišljenje i prijedloge dekanu o akademskim, naučnim, umjetničkim i stručnim pitanjima u skladu sa Statutom Univerziteta;
- daje prijedloge Senatu u vezi sa promjenama u strukturi i sadržaju studijskih programa i nastavnim metodama;
- predlaže nastavni plan i program za organizacionu jedinicu, kao dio integralnog nastavnog plana i nastavnog programa Univerziteta;
- bira i razrješava dekana i prodekane fakulteta, odnosno umjetničke akademije;
- bira predstavnika u Senat Univerziteta;
- utvrđuje prijedlog komisija koje se obrazuju u postupku stjecanja naučnog stepena doktora nauka;
- imenuje komisije za provođenje postupka stjecanja naučnog, odnosno umjetničkog stepena magistra;
- utvrđuje prijedlog za izbor kandidata u naučno-nastavna, umjetnička i nastavna zvanja;
- obavlja i druge poslove u skladu sa Statutom Univerziteta i drugim općim aktima.

Bliže odredbe o nadležnostima vijeća utvrđuju se Statutom Univerziteta.

Član 21.c

Organ rukovođenja fakulteta, odnosno umjetničke akademije je dekan.

Dekan obavlja poslove utvrđene zakonom i Statutom Univerziteta, a naročito:

- predstavlja fakultet, odnosno umjetničku akademiju i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na fakultetu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na fakultetu/umjetničkoj akademiji;
- za svoj rad odgovara naučno-nastavnom, odnosno umjetničko-nastavnom vijeću;
- obavlja i druge poslove utvrđene zakonom i Statutom Univerziteta.

Član 21.d

Dekan se bira na mandat od četiri godine i može biti ponovo izabran.

Ista osoba se može imenovati na dva uzastopna mandata u istoj organizacionoj jedinici.

Dekana bira naučno-nastavno, odnosno umjetničko-nastavno vijeće, a na osnovu javnog konkursa.

Za dekana može biti izabran nastavnik u naučno-na-

stavnom i umjetničko-nastavnom zvanju redovnog ili vanrednog profesora ukoliko ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu dekana fakulteta, odnosno umjetničke akademije prije isteka mandata, poslovima, odgovornostima i ostalim pitanjima koja se odnose na funkciju dekana utvrđuju se Statutom Univerziteta.

Za svoj rad dekan je odgovoran naučno-nastavnom, odnosno umjetničko-nastavnom vijeću.

Član 21.e

Stručno tijelo naučnog instituta je naučno vijeće.

Naučno vijeće instituta čine šefovi podorganizacionih jedinica instituta i zaposlenici instituta sa naučnim stepenom doktora i magistra nauka.

Naučno vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da direktor ne može biti imenovan za predsjedavajućeg.

Rad vijeća biće uređen poslovnikom o radu kojeg donosi vijeće u roku do 30 dana od dana stupanja na snagu ovog zakona.

Naučno vijeće u okviru svoje nadležnosti:

- predlaže Senatu Univerziteta programe naučnoistraživačkog i stručnog rada instituta i programe stručnog usavršavanja;
- bira i razrješava direktora;
- imenuje komisije za pripremanje prijedloga za izbor u naučna zvanja;
- utvrđuje prijedlog za izbor kandidata u naučna zvanja;
- utvrđuje prijedlog za stručno usavršavanje u zemlji i inostranstvu;
- utvrđuje prijedlog za realizaciju praktične nastave;
- utvrđuje naučnoistraživačke projekte;
- utvrđuje strateške projekte za razvoj instituta;
- obavlja i druge poslove u skladu sa Statutom i drugim općim aktima Univerziteta.

Bliže odredbe o nadležnostima naučnog vijeća utvrđuju se Statutom Univerziteta.

Član 21.f

Organ rukovođenja naučnog instituta je direktor.

Direktor naučnog instituta obavlja poslove utvrđene zakonom i Statutom Univerziteta, a naročito:

- predstavlja institut i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na institutu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima,

- obavezama i odgovornostima zaposlenika iz radnog odnosa ili u vezi sa radnim odnosom na institutu;
- organizuje naučnoistraživački i stručni rad na institutu i predlaže mjere za njegovo poboljšanje;
- za svoj rad odgovara naučnom vijeću;
- obavlja i druge poslove u skladu sa zakonom i Statutom Univerziteta.

Član 21.g

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna mandata.

Direktora bira naučno vijeće, a na osnovu javnog konkursa.

Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovnog ili vanrednog profesora) ukoliko ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora, utvrđuju se Statutom Univerziteta.

Član 21.h

Organ rukovođenja Studentskog centra je direktor.

Direktor Studentskog centra obavlja poslove utvrđene zakonom i Statutom Univerziteta, a naročito:

- predstavlja Studentski centar i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta u Studentskom centru;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u Studentskom centru;
- predlaže promjenu i proširivanje djelatnosti i organizacije Studentskog centra;
- predlaže mjere za poboljšanje i unapređenje procesa rada u Studentskom centru;
- za svoj rad odgovara rektoru Univerziteta;
- obavlja i druge poslove u skladu sa zakonom i Statutom Univerziteta.

Član 21.i

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna man-

data.

Direktora bira Upravni odbor, a na osnovu javnog konkursa.

Za direktora Studentskog centra može biti izabrano lice koje pored općih zakonskih uvjeta ima visoku stručnu spremu, najmanje tri godine radnog iskustva na odgovarajućim rukovodećim poslovima.

Bliže odredbe o postupku izbora i razrješenja, te razlozima za smjenu direktora Centra prije isteka mandata, poslovima, odgovornostima i ostalim pitanjima koja se odnose na funkciju direktora utvrđuju se Statutom Univerziteta.“

Član 16.

Članovi 23. i 24. se brišu, pa dosadašnji član 25. postaje član 23., a slijedeći članovi se umanjuju za dva broja.

Član 17.

Član 25. mijenja se i glasi:

„Statut je osnovni opći akt Univerziteta kojim se uređuju pitanja značajna za obavljanje djelatnosti Univerziteta.

Statutom se bliže uređuju:

- organizacija Univerziteta;
- zastupanje i predstavljanje Univerziteta;
- pravila za izbor članova Upravnog odbora;
- načini organiziranja i izvođenje studija;
- pravila studiranja i prava studenata;
- izbor u nastavno-naučna i saradnička zvanja;
- način implementacije Evropskog sistema prenosa bodova (u daljem tekstu: ECTS),
- kriteriji za dodjelu akademskih titula;
- obaveze Univerziteta prema osnivaču;
- ovlaštenja Univerziteta u pravnom prometu;
- organizacija i nadležnosti organizacionih jedinica;
- statusne promjene, obrazovanje novih organizacionih jedinica i studijskih odsjeka;
- ostvarivanje prihoda, upravljanje sredstvima i imovinom;
- akademska, finansijska i druga ovlaštenja organizacionih jedinica u pravnom prometu,
- organizacija naučnoistraživačkog i umjetničkog rada;
- kriteriji za provođenje procesa evaluacije i objavljivanje rezultata provedene evaluacije;
- broj članova Senata i način njihovog biranja;
- oblik i nivo učešća studenata u radu ustanove;
- način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- druga pitanja u skladu sa zakonom.

Univerzitet ima i druge opće akte u skladu sa zakonom i Statutom Univerziteta.“

Član 18.

Član 26. mijenja se i glasi:

„Statut Univerziteta donosi Upravni odbor Univerziteta uz prethodnu saglasnost osnivača.

Izmjena i dopuna Statuta Univerziteta vrši se na način i u postupku predviđenom za donošenje Statuta.“

Član 19.

Član 29. mijenja se i glasi:

„Predsjednik i članovi Upravnog odbora, rektor i prorektori Univerziteta, dekan i prodekan fakulteta, direktori instituta i centra izabrani na funkciju prije stupanja na snagu ovog zakona ostaju na istoj dužnosti do isteka mandata na koji su izabrani.

Mandati osoba iz stava 1. ovog člana, računaju se kao prvi mandat i iste osobe mogu biti ponovo birane na iste dužnosti ukoliko ispunjavaju uvjete predviđene zakonom.“

Član 20.

Član 30. mijenja se i glasi:

„Upravni odbor Univerziteta će donijeti Statut Univerziteta i uskladiti druge opće akte Univerziteta sa ovim zakonom u roku od šest mjeseci od dana njegovog stupanja na snagu.“

Član 21.

Članovi 31. i 32. se brišu, dosadašnji član 33. postaje član 31. a slijedeći članovi se umanjuju za dva broja.

Član 22.

U članu 34. iza riječi „donijeti“, riječi: „opće akte“ zamjenjuju se riječima: „Statut i druge opće akte“.

Član 23.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o izmjenama i dopunama Zakona o Javnoj ustanovi Univerziteta u Zenici.

Član 24.

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona.“

Broj: 01-02-8664/09

PREDSJEDAVAJUĆI

Datum, 01.04.2009. godine

Zenica

Sejad Zaimović, s.r.

VLADA**81.**

Na osnovu člana 16. stav 1. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), te člana 7. stav 1. i člana 8. stav 3. Zakona o prikupljanju, proizvodnji i prometu sekundarnih sirovina i otpadnih materijala (Službene novine Federacije Bosne i Hercegovine“, broj: 35/98), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

UREDBU**O NAČINU PRIKUPLJANJA, ODLAGANJA, RAZVRSTAVANJA I OBAVLJANJA OTKUPA OTPADNIH MATERIJALA****DIO PRVI – OPĆE ODREDBE****Član 1.****(Predmet)**

Ovom uredbom uređuje se način prikupljanja, odlaganja, razvrstavanja i obavljanja otkupa otpadnih materijala na području Zeničko-dobojskog kantona (u daljem tekstu: Kanton).

Član 2.**(Obim primjene)**

Odredbe ove uredbe se odnose na sva pravna i fizička lica registrovana za prikupljanje, odlaganje, razvrstavanje i obavljanje otkupa otpadnih materijala na području Kantona.

DIO DRUGI – PRIKUPLJANJE, ODLAGANJE I RAZVRSTAVANJE OTPADNIH MATERIJALA**Član 3.****(Prikupljanje, odlaganje i razvrstavanje otpadnih materijala)**

Pravna i fizička lica registrovana za prikupljanje, odlaganje, razvrstavanje i obavljanje otkupa otpadnih materijala pri obavljanju djelatnosti dužna su postupati u skladu sa Uredbom o selektivnom prikupljanju, pakovanju i označavanju otpada („Službene novine Federacije Bosne i Hercegovine“, broj: 38/06).

Član 4.**(Prostor za prikupljanje, odlaganje i razvrstavanje otpadnih materijala)**

- (1) Pravna i fizička lica, ako pri obavljanju djelatnosti stvaraju otpadni materijal koji se može preraditi u sekundarne sirovine, dužna su taj otpadni materijal odlagati na za to određeni prostor na kojem se otpaci prikupljaju i skladište po vrsti materijala, stanju i kvaliteti, i pripremaju za otpremu na preradu u sekundarne sirovine utvrđene standardnom tehničkom – tehnološkom klasifikacijom.
- (2) Prostor za prikupljanje i odlaganje otpadnog materijala je ograđen, sa zatvorenim, otvorenim a natkrivenim, i otkrivenim prostorom koji treba da zadovolji sljedeće zahtjeve:
 - a) očuvanje kvalitetne upotrebljivosti otpada za preradu u sekundarne sirovine i čuvanje od nepovoljnih klimatskih uticaja;
 - b) provođenje zaštite na radu u rukovanju otpadnim materijalom u skladu sa propisima o zaštiti na radu;
 - c) zaštita okoliša od-štetnih uticaja prikupljenog otpadnog materijala u skladu sa propisima o zaštiti okoliša.

Član 5.**(Prikupljanje otpadnog materijala)**

- (1) Otpadni materijal se, u količinama pogodnim za transport, prikuplja na mjestu nastanka na palete, u otvorene i zatvorene kontejnere, u odgovarajuće posude, te slaganjem komada krupnijeg i težeg otpada.
- (2) Način i oblik prikupljanja treba odgovarati vrsti otpadnog materijala i sredstvima za rukovanje tim otpadnim materijalom, te zadovoljiti uvjete zaštite na radu.
- (3) Proizvođač ili vlasnik otpadnog materijala dužan je obezbjediti da se otpad skladišti i po potrebi pakuje na sljedeći način:
 - a) otpad se ne smije prosuti ili rasuti kao rezultat tretiranja otpada ili prirodnih pojava;
 - b) tečni otpad i procjedne vode se ne smiju ispuštati u odvođe, vodene tokove ili okolno zemljište;
 - c) otpad mora biti obezbjeđen od vandalizma, krađe, manipulacije od strane neovlašćenih ljudi i životinja ili bilo koje druge vrste neopasnosti;
 - d) otpad ne smije ostavljati negativne posljedice na okolinu, niti smije biti uzrok uznemiravanja usljed razvoja neprijatnih mirisa ili narušavanja estetskih karakteristika krajolika.

Član 6.**(Transportovanje otpadnih materijala i sekundarnih sirovina)**

Prikupljeni otpadni materijal transportuje se do korisnika odgovarajućim prijevoznim sredstvima koja jamče cjelovitost tereta i mjere sigurnosti u saobraćaju, te čuvaju kvalitet otpadnog materijala ne ugrožavajući okoliš.

Član 7.**(Odlaganje otpadnih materijala)**

- (1) Otpadni materijal će se prikupljen na način propisan članom 4. stav 1. ove Uredbe, odlagati na skladišnom prostoru tako da mu pristup bude olakšan, da se ne narušava upotrebljivi kvalitet otpadnog materijala, da ne može doći do štetnog rasipanja, istjecanja i isparavanja koji bi ugrozili i narušili okoliš, da su osigurani uvjeti za zaštitu od požara, samozapaljivosti i paljenja uskladištenog otpadnog materijala.
- (2) Sve količine otpadnog materijala na skladišnom prostoru moraju biti pregledane, dostupne za prihvatanje, označene neophodnim karakteristikama i u skladišne dokumente upisani neophodni podaci o tome otpadnom materijalu.

DIO TREĆI – OTKUP OTPADNIH MATERIJALA**Član 8.****(Uslovi bavljenja otkupom)**

Otkupom otpadnog materijala radi prerade u sekundarne sirovine i/ili njegovim prometom do krajnjeg korisnika mogu se baviti pravna i fizička lica koja zadovoljavaju uvjete iz člana 5. Zakona o prikupljanju, proizvodnji i prometu sekundarnih sirovina i otpadnih materijala („Službene novine Federacije BiH“, broj 35/98, u daljem tekstu: Zakon).

Član 9.**(Komercijalno-tehnički ugovori o kupoprodaji i poslovno tehničkoj saradnji)**

- (1) Pravna lica koja se bave otkupom otpadnog materijala radi prerade u sekundarne sirovine i/ili njegovim prometom do krajnjeg korisnika moraju imati sklopljene komercijalno-tehničke ugovore o kupoprodaji i poslovno – tehničkoj saradnji.
- (2) Ugovor iz stava (1) ovog člana sadrži naročito imena lica koja stupaju u ugovorni odnos, porijeklo otpadnih materijala koji su predmet kupoprodaje i prometa, način prijevoza, cijenu i ostala pitanja od zajedničkog interesa.

Član 10.**(Otkupni i prodajni dokumenti)**

- (1) Pri obavljanju otkupa otpadnih materijala pravna i fizička lica koja se bave otkupom otpadnih materijala radi prerade u sekundarne sirovine i/ili njegovim prometom do krajnjeg korisnika obavezna su sastaviti dnevni otkupni dokument na obrascu ZDK-OD-1 i mjesečni otkupni dokument na obrascu ZDK-OD-2.
- (2) Pri obavljanju prodaje otpadnih materijala pravna i fizička lica koja se bave otkupom otpadnih materijala radi prerade u sekundarne sirovine i/ili njegovim prometom do krajnjeg korisnika obavezna su sastaviti dnevni prodajni dokument na obrascu ZDK-PD-1 i mjesečni prodajni dokument na obrascu ZDK-PD-2.
- (3) Ovom uredbom određuje se oblik i sadržaj otkupnog i prodajnog dokumenta, u koji se upisuju sljedeći podaci: ime i prezime/firma donosioca otpadnih materijala, ime i prezime/firma kupca otpadnih materijala, porijeklo otpadnih materijala koji se otkupljuju/prodaju, osnovni podaci o otpadnim materijalima, količini, cijeni, te drugi podaci bitni za valjanost otkupa/prodaje.
- (4) Obrasci ZDK-OD-1, ZDK-OD-2, ZDK-PD-1 i ZDK-PD-2 sastavni su dio ove uredbe.

Član 11.**(Otkupno mjesto)**

- (1) Pravna i fizička lica otkupljuju otpadni materijal na prostoru uređenom za tu svrhu, određenom kao otkupno mjesto koje se evidentira pri registrowanju djelatnosti.
- (2) Otkupno mjesto treba raspolagati potrebnim zatvorenim, natkrivenim i otvorenim prostorom za prijem, mjerenje i rukovanje otpadnim materijalom koji se otkupljuje.
- (3) U skladu sa vrstom otpadnog materijala koji se otkupljuje, navedenoj u registraciji djelatnosti, otkupno mjesto mora imati odgovarajuće mjerne instrumente potrebnog mjernog područja, sredstava i opremu za uskladištenje i za transportne manipulacije, a u skladu sa Pravilnikom o uslovima tehničke opremljenosti poslovnih prostora za obavljanje djelatnosti prikupljanja, prerade, i proizvodnje otpadnih materijala i sekundarnih sirovina („Službene novine Federacije BiH“, broj 3/00, u daljem tekstu: Pravilnik).

Član 12.**(Utvrđivanje uslova tehničke opremljenosti poslovnih prostora)**

- (1) Stručna komisija, koju imenuje ministar Ministarstva za privredu Zeničko-dobojskog kantona (u daljem tekstu: Ministarstva), će izvršiti uvid u tehničku dokumentaciju, poslovni prostor, opremljenost poslovnog prostora, te način na koji fizička lica prikupljaju, odlažu, razvr-

stavaju, otkupljuju i prodaju otpadni materijal.

- (2) Ministarstvo će izdavati rješenja o zadovoljavanju uslova navedenih u Zakonu, Pravilniku, i ovoj uredbi.
- (3) Pravna lica mogu početi s obavljanjem djelatnosti prikupljanja, odlaganja, razvrstavanja i otkupa otpadnih materijala u skladu sa članom 7. Zakona o privrednim društvima („Službene novine federacije Bosne i Hercegovine“, broj: 23/99, 45/00, 2/02, 6/02, 29/03, 68/05, 91/07 i 84/08) i drugim propisima.

Član 13.**(Nadzor nad primjenom uredbe)**

Nadzor nad primjenom ove uredbe vrši Kantonalna uprava za inspekcijske poslove.

DIO ČETVRTI – ZAVRŠNE ODREDBE**Član 14.****(Stupanje na snagu)**

Ova uredba stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 02-23-7583/09

PREMIJER

Datum, 13.03.2009. godine

Zenica

Miralem Galijašević, s.r.

LOGOTIP PREDUZEĆA

ZDK-OD-1

Datum: _____

DNEVNI LIST OTKUPA OTPADNOG MATERIJALA

Ime i prezime/firma donosioca otpadnog materijala (za fizičko lice upisati broj lične karte, JMBG i adresu prebivališta)	Porijeklo otpadnog materijala	Vrsta i naziv otpadnog materijala	Količina otpadnog materijala	Jedinica mjere	Cijena po jedinici mjere	Ukupan iznos bez PDV-a	Ukupan iznos sa PDV-om	Napomena

Potpis ovlaštenog lica

LOGOTIP PREDUZEĆA

ZDK-PD-1

Datum: _____

DNEVNI LIST PRODAJE OTPADNOG MATERIJALA

Ime i prezime/firma kupca otpadnog materijala (za fizičko lice upisati, broj lične karte, JMBG i adresu prebivališta)	Vrsta otpadnog materijala	Količina otpadnog materijala	Jedinica mjere	Cijena po jedinici mjere	Ukupan iznos bez PDV-a	Ukupan iznos sa PDV-om	Napomena

Potpis ovlaštenog lica

LOGOTIP PREDUZEĆA

ZDK-OD-2

Mjesec: _____

MJESEČNI LIST OTKUPA OTPADNIH MATERIJALA

Vrsta otpadnog materijala	Količina otpadnog materijala	Iznos (ukupna cijena + PDV)	Napomena

Potpis ovlaštenog lica

LOGOTIP PREDUZEĆA

ZDK-PD-2

Mjesec: _____

MJESEČNI LIST PRODAJE OTPADNIH MATERIJALA

Vrsta otpadnog materijala	Količina otpadnog materijala	Iznos (ukupna cijena + PDV)	Napomena

Potpis ovlaštenog lica

82.

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06), Vlada Zeničko-dobojskog kantona, na 105. sjednici, održanoj 23.01.2009. godine, d o n o s i

ODLUKU

**o odobravanju sredstava Crvenom križu
Federacije Bosne i Hercegovine**

I.

Odobravaju se sredstva Crvenom križu Federacije Bosne i Hercegovine u iznosu od 10.000,00 KM (slovima: desethiljada konvertibilnih maraka) kao pomoć u provođenju akcije prikupljanja humanitarne pomoći za stradalo i ugroženo stanovništvo Palestine u ratnim zbivanjima na području Gaze.

II.

Odobrena sredstva iz tačke I. ove Odluke isplatit će se u skladu sa Odlukom o privremenom finansiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj: 16/08), razdjel 20, budžetska organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

Sredstva uplatiti na račun Crvenog križa Federacije Bosne i Hercegovine broj: 161000000000011, broj partije: 520000214-5, otvoren kod Raiffeisen banke Sarajevo.

III.

Crveni križ Federacije Bosne i Hercegovine će izvijestiti Ministarstvo za rad, socijalnu politiku i izbjeglice Zeničko-dobojskog kantona o utrošku doznačenih sredstava u roku od 60 dana od dana doznake sredstava.

IV.

Za realizaciju ove Odluke zadužuju se Ministarstvo za rad, socijalnu politiku i izbjeglice, Ministarstvo finansija i Crveni križ Federacije Bosne i Hercegovine, svako u okviru svojih nadležnosti.

V.

Odluka stupa na snagu danom donošenja i bit će objavljena u "Službenim novinama Zeničko-dobojskog kantona".

Broj: 02-14-7001/09

PREMIJER

Datum, 23.01.2009. godine

Zenica

Miralem Galijašević, s.r.**83.**

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06) i Odluke o privremenom finansiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj: 16/08), Vlada Zeničko-dobojskog kantona, na 110. sjednici, održanoj 23.02.2009. godine, d o n o s i

ODLUKU

**o odobravanju sredstava udruženju
„Humanost – societas humanitatis“ Zenica
za implementaciju projekta „Dnevni centar
za djecu sa posebnim potrebama“ u Maglaju**

**Član 1.
(Predmet)**

Odobravaju se sredstva Udruženju „Humanost-societas humanitatis“ Zenica, kao implementatoru projekta: „Dnevni centar za djecu sa posebnim potrebama“ u Maglaju, u iznosu od 11.253,85 KM (slovima: jedanaest hiljad i dvjestotine pedesettri konvertibilne marke i 85/100) kao učešće Zeničko-dobojskog kantona u implementaciji Projekta „Dnevni centar za djecu sa posebnim potrebama“ u Maglaju za februar 2009. godine, na koji je Vlada kantona dala saglasnost svojim Zaključkom broj: 02-35-20662 od 27.09.2006. godine.

**Član 2.
(Analitička konta)**

- (1) Sredstva iz člana 1. ove odluke isplatit će se iz sredstava utvrđenih Odlukom o privremenom finansiranju Zeničko-dobojskog kantona za period januar-mart 2009. godine (Službene novine Zeničko-dobojskog kantona“, broj: 16/08) razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».
- (2) Sredstva će biti uplaćena na račun Udruženja broj: 134 010 0000244657 otvoren kod IK banke Zenica.
- (3) Sredstva iz člana 1. ove odluke doznačit će se udruženju „Humanost-societas humanitatis“ do 28.02.2009. godine.

**Član 3.
(Provođenje odluke)**

Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 4. (Izvjestavanje)

Udruženje „Humanost-societas humanitatis“ će izvršiti Ministarstvo za rad, socijalnu politiku i izbjeglice o utrošku doznačenih sredstava.

Član 5. (Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-35-5521/09

PREMIJER

Datum, 23.02.2009. godine

Zenica

Miralem Galijašević, s.r.

.....

84.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Vlada Zeničko-dobojskog kantona, na 110. sjednici, održanoj 23.02.2009. godine, d o n o s i

O D L U K A

Član 1. (Predmet)

Odobravaju se finansijska sredstva Općini Zavidovići, u iznosu do 10.000,00 KM (slovima: desethiljada konvertibilnih maraka) u svrhu uređenja, odnosno opremanje i grijanje poslovnih prostora Inkubatora Zavidovići.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom finansiranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije preduzećima u privatizaciji i podsticaj u industriji“.

Član 3. (Provođenje odluke)

Općina Zavidovići obavezna je Ministarstvu za privredu dostaviti Izvještaj o utrošku sredstava.

Član 4.

Za realizaciju ove odluke zadužuje se Ministarstvo finansija i Ministarstvo za privredu, svako u okviru svoje nadležnosti.

Član 5. (Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-14-5532/09

PREMIJER

Datum, 23.02.2009. godine

Zenica

Miralem Galijašević, s.r.

.....

85.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), člana 12. i 13. Zakona o računovodstvu („Službene novine Federacije Bosne i Hercegovine“ broj 32/05), Pravilnika o knjigovodstvu budžeta u Federaciji BiH („Službene novine Federacije BiH“ broj 15/07), Pravilnika o popisu sredstava i izvora sredstava broj: 07-02-19393/06 od 26.09.2006. godine i 07-02-19393-1/06 od 02.11.2006. godine i Pravilnika o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja broj: 07-34-25485-1/07 od 30.10.2007. godine, Vlada Zeničko-dobojskog kantona, na 111. sjednici, održanoj 26.02.2008. godine, d o n o s i

O D L U K U o načinu knjiženja i likvidacije rashodovanih stalnih sredstava (opreme) sa stanjem na dan 31.12.2008. godine

Član 1. (Predmet)

Rashoduju se dotrajala, neupotrebljiva i zastarjela stalna sredstva nabavne vrijednosti 83.603,20 KM, ispravke vrijednosti 79.170,70 KM i sadašnje vrijednosti 4.432,50 KM na teret pravnog lica-Stručna služba Vlade Zeničko-dobojskog kantona.

Član 2. (Sastavni dio Elaborata)

Ova Odluka čini sastavni dio Elaborata Centralne popi-

sne komisije Zeničko-dobojskog kantona o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2008. godine.

Član 3. (Realizacija Odluke)

Za realizaciju ove Odluke zadužuje se Ministarstvo finansija.

Član 4. (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2008. godine

Broj: 02-14-5943/09

PREMIJER

Datum, 26.02.2009. godine

Zenica

Miralem Galijašević, s.r.

.....

86.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), člana 12. i 13. Zakona o računovodstvu („Službene novine Federacije Bosne i Hercegovine“ broj 32/05), Pravilnika o knjigovodstvu budžeta u Federaciji BiH („Službene novine Federacije BiH“ broj 15/07), Pravilnika o popisu sredstava i izvora sredstava broj: 07-02-19393/06 od 26.09.2006. godine i 07-02-19393-1/06 od 02.11.2006. godine i Pravilnika o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja broj: 07-34-25485-1/07 od 30.10.2007. godine, Vlada Zeničko-dobojskog kantona, na 111. sjednici, održanoj 26.02.2008. godine, d o n o s i

O D L U K U o načinu knjiženja utvrđenih manjkova stalnih sredstava (opreme) sa stanjem na dan 31.12.2008. godine

Član 1. (Predmet)

Utvrđuje se manjak stalnih sredstava ukupne nabavne vrijednosti 4.743,31 KM, ispravke vrijednosti 1.664,42 KM i sadašnje vrijednosti 3.078,89 KM.

Član 2. (Način knjiženja)

Iskazana vrijednost manjka će se knjižiti na teret budžetskih korisnika na kojima su zadužena.

Član 3. (Realizacija Odluke)

Za realizaciju ove Odluke zadužuje se Ministarstvo finansija.

Član 4. (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2008. godine

Broj: 02-14-5944/09

PREMIJER

Datum, 26.02.2009. godine

Zenica

Miralem Galijašević, s.r.

.....

87.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), člana 12. i 13. Zakona o računovodstvu („Službene novine Federacije Bosne i Hercegovine“ broj 32/05), Pravilnika o knjigovodstvu budžeta u Federaciji BiH („Službene novine Federacije BiH“ broj 15/07) i Pravilnika o popisu sredstava i izvora sredstava broj: 07-02-19393/06 od 26.09.2006. godine i 07-02-19393-1/06 od 02.11.2006. godine, Vlada Zeničko-dobojskog kantona, na 111. sjednici, održanoj 26.02.2008. godine, d o n o s i

O D L U K U o uknjiženju roba sa stanjem na dan 31.12.2008. godine

Član 1. (Predmet)

Odobrava se uknjiženje roba Kantonalne direkcije robnih rezervi po osnovu presude Općinskog suda u Zenici broj: 043-0-Ps-06-000338 od 03.11.2006. godine, a vezane za Ugovor o zakupu skladišta za pogonska goriva broj: 01-08/02 od 29.02.2002. godine sa preduzećem „KALEN“ d.o.o. Zenica.

Rb	Opis knjigovodstvene promjene	Ekonomski kod	Duguje	Potražuje
1	Ulaz robe u skladište (uknjiženje pogonskih goriva)	011411	83.133,00	
2	Izvori sredstava rezervi	531121		83.133,00
3	Ugovor o zakupu skladišta broj 01-08/02 od 29.02.2002. godine i presuda Općinskog suda Zenica br 043-0-Ps-06-000338 od	131111	83.133,00	
4	Robne rezerve	011411		83.133,00

Član 3.
(Realizacija Odluke)

Za realizaciju ove Odluke zadužuju se Ministarstvo finansija i Kantonalna direkcija robnih rezervi, svako u okviru svoje nadležnosti.

Član 4.
(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2008. godine

Broj: 02-14-5945/09

PREMIJER

Datum, 26.02.2009. godine

Zenica

Miralem Galijašević, s.r.

88.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), člana 12. i 13. Zakona o računovodstvu („Službene novine Federacije Bosne i Hercegovine“ broj 32/05), Pravilnika o knjigovodstvu budžeta u Federaciji BiH („Službene novine Federacije BiH“ broj 15/07, 79/07) i Pravilnika o popisu sredstava i izvora sredstava broj: 07-02-19393/06 od 26.09.2006. godine i 07-02-19393-1/06 od 02.11.2006. godine, Vlada Zeničko-dobojskog kantona, na 111. sjednici, održanoj 26.02.2008. godine, d o n o s i

O D L U K U
o uknjiženju roba sa stanjem na dan
31.12.2008. godine

Član 1.
(Predmet)

Odobrava se uknjiženje roba Kantonalne direkcije robnih rezervi po osnovu pozajmnice preduzeću „INPEK“ d.d. Zenica 50 tona brašna odobrenih Zaključkom Vlade Zeničko-dobojskog kantona broj: 02-20-2572/01 od 20.02.2001. godine i to:

Rb	Opis knjigovodstvene promjene	Ekonomski kod	Duguje	Potražuje
1	Ulaz robe u skladište (uknjiženje 50 tona brašna)	011411	27.900,00	
2	Izvori sredstava rezervi	531121		27.900,00
3	Odobrena pozajmnica po Zaključku Vlade broj: 02-20-2572/01 od 20.02.2001. godine	131111	27.900,00	
4	Robne rezerve	011411		27.900,00

Član 3. (Realizacija Odluke)

Za realizaciju ove Odluke zadužuju se Ministarstvo finansija i Kantonalna direkcija robnih rezervi, svako u okviru svoje nadležnosti.

Član 4. (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2008. godine

Broj: 02-14-5947/09

PREMIJER

Datum, 26.02.2009. godine

Zenica

Miralem Galijašević, s.r.

.....

89.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), a u vezi sa članom 2. i 4. stav 3. Odluke o redovnom godišnjem popisu imovine, obaveza i potraživanja Zeničko-dobojskog kantona na dan 31.12.2008. godine, broj 02-34-33820/08 od 24.10.2008. godine, Vlada Zeničko-dobojskog kantona, na 111. sjednici, održanoj 26.02.2008. godine, d o n o s i

O D L U K U

o usvajanju Elaborata o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2008. godine

Član 1. (Predmet)

Usvaja se Elaborat Centralne popisne komisije Zeničko-dobojskog kantona o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2008. godine.

Član 2. (Nalog za knjiženje)

Nalaže se Ministarstvu finansija-Odsjek za računovodstvo i operativnim jedinicama nadležnih ministarstava, da izvrše sva neophodna knjiženja u skladu sa svim pojedinačnim odlukama za kantonalna ministarstva i uprave i pojedinačne budžetske korisnike nadležnih ministarstava, a koje

su prilog elaborata iz člana 1. ove Odluke.

Član 3. (Realizacija Odluke)

Za realizaciju ove odluke zadužuju se Ministarstvo finansija, Ministarstvo unutrašnjih poslova, Ministarstvo za pravosuđe i upravu i Ministarstvo za obrazovanje, nauku, kulturu i sport.

Član 4. (Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2008. godine

Broj: 02-14-5948/09

PREMIJER

Datum, 26.02.2009. godine

Zenica

Miralem Galijašević, s.r.

.....

90.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a u skladu sa Odlukom o privremenom finansiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj: 16/08), Vlada Zeničko-dobojskog kantona, na 112. sjednici, održanoj 03.03.2009. godine, donosi

ODLUKU o odobravanju finansijskih sredstava Agenciji za privatizaciju Zeničko-dobojskog kantona

Član 1. (Predmet)

Odobravaju se finansijska sredstva Agenciji za privatizaciju Zeničko-dobojskog kantona u iznosu od 50.000,00 KM (slovima: pedesethiljada konvertibilnih maraka), na ime troškova potrebnih za finansiranje redovnih obaveza i aktivnosti.

Član 2. (Ekonomski kod)

Odobrena sredstva iz člana 1. ove odluke ispla-

tit će se na osnovu Odluke o privremenom finansiranju Zeničko-dobojskog kantona za period januar-mart 2009. godine (isplata za period januar - mart 2009. godine), razdjel 18, budžetska organizacija 01, potrošačka jedinica 0001, ekonomski kod 614100, pozicija «Transfer za Agenciju za privatizaciju».

Član 3. (Provođenje Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-5940/09

PREMIJER

Datum, 03.03.2009. godine

Zenica

Miralem Galijašević, s.r.

.....

91.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom financiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 112. sjednici, održanoj 03.03.2009. godine, donosi

ODLUKU

o odobravanju finansijskih sredstava - subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „SINTEX“ d.o.o. Doboj-Jug

Član 1. (Predmet)

Odobravaju se finansijska sredstva privrednom subjek-

tu za proizvodnju i prodaju protektiranih guma „SINTEX“ d.o.o. Doboj-Jug, u iznosu od 10.000,00 KM (slovima: desethiljada konvertibilnih maraka), na ime subvencija uvođenja i certifikacije sistema za proizvodnju protektiranih guma za teretna vozila, u skladu sa direktivom ECE 109.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom financiranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

Član 3. (Provođenje Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-6702/09

PREMIJER

Datum, 03.03.2009. godine

Zenica

Miralem Galijašević, s.r.

.....

92.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom financiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 112. sjednici, održanoj 03.03.2009. godine, donosi

ODLUKU**o odobravanju finansijskih sredstava - subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „BOSNA VET“ d.o.o. Zenica****Član 1.
(Predmet)**

Odobravaju se finansijska sredstva privrednom subjektu „BOSNA VET“ d.o.o. Zenica, koji se bavi trgovinom za potrebe zdravlja životinja, sigurnosti hrane i poljoprivredne proizvodnje, u iznosu od 10.000,00 KM (slovima: deset hiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu ISO 9001:2000.

**Član 2.
(Ekonomski kod)**

Odobrena sredstva iz člana 1. ove odluke isplatit će se na osnovu Odluke o privremenom financiranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

**Član 3.
(Provođenje Odluke)**

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

**Član 4.
(Stupanje na snagu)**

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-6703/09

PREMIJER

Datum, 03.03.2009. godine

Zenica

Miralem Galijašević, s.r.

.....

93.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U**o određivanju potpisnika naloga platnih transakcija putem donatorskog podračuna u okviru JRT, za Osnovnu specijalnu školu za 2009. godinu****Član 1.
(Potpisnici)**

Vlada Zeničko-dobojskog kantona za potpisnike naloga platnih transakcija putem donatorskog podračuna u okviru JRT, za Osnovnu specijalnu školu, otvorenog kod IKB D.D. Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Josipa Martića, ministra Ministarstva za rad, socijalnu politiku i izbjeglice.

**Član 2.
(Zamjenici potpisnika)**

Za zamjenike potpisnika naloga platnih transakcija putem donatorskog podračuna iz člana 1. ove odluke, određuju se:

1. Nada Delibašić, pomoćnik ministra za Trezor u Ministarstvu finansija
2. Munir Babić, stručni savjetnik za socijalnu i porodičnu zaštitu i CŽR u Ministarstvu za rad, socijalnu politiku i izbjeglice.

**Član 3.
(Stavljanje van snage)**

Donošenjem ove odluke stavlja se van snage Odluka o određivanju potpisnika naloga platnih transakcija putem donatorskog podračuna u okviru JRT za Osnovnu specijalnu školu („Službene novine Zeničko-dobojskog kantona“, broj 3/08).

**Član 4.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

kantona“, a primjenjuje se od 01.01.2009. godine.

3/08).

Broj: 02-34-7417/09

PREMIJER

Datum, 13.03.2009. godine

Zenica

Miralem Galijašević, s.r.
.....

94.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U

o određivanju potpisnika naloga platnih transakcija sa transakcijskog računa otvorenog kod ABS Banke D.D. Sarajevo za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga platnih transakcija sa transakcijskog računa otvorenog kod ABS Banke DD Sarajevo, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline.

Član 2. (Zamjenici potpisnika)

Za zamjenike potpisnika naloga platnih transakcija putem depozitnog i transakcijskog računa iz člana 1. ove odluke, određuju se:

1. Fahrudin Omerhodžić, ministar Ministarstva za privredu
2. Nada Delibašić, pomoćnik ministra za Trezor u Ministarstvu finansija.

Član 3. (Stavljanje van snage)

Donošenjem ove odluke stavlja se van snage Odluka o određivanju potpisnika naloga platnih transakcija sa transakcijskog računa otvorenog kod ABS Banke DD Sarajevo („Službene novine Zeničko-dobojskog kantona“, broj

Član 4. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-34-7418/09

PREMIJER

Datum, 13.03.2009. godine

Zenica

Miralem Galijašević, s.r.
.....

95.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U
o određivanju potpisnika naloga platnih transakcija putem depozitnog i transakcijskog računa otvorenog kod IKB D.D. Zenica za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga platnih transakcija putem depozitnog i transakcijskog računa otvorenog kod IKB D.D. Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline.

Član 2. (Zamjenici potpisnika)

Za zamjenike potpisnika naloga platnih transakcija putem depozitnog i transakcijskog računa iz člana 1. ove odluke, određuju se:

1. Fahrudin Omerhodžić, ministar Ministarstva za privredu
2. Nada Delibašić, pomoćnik ministra za Trezor u Ministarstvu finansija.

Član 3. (Stavljanje van snage)

Donošenjem ove odluke stavlja se van snage Odluka o potpisnicima naloga platnih transakcija putem depozitnog i transakcijskog računa otvorenog kod IKB D.D. Zenica ("Službene novine Zeničko-dobojskog kantona", broj 3/08).

Član 4. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-34-7419/09
Datum, 13.03.2009. godine
Zenica

PREMIJER
Miralem Galijašević, s.r.

96.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija putem deviznog računa za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga platnih transakcija putem deviznog računa otvorenog kod IKB D.D. Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline.

Član 2. (Zamjenici potpisnika)

Za zamjenike potpisnika naloga platnih transakcija putem deviznog računa iz člana 1. ove odluke, određuju se:

1. Fahrudin Omerhodžić, ministar Ministarstva za privredu
2. Nada Delibašić, pomoćnik ministra za Trezor u Ministarstvu finansija.

Član 3. (Stavljanje van snage)

Donošenjem ove odluke stavlja se van snage Odluka o potpisnicima naloga platnih transakcija putem deviznog računa otvorenog kod IKB DD Zenica ("Službene novine Zeničko – dobojskog kantona", broj 3/08).

Član 4. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-34-7420/09
Datum, 13.03.2009. godine
Zenica

PREMIJER
Miralem Galijašević, s.r.

97.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija sa transakcijskog računa otvorenog kod Union banke D.D. Sarajevo za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga platnih transakcija sa transakcijskog računa otvorenog kod Union banke D.D. Sarajevo, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline.

Član 2. (Zamjenici potpisnika)

Za zamjenike potpisnika naloga platnih transakcija putem depozitnog i transakcijskog računa iz člana 1. ove odluke, određuju se:

1. Fahrudin Omerhodžić, ministar Ministarstva za privredu
2. Nada Delibašić, pomoćnik ministra za Trezor u Ministarstvu finansija.

Član 3. (Stavljanje van snage)

Donošenjem ove odluke stavlja se van snage Odluka o određivanju potpisnika za transakcijski račun otvoren kod Union banke DD Sarajevo („Službene novine Zeničko-dobojskog kantona“, broj 3/08).

Član 4. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-34-7421/09
Datum, 13.03.2009. godine
Zenica
.....
PREMIJER
Miralem Galijašević, s.r.

98.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Odluke o načinu depozitiranja i korištenja novčanih sredstava ostvarenih prodajom preduzeća i banaka na teritoriji Federacije Bosne i Hercegovine („Službene novine Federacije BiH“, broj 74/04), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija sa „posebnog ESCROW transakcijskog računa“ za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga

platnih transakcija sa «posebnog ESCROW transakcijskog računa» otvorenog kod IKB DD Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline
4. Nadu Delibašić, pomoćnika ministra za Trezor u Ministarstvu finansija.

Član 2. (Stavljanje van snage)

Donošenjem ove odluke stavlja se van snage Odluka o određivanju potpisnika naloga platnih transakcija sa „posebnog ESCROW transakcijskog računa“ („Službene novine Zeničko-dobojskog kantona“, broj 3/08).

Član 3. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-34-7422/09
Datum, 13.03.2009. godine
Zenica
.....
PREMIJER
Miralem Galijašević, s.r.

99.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine Federacije BiH“, broj 46/05), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija sa posebnog transakcijskog računa-sredstva ostvarena po osnovu posebnog poreza na zaštitu od prirodnih i drugih nesreća za 2009. godinu

Član 1. (Potpisnici)

Vlada Zeničko-dobojskog kantona za potpisnike nalo-

ga platnih transakcija sa posebnog transakcijskog računa-sredstva ostvarena po osnovu posebnog poreza na zaštitu od prirodnih i drugih nesreća otvorenog kod IKB DD Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline
4. Seada Džanovića, direktora Kantonalne uprave civilne zaštite.

Član 2. (Stavljanje van snage)

Donošenjem ove odluke stavlja se van snage Odluka o određivanju potpisnika naloga platnih transakcija sa posebnog transakcijskog računa-sredstva ostvarena po osnovu posebnog poreza na zaštitu od prirodnih i drugih nesreća („Službene novine Zeničko-dobojskog kantona“, broj 3/08).

Član 3. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-14-7423/09 **PREMIJER**
Datum, 13.03.2009. godine
Zenica **Miralem Galijašević, s.r.**
.....

100.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija sa računa blagajničko poslovanje budžetskih korisnika otvorenog kod IKB DD Zenica za 2009. godinu

Član 1. (Potpisnici)

Vlada Zeničko-dobojskog kantona za potpisnike nalo-

ga platnih transakcija sa računa blagajničko poslovanje budžetskih korisnika otvorenog kod IKB DD Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nadu Delibašić, pomoćnika ministra za Trezor u Ministarstvu finansija.

Član 2. (Stavljanje van snage)

Donošenjem ove odluke stavlja se van snage Odluka o određivanju potpisnika naloga platnih transakcija sa računa blagajničko poslovanje budžetskih korisnika („Službene novine Zeničko-dobojskog kantona“, broj 3/08).

Član 3. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-14-7424/09 **PREMIJER**
Datum, 13.03.2009. godine
Zenica **Miralem Galijašević, s.r.**
.....

101.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o određivanju potpisnika naloga platnih transakcija sa podračuna za Centralizovani obračun i isplatu plaća za 2009. godinu

Član 1. (Potpisnici)

Vlada Zeničko-dobojskog kantona za potpisnike naloga platnih transakcija sa podračuna za centralizovani obračun i isplatu plaća otvorenog kod IKB DD Zenica, određuje:

1. Miralema Galijaševića, premijera Kantona
2. Mirsada Šaranovića, ministra Ministarstva finansija
3. Nermina Mandru, ministra Ministarstva za prostorno uređenje, promet i komunikacije i zaštitu okoline.

Član 2. (Zamjenici potpisnika)

Za zamjenike potpisnika naloga platnih transakcija putem depozitnog i transakcijskog računa iz člana 1. ove odluke, određuju se:

1. Fahrudin Omerhodžić, ministar Ministarstva za privredu
2. Nada Delibašić, pomoćnik ministra za Trezor u Ministarstvu finansija.

Član 3. (Stavljanje van snage)

Donošenjem ove odluke stavlja se van snage Odluka o određivanju potpisnika naloga platnih transakcija sa računa blagajničko poslovanje budžetskih korisnika („Službene novine Zeničko-dobojskog kantona“, broj 3/08).

Član 4. (Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-14-7425/09
Datum, 13.03.2009. godine
Zenica

PREMIJER

Miralem Galijašević, s.r.
.....

102.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o odobravanju sredstava udruženju „Humanost – societas humanitatis“ Zenica za implementaciju projekta „Dnevni centar za djecu sa posebnim potrebama“ u Maglaju

Član 1. (Predmet)

Odobravaju se sredstva Udruženju „Humanost-societas humanitatis“ Zenica, kao implementatoru projekta: „Dnevni centar za djecu sa posebnim potrebama“ u Maglaju, u iznosu od 11.253,85 KM (slovima: jedanaesthi-

ljadadvijestotinepedesettri konvertibilne marke i 85/100) kao učesće Zeničko-dobojskog kantona u implementaciji Projekta „Dnevni centar za djecu sa posebnim potrebama“ u Maglaju za mart 2009. godine, na koji je Vlada kantona dala saglasnost svojim Zaključkom broj: 02-35-20662 od 27.09.2006. godine.

Član 2. (Analitička konta)

- (1) Sredstva iz člana 1. ove odluke isplatit će se iz sredstava utvrđenih Odlukom o privremenom finansiranju Zeničko-dobojskog kantona za period januar-mart 2009. godine (Službene novine Zeničko-dobojskog kantona“, broj: 16/08) razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».
- (2) Sredstva će biti uplaćena na račun Udruženja broj: 134 010 0000244657 otvoren kod IK banke Zenica.
- (3) Sredstva iz člana 1. ove odluke doznačit će se udruženju „Humanost-societas humanitatis“ do 31.03.2009. godine.

Član 3. (Provođenje odluke)

Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 4. (Izvještavanje)

Udruženje „Humanost-societas humanitatis“ će izvještiti Ministarstvo za rad, socijalnu politiku i izbjeglice o utrošku doznačenih sredstava.

Član 5. (Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-14-7593/09
Datum, 13.03.2009. godine
Zenica

PREMIJER

Miralem Galijašević, s.r.
.....

103.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a u skladu sa Odlukom o privremenom finansiranju Zeničko – dobojskog kantona za period januar – mart 2009. godine („Službene novine Zeničko – dobojskog kantona“, broj: 16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U

o odobravanju finansijskih sredstava Obrtničkoj komori Zeničko-dobojskog kantona

Član 1. (Predmet)

Odobravaju se finansijska sredstva Obrtničkoj komori Zeničko-dobojskog kantona u iznosu od 3.262,50 KM (slovima: trihiljadedvjestotinesešestdvije i 50/100 konvertibilnih maraka), u svrhu izmirenja zakupa poslovnog prostora u Poslovnoj zgradi preduzeća „RMK-Promet“, Zenica, Kučukovići br. 2.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom finansiranju Zeničko-dobojskog kantona za period januar-mart 2009. godine, razdjel 18, budžetska organizacija 01, potošačka jedinica 0001, ekonomski kod 614 500, pozicija „Subvencije preduzećima u privatizaciji i poticaj u industriji“ i bit će obuhvaćeno Programom utroška budžetskih sredstava u 2009. godini - Subvencije preduzećima u privatizaciji i poticaj u industriji.

Član 3. (Provođenje Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Član 4. (Realizacija uplate)

Zadužuje se Obrtnička komora Zeničko-dobojskog kantona da po realizaciji ulate, kopiju uplatnice dostavi Ministarstvu za privredu.

Član 5. (Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-14-7750/09

PREMIJER

Datum, 13.03.2009. godine

Zenica

Miralem Galijašević, s.r.

.....

104.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom financiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U o odobravanju finansijskih sredstava - subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „KRIVAJA METALI“ d.o.o. Zavidovići

Član 1. (Predmet)

Odobravaju se finansijska sredstva privrednom subjektu za proizvodnju i montažu čeličnih konstrukcija „KRIVAJA METALI“ d.o.o.Zavidovići, u iznosu od 15.000,00 KM (slovima: petnaesthiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu EN ISO 9001:2000.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom financiranju Zeničko-dobojskog kantona za period januar-mart 2009. godine,

razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

Član 3. (Provođenje Odluke)

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-7751/09

PREMIJER

Datum, 13.03.2009. godine

Zenica

Miralem Galijašević, s.r.
.....**105.**

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom finaciranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U

o odobravanju finansijskih sredstava - subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „ALGOJA“ d.o.o. Tešanj

Član 1. (Predmet)

Odobravaju se finansijska sredstva privrednom subjek-

tu „ALGOJA“ d.o.o.Tešanj, koji se bavi proizvodnjom vakumske ambalaže,u iznosu od 10.000,00 KM (slovima: desethiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu ISO 9001:2000.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom finaciranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

Član 3. (Provođenje Odluke)

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-7752/09

PREMIJER

Datum, 13.03.2009. godine

Zenica

Miralem Galijašević, s.r.
.....**106.**

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom finaciranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U

**o odobravanju finansijskih sredstava -
subvencioniranje uvođenja i certifikacije
sistema za upravljanje kvalitetom po
međunarodnim standardima privrednom
subjektu „PAK-RAMPART“ d.o.o. Visoko**

**Član 1.
(Predmet)**

Odobravaju se finansijska sredstva privrednom subjektu „PAK-RAMPART“ d.o.o. Visoko, koji se bavi proizvodnjom i prodajom prehrambenih proizvoda i pružanja usluga transporta roba, u iznosu od 10.000,00 KM (slovima: deset hiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu HACCP.

**Član 2.
(Ekonomski kod)**

Odobrena sredstva iz člana 1. ove odluke isplatit će se na osnovu Odluke o privremenom finaciranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

**Član 3.
(Provođenje Odluke)**

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

**Član 4.
(Stupanje na snagu)**

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-7753/09
Datum, 13.03.2009. godine
Zenica

PREMIJER

Miralem Galijašević, s.r.

107.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom finaciranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U

**o odobravanju finansijskih sredstava -
subvencioniranje uvođenja i certifikacije
sistema za upravljanje kvalitetom po
međunarodnim standardima privrednom
subjektu „PAK-RAMPART“ d.o.o. Visoko**

**Član 1.
(Predmet)**

Odobravaju se finansijska sredstva privrednom subjektu „PAK-RAMPART“ d.o.o. Visoko, koji se bavi proizvodnjom i prodajom prehrambenih proizvoda i pružanja usluga transporta roba, u iznosu od 10.000,00 KM (slovima: deset hiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu ISO 9001:2000.

**Član 2.
(Ekonomski kod)**

Odobrena sredstva iz člana 1. ove odluke isplatit će se na osnovu Odluke o privremenom finaciranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

**Član 3.
(Provođenje Odluke)**

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

**Član 4.
(Stupanje na snagu)**

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-7754/09

PREMIJER

Datum, 13.03.2009. godine

Zenica

Miralem Galijašević, s.r.
.....**108.**

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom finaciranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

O D L U K U
o odobravanju finansijskih sredstava -
subvencioniranje uvođenja i certifikacije
sistema za upravljanje kvalitetom po
međunarodnim standardima privrednom
subjektu Industriji građevinskog materijala
„IGM“ d.o.o. Visoko

**Član 1.
(Predmet)**

Odobravaju se finansijska sredstva privrednom subjektu Industriji građevinskog materijala „IGM“ d.o.o. Visoko, koji se bavi proizvodnjom ciglarskih proizvoda u iznosu od 15.000,00 KM (slovima: petnaest hiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu za zaštitu zdravlja i sigurnosti na radu OHSAS 18001:2007.

**Član 2.
(Ekonomski kod)**

Odobrena sredstva iz člana 1. ove odluke isplatit će se na osnovu Odluke o privremenom finaciranju Zeničko-dobojskog kantona za period januar-mart 2009. godine,

razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

**Član 3.
(Provođenje Odluke)**

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

**Član 4.
(Stupanje na snagu)**

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-7755/09

PREMIJER

Datum, 13.03.2009. godine

Zenica

Miralem Galijašević, s.r.
.....**109.**

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), Vlada Zeničko-dobojskog kantona, na 114. sjednici, održanoj 18.03.2009. godine, d o n o s i

O D L U K U
o odobravanju pomoći intervenirajućeg
karaktera nastradalim rudarima u rudniku
Zenica, pogon Stranjani, povodom rudarske
nesreće koja se desila 14.03.2009. godine

**Član 1.
(Predmet)**

Odobravaju se sredstva u ukupnom iznosu od 17.000,00 KM (slovima: sedamnaest hiljada konvertibilnih maraka) kao pomoć intervenirajućeg karaktera za obitelj poginulog rudara i povrijeđene rudare „Rudnika mrkog uglja Zenica“, pogon Stranjani koji su nastradali u rudarskoj nesreći, koja se desila 14.03.2009. godine.

**Član 2.
(Način isplate)**

Sredstva iz člana 1. ove odluke isplatit će se na način

kako sljede:

- Babić Almi, supruzi poginulog Babić Almira u iznosu od 3.000,00 KM,
- a za ostale nastradale rudare: Arnautović Nusreta, Dizdarević Mehmeda, Halilović Ejuba, Ridžić Naima, Ibrahimagić Senada, Posavljak Nasera, Dizdarević Sedina, Luković Mirzeta, Kobić Semira, Ridžić Derviša, Adilović Hazima, Dilaver Elvira, Fetić Ahmedina i Babić Mevludina u iznosu od po 1.000,00 KM.

Član 3. (Analitička konta)

Sredstva iz člana 1. ove odluke isplatit će se na pojedinačne račune imenovanih, iz sredstava utvrđenih Odlukom o privremenom finansiranju Zeničko-dobojskog kantona za period januar – mart 2009. godine (Službene novine Zeničko-dobojskog kantona”, broj: 16/08) razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

Član 4. (Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

Član 5. (Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-14-7340/09
Datum, 18.03.2009. godine
Zenica

PREMIJER

Miralem Galijašević, s.r.

.....

110.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Zaključka Vlade Kantona o usvajanju Postupka i kriterija za odobravanje i dodjelu sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima, broj: 02-14-10132/08 od 12.03.2008. godine, a u skladu sa Odlukom o privremenom finansiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj:16/08), Vlada Zeničko-dobojskog kantona, na 114. sjednici, održanoj 18.03.2009. godine, d o n o s i

O D L U K U

o odobravanju finansijskih sredstava - subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „METEORTEX“ d.o.o. Kakanj,

Član 1. (Predmet)

Odobravaju se finansijska sredstva privrednom subjektu „METEORTEX“ d.o.o. Kakanj, koji se bavi proizvodnjom i prodajom modne konfekcije u iznosu od 10.000,00 KM (slovima: desesthiljada konvertibilnih maraka), na ime subvencija uvođenja i certifikacije sistema za upravljanje kvalitetom po međunarodnom standardu NEN-EN-ISO 9001:2000.

Član 2. (Ekonomski kod)

Odobrena sredstva iz člana 1. ove odluke isplatit će se na osnovu Odluke o privremenom finansiranju Zeničko-dobojskog kantona za period januar-mart 2009. godine, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije poduzećima u privatizaciji i poticaj u industriji“ i bit će obuhvaćena Programom utroška budžetskih sredstava u 2009. godini-Subvencije poduzećima u privatizaciji i poticaj u industriji.

Član 3. (Provođenje Odluke)

Za realizaciju ove odluke zadužuje se Ministarstvo za privredu i Ministarstvo finansija, svako u okviru svoje nadležnosti.

Član 4. (Stupanje na snagu)

Odluka stupa na snagu narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-8072/09
Datum, 18.03.2009. godine
Zenica

PREMIJER

Miralem Galijašević, s.r.

.....

111.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05. i 4/06.), Vlada Zeničko-dobojskog kantona, na 115. sjednici, održanoj 30.03.2009. godine, d o n o s i

O D L U K A

o odobravanju sredstava zaposlenicima Samostalnog sindikata šumarstva, prerade drveta i papira BiH, Sindikalna podružnica ŠIP „Stupčanica“ Olovo

Član 1.

(Predmet Odluke)

Odobravaju se sredstva zaposlenicima Samostalnog sindikata šumarstva, prerade drveta i papira BiH, Sindikalna podružnica ŠIP „Stupčanica“ Olovo, u ukupnom iznosu od 51.900,00 KM (slovima: pedesetjednahiljadadevetstina konvertibilnih maraka) kao pomoć socijalno zaštitnog karaktera a u funkciji pokretanja proizvodnje u ŠIP „Stupčanica“.

Član 2.

(Način isplate)

Sredstva odobrene pomoći iz člana 1. ove Odluke doznačit će se Samostalnom sindikatu šumarstva, prerade drveta i papira BiH, Sindikalna podružnica ŠIP „Stupčanica“ Olovo, putem kojeg će se isplatiti pomoć za 173 zaposlenika u iznosu od po 300,00 KM po zaposleniku, prema spisku koji je sastavni dio ove Odluke.

Član 3.

(Analitička konta)

- (1) Sredstva iz člana 1. ove Odluke isplatit će se u skladu sa Odlukom o privremenom finansiranju Zeničko-dobojskog kantona za period januar-mart 2009. godine („Službene novine Zeničko-dobojskog kantona“, broj: 16/08 od 15.12.2008. godine) razdjel 20, ekonomski kod 614200, KAD 207, pozicija budžeta „Ostali socijalni transferi“.
- (2) Sredstva uplatiti na račun broj: 338-900-22062019-60 otvoren kod UniCredit banke Olovo.

Član 4.

(Način pravdanja)

Zadužuje se Samostalni sindikat šumarstva, prerade drveta i papira BiH, Sindikalna podružnica ŠIP „Stupčanica“

Olovo da podnese izvještaj o namjenskom utrošku odobrenih sredstava iz člana 1. ove Odluke.

Član 5.

(Provođenje Odluke)

Za realizaciju ove Odluke zadužuje se Ministarstvo za rad, socijalnu politiku i izbjeglice, Ministarstvo finansija i Samostalni sindikat šumarstva, prerade drveta i papira BiH, Sindikalna podružnica ŠIP „Stupčanica“ Olovo, svako u okviru svojih nadležnosti.

Član 6.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-14-8442/09

PREMIJER

Datum, 30.03.2009. godine

Zenica

Miralem Galijašević, s.r.

.....

112.

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj 16/00, 7/05 i 4/06) i člana 2., 3., 4. i 5. Sporazuma o utvrđivanju najniže neto plaće, visine naknade za ishranu za vrijeme rada (topli obrok) i visina naknade za korištenje godišnjeg odmora (regresa) za 2009. godinu, broj: 02-14-5357/09 od 26.02.2009. godine, Vlada Zeničko-dobojskog kantona, na nastavku 116. sjednice, održane 31.03.2009. godine, d o n o s i

O D L U K U

o visini osnovice za obračun plaća zaposlenika u kantonalnim organima državne službe i drugim budžetskim korisnicima Zeničko-dobojskog kantona za 2009. godinu

Član 1.

(Visina osnovice)

Osnovica za obračun plaća (u daljem tekstu: Osnovica) zaposlenika u kantonalnim organima državne službe i drugim budžetskim korisnicima Zeničko-dobojskog kantona za period januar-juni 2009. godine iznosi 414,00 KM (slovima: četiristotinečetnaest konvertibilnih maraka).

Osnovica za period juli-decembar 2009. godine će se

Službenim osobama Jedinice za podršku Ministarstva unutrašnjih poslova Zeničko-dobojskog kantona, pored naknade za topli obrok iz stava 1. ovog člana, pripada i dodatna naknada za pojačanu ishranu u iznosu od 5,00 KM po radnom danu.

Naknada iz člana 1. stav 1. ove odluke ne odnosi se na sudije, tužioce i stručne saradnike iz člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije Bosne i Hercegovine“, broj 72/05).

Za realizaciju ove odluke zadužuje se Ministarstvo finansija Zeničko-dobojskog kantona.

Odluka stupa na snagu danom donošenja i objavit će se u „Službenim novinama Zeničko-dobojskog kantona“, a primjenjuje se od 01.01.2009. godine.

Broj: 02-14-8631/09
Datum, 31.03.2009. godine
Zenica

PREMIJER
Miralem Galijašević, s.r.

Na osnovu člana 111. Zakona o radu (“Službene novine Federacije Bosne i Hercegovine”, broj: 43/99, 32/00, 29/03), a nakon obavljenih pregovora, uvažavajući ukupne ekonomske i socijalne prilike u Zeničko-dobojskom kantonu, kao i stanje u Budžetu Zeničko-dobojskog kantona, poštujući i uvažavajući međusobno povjerenje, uvažavanje i razumijevanje

1. VLADA ZENIČKO-DOBOJSKOG KANTONA, s jedne strane, kao predstavnik poslodavaca,
- i
- 2.1. SAVEZ SAMOSTALNIH SINDIKATA BIH - KANTONALNI ODBOR ZENIČKO-DOBOJSKOG KANTONA,
- 2.2. KANTONALNI ODBOR SINDIKATA DRŽAVNIH

Visina naknade za topli obrok zaposlenika u kantonal-

ORGANA I SUDSKE VLASTI

- 2.3.SAMOSTALNI SINDIKAT OSNOVNOG OBRAZOVANJA I ODGOJA - KANTONALNI ODBOR ZENIČKO-DOBOJSKOG KANTONA,
- 2.4.SINDIKAT SREDNJEG I VISOKOG OBRAZOVANJA, ODGOJA, NAUKE I KULTURE BiH - KANTONALNI ODBOR ZENIČKO-DOBOJSKOG KANTONA,
- 2.5.SINDIKAT POLICIJE ZENIČKO-DOBOJSKOG KANTONA,

s druge strane, kao predstavnik zaposlenika, zaključili su

SPORAZUM

o utvrđivanju visine najniže neto plaće, visine naknade za ishranu za vrijeme rada (topli obrok) i visine naknade za korištenje godišnjeg odmora (regresa) za 2009. godinu

I OPĆE ODREDBE**Član 1.**

Ovim sporazumom uređuje se visina najniže neto plaće, visina naknade za ishranu za vrijeme rada (topli obrok) i visina naknade za korištenje godišnjeg odmora (regresa) za 2009. godinu, državnih službenika, namještenika i policijskih službenika zaposlenih u kantonalnim organima uprave, stručnim i drugim službama organa zakonodavne vlasti, organa izvršne vlasti, organa sudske vlasti, Tužilaštvu, Pravobranilaštvu, Ministarstvu unutrašnjih poslova, osnovnom obrazovanju, srednjem obrazovanju (u daljem tekstu: zaposlenici) i svih zaposlenika u javnim ustanovama koje se finansiraju iz Budžeta Zeničko-dobojskog kantona.

II PLAĆA**Član 2.**

Najniža neto plaća zaposlenika iz člana 1. ovog sporazuma za period januar-juni 2009. godinu je 55% prosječne neto plaće isplaćene u Federaciji Bosne i Hercegovine u 2008. godini i iznosi 414,00 KM, a za period juli-decembar 2009. godine će zavisi od ostvarenog čistog prihoda (indirektni porezi i direktni porez) u Budžetu Zeničko-dobojskog kantona za period januar-juni 2009. godine u odnosu na isti period 2008. godine.

Član 3.

Najniža neto plaća je osnovica za obračun osnovne plaće zaposlenika iz člana 1. ovog sporazuma.

Član 4.

Osnovna plaća zaposlenika za 2009. godinu utvrđuje se množenjem postojećeg koeficijenta platnog razreda, odnosno grupacije poslova u kojoj je razvrstan s osnovicom za plaću iz člana 2. ovog sporazuma.

Član 5.

Potpisnici sporazuma su saglasni da ukoliko čisti prihod (indirektni porezi i direktni porez) u Budžetu Zeničko-dobojskog kantona za period januar-juni 2009. godine u odnosu na ostvareni čisti prihod u Budžetu Zeničko-dobojskog kantona za period januar-juni 2008. godini, bude:

- do 5%, najniža neto plaća će se zadržati na nivou najniže neto plaće iz člana 2. ovog sporazuma,
- veći od 5%, pristupit će se pregovorima o povećanju visine najniže neto plaće za period juli-decembar 2009. godine sa ciljem da se po mogućnosti do kraja 2009. godine dostigne 60% prosječne neto plaće u Federaciji Bosne i Hercegovine u 2008. godini,
- manji, pristupit će se pregovorima o smanjenju visine najniže neto plaće za period juli-decembar 2009. godine.

III NAKNADE**1. Naknada za ishranu****Član 6.**

Zaposlenik ima pravo na naknadu za ishranu za vrijeme rada (topli obrok) za 2009. godinu u iznosu od 10,00 KM za dan prisustva na poslu.

2. Naknada za godišnji odmor**Član 7.**

Zaposlenik ima pravo na naknadu za godišnji odmor (regres) za 2009. godinu u visini od 500,00 KM.

IV ZAVRŠNE ODREDBE**Član 8.**

Potpisnici ovog sporazuma utvrđuju da se u dijelu plaća, toplog obroka i regresa neće primjenjivati granski kolektivni ugovori za period važenja ovog sporazuma.

Član 9.

Predstavnici zaposlenika obavezuju se da će se aktivno uključiti u proces iznalaženja rješenja po podnesenim tuž-

bama zaposlenika.

Član 10.

Ovaj sporazum stupa na snagu danom potpisivanja, a primjenjivat će se od 01.01. 2009. godinu.

Član 11.

Ovaj sporazum obaviti će se u „Službenim novinama Zeničko-dobojskog kantona“.

Broj: 02-14-5357/09

Datum, 26.02.2009. godine

Zenica

ZA VLADU ZENIČKO-DOBOJSKOG KANTONA
PREMIJER

Miralem Galijašević, s.r.

ZA SAVEZ SAMOSTALNIH SINDIKATA BIH
KANTONALNI ODBOR ZENIČKO-DOBOJSKOG
KANTONA
PREDSJEDNIK

Mirnes Isaković, s.r.

ZA SINDIKAT DRŽAVNIH ORGANA I SUDSKE
VLASTI
PREDSJEDNIK

Esad Grahić, s.r.

ZA SAMOSTALNI SINDIKAT OSNOVNOG
OBRAZOVANJA I ODGOJA – KANTONALNI
ODBOR ZENIČKO DOBOJSKOG KANTONA
PREDSJEDNIK

Selvedin Šatorović, s.r.

ZA SINDIKAT SREDNJEG I VISOKOG
OBRAZOVANJA, ODGOJA, NAUKE I
KULTURE BIH - KANTONALNI ODBOR
ZENIČKO-DOBOJSKOG KANTONA
PREDSJEDNIK

Dževad Hadžić, s.r.

ZA SINDIKAT POLICIJE ZENIČKO-
DOBOJSKOG KANTONA,
PREDSJEDNIK

Elvedin Mioč, s.r.

115.

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), Vlada Zeničko-dobojskog kantona, na 112. sjednici, održanoj 03.03.2009. godine, donosi

RJEŠENJE

**o razrješenju predsjednika i članova
Upravnog odbora Javne ustanove Kantonalni
zavod za javno zdravstvo Zenica**

I.

Razrješavaju se dužnosti predsjednik i članovi Upravnog odbora Javne ustanove Kantonalni zavod za javno zdravstvo Zenica i to:

1. Željka Sekulić – Marković, predsjednik,
2. Smajil Durmišević, član,
3. Mustafa Leto, član i
4. Aida Pojskić, član,
5. Senad Buro, član.

II.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-6075/09

Datum, 03.03.2009. godine

Zenica

PREMIJER

Miralem Galijašević, s.r.

116.

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 34/03) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), Vlada Zeničko-dobojskog kantona, na 112. sjednici, održanoj 03.03.2009. godine, donosi

kantona”, broj 16/00, 7/05 i 4/06), a nakon provedenog postupka po Oglasu za popunu upražnjenih pozicija u Upravnom odboru Javne ustanove Kantonalni zavod za javno zdravstvo Zenica, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

o konačnom imenovanju predsjednika i članova Upravnog odbora Javne ustanove Kantonalni zavod za javno zdravstvo Zenica

I.

Za predsjednika i članove Upravnog odbora Javne ustanove Kantonalni zavod za javno zdravstvo Zenica, na mandatni period od četiri godine, imenuju se:

1. Alma Petrušić-Kafedžić, predsjednik,
2. Mustafa Leto, član,
3. Vahida Salkić, član,
4. Muhedin Pojskić, član,
5. Salih Tandir, član.

II.

Rješenje stupa na snagu danom donošenja i objavit će se u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

Broj: 02-34-6076/09

PREMIJER

Datum, 03.03.2009. godine

Zenica

Miralem Galijašević, s.r.

.....

117.

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

o razrješenju predsjednika i članova Upravnog odbora Javne ustanove Kantonalni zavod za medicinu rada Zenica

I.

Razrješavaju se dužnosti predsjednik i članovi Uprav-

nog odbora Javne ustanove Kantonalni zavod za medicinu rada Zenica i to:

1. Senad Huseinagić, predsjednik,
2. Raif Kavaz, član,
3. Belma Pojskić, član,
4. Fahrudin Filipović, član i
5. Josip Bašić, član.

II.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-6078/09

PREMIJER

Datum, 03.03.2009. godine

Zenica

Miralem Galijašević, s.r.

.....

118.

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 34/03) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a nakon provedenog postupka po Oglasu za popunu upražnjenih pozicija u Upravnom odboru Javne ustanove Kantonalni zavod za medicinu rada Zenica, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

o konačnom imenovanju predsjednika i članova Upravnog odbora Javne ustanove Kantonalni zavod za medicinu rada Zenica

I.

Za predsjednika i članove Upravnog odbora Javne ustanove Kantonalni zavod za medicinu rada Zenica, na mandatni period od četiri godine, imenuju se:

1. Ibrahim Aličković, predsjednik,
2. Josip Bašić, član,
3. Uma Isić, član,
4. Ankica Vinovčić, član,
5. Muris Karić, član.

II.

Rješenje stupa na snagu danom donošenja i objavit će

se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-34-6077/09

PREMIJER

Datum, 03.03.2009. godine

Zenica

Miralem Galijašević, s.r.

119.

Na osnovu člana 101. Zakona o zdravstvenom osiguranju («Službene novine Federacije Bosne i Hercegovine», broj 30/97, 7/02 i 70/08) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

**o razrješenju predsjednika i članova
Upravnog odbora Javne ustanove Zavod
zdravstvenog osiguranja Zeničko-dobojskog
kantona**

I.

Razrješavaju se dužnosti predsjednik i članovi Upravnog odbora Javne ustanove Zavod zdravstvenog osiguranja Zeničko-dobojskog kantona i to:

1. Ismić Mejrema, predsjednik,
2. Mirjana Dimitrijević, član,
3. Nihad Pašalić, član,
4. Kanita Mutapčić, član,
5. Adem Hadžić, član,
6. Enver Bektaš, član,
7. Indira Mundžić, član,
8. Sead Hafizović, član i
9. Bekir Karčić, član.

II.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-6080/09

PREMIJER

Datum, 03.03.2009. godine

Zenica

Miralem Galijašević, s.r.

120.

Na osnovu člana 101. Zakona o zdravstvenom osiguranju («Službene novine Federacije Bosne i Hercegovine», broj 30/97, 7/02 i 70/08), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 34/03) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a nakon provedenog postupka po Oglasu za popunu upražnjenih pozicija u Upravnom odboru Javne ustanove Zavod zdravstvenog osiguranja Zeničko-dobojskog kantona, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

**o konačnom imenovanju predsjednika i
članova Upravnog odbora Javne ustanove
Zavod zdravstvenog osiguranja Zeničko-
dobojskog kantona**

I.

Za predsjednika i članove Upravnog odbora Javne ustanove Zavod zdravstvenog osiguranja Zeničko-dobojskog kantona, na mandatni period od četiri godine, imenuju se:

1. Faruk Fakić, predsjednik,
2. Emir Fejzović, član,
3. Indira Mundžić, član,
4. Adem Hadžić, član,
5. Vinko Anić, član,
6. Safet Dervišević, član,
7. Rusmir Hrvić, član,
8. Salem Alajbegović, član,
9. Saša Domuz, član.

II.

Rješenje stupa na snagu danom donošenja i objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-34-6079/09

PREMIJER

Datum, 03.03.2009. godine

Zenica

Miralem Galijašević, s.r.

121.

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

**o razrješenju predsjednika i članova
Upravnog odbora Javne ustanove Kantonalna
bolnica Zenica**

I.

Razrješavaju se dužnosti predsjednik i članovi Upravnog odbora Javne ustanove Kantonalna bolnica Zenica i to:

1. Ivica Dujmović, predsjednik,
2. Muharem Pidro, član,
3. Suada Koljenović, član,
4. Miralem Musić, član i
5. Mersija Kasumović, član.

II.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-6082/09

PREMIJER

Datum, 03.03.2009. godine

Zenica

Miralem Galijašević, s.r.**122.**

Na osnovu člana 50. stav 8. Zakona o zdravstvenoj zaštiti («Službene novine Federacije Bosne i Hercegovine», broj 29/97), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj 34/03) i člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a nakon provedenog postupka po Oglasu za popunu upražnjenih pozicija u Upravnom odboru Javne ustanove Kantonalna bolnica Zenica, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

**o konačnom imenovanju predsjednika i
članova Upravnog odbora Javne ustanove
Kantonalna bolnica Zenica**

I.

Za predsjednika i članove Upravnog odbora Javne ustanove Kantonalna bolnica Zenica, na mandatni period od četiri godine, imenuju se:

1. Semir Hamzić, predsjednik,
2. Sabina Ćosić, član,
3. Muharem Pidro, član,
4. Ivica Dujmović, član,
5. Miralem Musić, član.

II.

Rješenje stupa na snagu danom donošenja i objavit će se u „Službenim novinama Zeničko-dobojskog kantona” i „Službenim novinama Federacije Bosne i Hercegovine”.

Broj: 02-34-6081/09

PREMIJER

Datum, 03.03.2009. godine

Zenica

Miralem Galijašević, s.r.

.....

123.

Na osnovu člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06) a u skladu sa članom 26. Zakona o ustanovama («Službeni list R BiH», broj: 6/92, 8/93, i 13/94), u vezi sa članom 83. stav 2. Zakona o osnovnoj školi («Službene novine Zeničko-dobojskog kantona», broj: 5/04 i 20/07), Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

**o razrješenju članova Školskog odbora
Osnovne škole “Vladimir Nazor”, Zenica**

I.

Razrješavaju se članstva u Školskom odboru Osnovne škole “Vladimir Nazor”, Zenica:

- Varupa Mirnes – član, iz reda nastavnika, na prijedlog N stavničkog vijeća,
- Pajvan Sanela – član, iz reda nastavnika, na lični zahtjev,
- Begović Melisa – član iz reda roditelja, na lični zahtjev.

II.

Rješenje stupa na snagu danom donošenja, a objavit će se u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

Broj: 02-38-6953/09

PREMIJER

Datum, 03.03.2009. godine

Zenica

Miralem Galijašević, s.r.**124.**

Na osnovu člana 16. stav 3. Zakona o Vladi Zeničko-dobojskog kantona (“Službene novine Zeničko-dobojskog kantona”, broj: 16/00, 7/05 i 4/06), i člana 25. Zakona o ustanovama (“Službeni list R BiH”, broj: 6/92, 8/93, i 13/94), kao i članom 83. stav 2. Zakona o osnovnoj školi (“Službene novine Zeničko-dobojskog kantona”, broj: 05/04 i 20/07), nakon provedenog postupka izbora od strane Vijeće roditelja, odnosno Nastavničkog vijeća Osnovne škole „Vladimir Nazor”, Zenica za imenovanje u Školski odbor članova iz reda roditelja, odnosno nastavnika, stručnih saradnika i osoblja škole, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

o konačnom imenovanju članova Školskog odbora Osnovne škole “Vladimir Nazor”, Zenica

I.

Imenuju se članovi Školskog odbora Osnovne škole “Vladimir Nazor” u Zenici, na period do isteka mandata Školskog odbora:

- Cicmil Ljiljana – član iz reda nastavnika,
- Spahić Naja – član iz reda nastavnika,
- Baručija Sedin – član iz reda roditelja.

II.

Rješenje stupa na snagu danom donošenja, a objavit će se u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

Broj: 02-38-6954/09

PREMIJER

Datum, 03.03.2009. godine

Zenica

Miralem Galijašević, s.r.**125.**

Na osnovu člana 16. stav 3. Zakona o Vladi Zeničko-dobojskog kantona (“Službene novine Zeničko-dobojskog kantona”, broj: 16/00, 7/05 i 4/06) a u skladu sa članom 26. Zakona o ustanovama (“Službeni list R BiH”, broj: 6/92, 8/93, i 13/94), u vezi sa članom 83. stav 2. Zakona o osnovnoj školi (“Službene novine Zeničko-dobojskog kantona”, broj: 5/04 i 20/07), Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E

o razrješenju člana Školskog odbora Osnovne škole “Skender Kulenović”, Zenica

I.

Razrješava se članstva u Školskom odboru Osnovne škole “Skender Kulenović”, Zenica:

- Babić Amra – član iz reda nastavnika, stručnih saradnika i osoblja Škole, na lični zahtjev.

II.

Rješenje stupa na snagu narednog dana od dana objavljivanja u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

Broj: 02-38-6955/09

PREMIJER

Datum, 03.03.2009. godine

Zenica

Miralem Galijašević, s.r.**126.**

Na osnovu člana 16. stav 3. Zakona o Vladi Zeničko-dobojskog kantona (“Službene novine Zeničko-dobojskog kantona”, broj: 16/00, 7/05 i 4/06), i člana 25. Zakona o ustanovama (“Službeni list R BiH”, broj: 6/92, 8/93, i 13/94), kao i članom 83. stav 2. Zakona o osnovnoj školi (“Službene novine Zeničko-dobojskog kantona”, broj: 05/04 i 20/07), nakon provedenog postupka izbora od strane Nastavničkog vijeća Osnovne škole „Skender Kulenović”, Zenica za imenovanje u Školski odbor člana iz nastavnika, stručnih saradnika i osoblja škole, Vlada Zeničko-dobojskog kantona, na 112. sjednici, održanoj 03.03.2009. godine, donosi

R J E Š E N J E**o konačnom imenovanju člana Školskog odbora Osnovne škole "Skender Kulenović", Zenica****I.**

Imenuje se član Školskog odbora Osnovne škole "Skender Kulenović" u Zenici, na period do isteka mandata Školskog odbora:

- Mehanović-Piljug Alma – član iz reda nastavnika, stručnih saradnika i osoblja škole.

II.

Rješenje stupa na snagu narednog dana od dana objavljivanja u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-6956/09

PREMIJER

Datum, 03.03.2009. godine

Zenica

Miralem Galijašević, s.r.**127.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06) a u skladu sa članom 26. Zakona o ustanovama ("Službeni list R BiH", broj: 6/92, 8/93, i 13/94), u vezi sa članom 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), Vlada Zeničko-dobojskog kantona, na 113. sjednici, održanoj 13.03.2009. godine, donosi

R J E Š E N J E**o razrješenju člana Školskog odbora Gimnazije "Muhsin Rizvić", Kakanj****I.**

Razrješava se članstva u Školskom odboru Gimnazije "Muhsin Rizvić", Kakanj:

- Andrijević Helena, član - iz reda nastavnika, stručnih saradnika i osoblja Škole, na lični zahtjev.

II.

Rješenje stupa na snagu narednog dana od dana objavljivanja u "Službenim novinama Zeničko-dobojskog kan-

tona" i "Službenim novinama Federacije Bosne i Hercegovine".

Broj: 02-38-7748/09

PREMIJER

Datum, 13.03.2009. godine

Zenica

Miralem Galijašević, s.r.**128.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06), i člana 25. Zakona o ustanovama ("Službeni list R BiH", broj: 6/92, 8/93, i 13/94), kao i člana 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), a nakon provedenog postupka izbora od strane Nastavničkog vijeća Gimnazije "Muhsin Rizvić", Kakanj za imenovanje u Školski odbor člana iz reda nastavnika, stručnih saradnika i osoblja škole, Vlada Zeničko-dobojskog kantona, na 113. sjednici, održanoj 13.03.2009. godine, donosi

R J E Š E N J E**o konačnom imenovanju člana Školskog odbora Gimnazije "Muhsin Rizvić", Kakanj****I.**

Imenuje se član Školskog odbora Gimnazije "Muhsin Rizvić", Kakanj, na period do isteka mandata Školskog odbora:

- Kulović Behija, član - iz reda nastavnika, stručnih saradnika i osoblja škole.

II.

Rješenje stupa na snagu narednog dana od dana objavljivanja u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-7747/09

PREMIJER

Datum, 13.03.2009. godine

Zenica

Miralem Galijašević, s.r.**129.**

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a u skladu sa Odlukom

Vlade Zeničko-dobojskog kantona o izradi Strategije razvoja Zeničko-dobojskog kantona, broj: 02-28-28721/08 od 03.09.2008. godine, Vlada Zeničko-dobojskog kantona, na 114. sjednici, održanoj 18.03.2009. godine, d o n o s i

R J E Š E N J E

o izmjeni Rješenja o imenovanju članova Savjeta za praćenje, kontrolu izrade implemetacije Strategije razvoja Zeničko-dobojskog kantona

Član 1.

U Rješenju Vlade Zeničko-dobojskog kantona, broj: 02-28-39333/08 od 18.12.2008. godine o imenovanju članova Savjeta za praćenje, kontrolu izrade i implemetacije Strategije razvoja Zeničko-dobojskog kantona (u daljem tekstu: Savjet), član 2. mijenja se i glasi:

1. Fahrudin Omerhodžić, - predsjednik Savjeta,
2. Amir Abazović, - zamjenik predsjednika Savjeta,
3. Osman Buza, - (Ministarstvo za privredu),
4. Senada Dizdar, - (Ministarstvo za poljoprivredu, vodoprivredu i šumarstvo),
5. Ružica Ezgeta-Jukić, - (Ministarstvo za pravosuđe i upravu),
6. Nada Delibašić, - (Ministarstvo financija),
7. Aida Mujić, - (Ministarstvo unutrašnjih poslova),
8. Zahida Šišić - (Šef Ureda premijera),
9. Akif Smailhodžić, - (Ministarstvo za obrazovanje, nauku, kulturu i sport),
10. Ankica Radić - (Ministarstvo zdravstva),
11. Nađa Mišić, - (Ministarstvo za prostorno uređenje, promet i komunikacije i zaštitu okoline)
12. Sejad Nalić - (Ministarstvo za boračka pitanja).
13. Mirsad Kadić - (Stručna služba Vlade)
14. Jasna Ahmetpahić - (Ured Premijera)
15. Đenana Čolaković - (Biznis servis centar)
16. Veronika Subotić - tehnički sekretar.

Član 2.

Rješenje stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-28-7917/09

PREMIJER

Datum, 18.03.2009. godine

Zenica

Miralem Galijašević, s.r.

.....

130.

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a u vezi sa članom 4. stav (2) Zakona o ministarskim, vladinim i drugim imenovanjima Federacije Bosne i Hercegovine“, („Službene novine F BiH“, broj: 34/03), Vlada Zeničko-dobojskog kantona, na 114. sjednici, održanoj 18.03.2009. godine, d o n o s i

R J E Š E N J E

o privremenom imenovanju predsjednika i članova Nadzornog odbora JU Služba za zapošljavanje Zeničko-dobojskog kantona

Član 1.

Za predsjednika i članove Nadzornog odbora JU Služba za zapošljavanje Zeničko-dobojskog kantona, do okončanja postupka imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine“, („Službene novine Federacije BiH“, broj: 34/03) na period najduže do dva mjeseca, imenuju se:

1. Sarač Emina, predsjednik;
2. Zaimović Jusuf, član;
3. Duraković Jusuf, član.

Član 2.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

Broj: 02-34-7918/09

PREMIJER

Datum, 18.03.2009. godine

Zenica

Miralem Galijašević, s.r.

.....

131.

Na osnovu člana 16. stav 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), a u vezi sa članom 4. stav (2) Zakona o ministarskim, vladinim i drugim imenovanjima Federacije Bosne i Hercegovine“, („Službene novine F BiH“, broj: 34/03), Vlada Zeničko-dobojskog kantona, na 114. sjednici, održanoj 18.03.2009. godine, donosi

R J E Š E N J E**o privremenom imenovanju predsjednika i članova Upravnog odbora JU Služba za zapošljavanje Zeničko-dobojskog kantona****Član 1.**

Za predsjednika i članove Upravnog odbora JU Služba za zapošljavanje Zeničko-dobojskog kantona, do okončanja postupka imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine“ („Službene novine Federacije BiH“, broj: 34/03) na period najduže do dva mjeseca, imenuju se:

1. Ganić Nehru, predsjednik;
2. Maslo Džemal, član;
3. Kolar Bogdan, član;
4. Gračanin Hasan, član iz reda zaposlenih u Službi i
5. Mrkonjić Ivo, član.

Član 2.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

Broj: 02-34-7919/09

PREMIJER

Datum, 18.03.2009. godine

Zenica

Miralem Galijašević, s.r.**MINISTARSTVO ZA PRAVOSUĐE I UPRAVU****132.**

Na osnovu člana 30. stav 5. Zakona o notarima („Službene novine Federacije Bosne i Hercegovine“, broj: 45/02), i člana 16. stav 3. Pravilnika o radu notara („Službene novine Federacije Bosne i Hercegovine“, broj: 61/02), Ministar Ministarstva za pravosuđe i upravu Zeničko-dobojskog kantona, dana 20.02.2009. godine, d o n o s i:

R J E Š E N J E**za početak rada službe notara****I.**

SENADA HUSOMANOVIĆ iz Visokog, imenovana za notara za područje Zeničko-dobojskog kantona, počinje sa radom službe notara na dan 03.03.2009. godine.

II.

Službeno sjedište notara iz tačke I ovog rješenja je u Visokom, ulica Čaršijska br. 49, sprat II.

III.

Ovo rješenje stupa na snagu danom donošenja.

IV.

Rješenje će se objaviti u “Službenim novinama Federacije Bosne i Hercegovine” i “Službenim novinama Zeničko-dobojskog kantona”.

Broj: 06-05-22558-14/08

M I N I S T A R

Datum, 20.02.2009. godine

Zenica

Miroslav Penko, s.r.**MINISTARSTVO UNUTRAŠNJIH POSLOVA****133.**

Na osnovu člana 8. stav 1. Uredbe o Uredu za pritužbe javnosti (“Službene novine Zeničko-dobojskog kantona”, broj: 1/03, 9/06 i 1/08) i preporuke Komisije za nadzor rada policije Skupštine Zeničko-dobojskog kantona, ministar Ministarstva unutrašnjih poslova Zeničko-dobojskog kantona donosi

R J E Š E N J E**o razrješenju predsjedavajućeg Ureda za pritužbe javnosti za Ministarstvo unutrašnjih poslova ZE-DO kantona****I.**

KOZLIĆ ZAJKO razrješava se dužnosti predsjedavajućeg Ureda za pritužbe javnosti za Ministarstvo unutrašnjih poslova Zeničko-dobojskog kantona.

II.

Ovo Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

O b r a z l o ž e n j e

Rješenjem ministra Ministarstva unutrašnjih poslova Zeničko-dobojskog kantona, broj: 08-04/2-34-2-3210-4/08 od 01.07.2008. godine, Kozlić Zajko je postavljen na po-

ziciju predsjedavajućeg Ureda za pritužbe javnosti za Ministarstvo unutrašnjih poslova Zeničko-dobojskog kantona na period od dvije godine, počev od 01.07.2008. godine.

Dana 18.02.2009. godine, Kozlić Zajko je ovom Ministarstvu podnio ostavku na naprijed navedenu poziciju, od kojeg datuma imenovani i ne obavlja dužnost predsjedavajućeg Ureda.

Nadalje, Ministarstvu je dostavljen je i Izvještaj Komisije za nadzor rada policije Skupštine Zeničko-dobojskog kantona, broj: 01-04-6672-1/09 od 18.03.2009. godine, u kojem je navedeno da je Komisija, na 16. sjednici održanoj dana 17.03.2009. godine, povodom razmatranja ostavke imenovanog, a u skladu sa članom 8. stav 1. i 4. Uredbe o Uredu za pritužbe javnosti, donijela Zaključak o davanju preporuke za razrješenje istog sa pozicije predsjedavajućeg Ureda za pritužbe javnosti, iz razloga navedenih u tački 1. Zaključka.

Na osnovu izloženog, izvršeno je razrješenje imenovanog kao u dispozitivu ovog rješenja.

Broj: 08-04/2-34-4-1149-5/09.

MINISTAR

Dana: 02.04.2009.godine

Zenica

Aziz Brotlija, s.r

STRUČNA SLUŽBA SKUPŠTINE

134.

Na osnovu člana 147. Poslovnika Skupštine Zeničko-dobojskog kantona ("Službene novine Zeničko-dobojskog kantona", broj: 4/05 i 3/09), a po izvršenom savjetovanju Prostornog plana Zeničko-dobojskog kantona (2009-2029.) objavljenog u "Službenim novinama Zeničko-dobojskog kantona", broj: 4/09 i Izvornika sa Prijedlogom Prostornog plana Zeničko-dobojskog kantona (2009-2029.), uočena je greška, te se daje slijedeća:

ISPRAVKA PROSTORNOG PLANA ZENIČKO- DOBOJSKOG KANTONA (2009-2029.)

I.

U Prostornom planu Zeničko-dobojskog kantona (2009-2029.) objavljenom u "Službenim novinama Zeničko-dobojskog kantona", broj: 4/09 od 20.03.2009. godine na dnu stranice 33. iza fusnote 14. dodaje se fusnota 15 koja glasi: "Izvor - Natron-Hayat d.o.o. Maglaj", na stranici 42. kod podnaslova "Utvrđene rezerve mineralnih resursa" fusnota 15 treba da nosi oznaku 16, a u tekstu na istoj stranici fusnote 16 i 17 treba da nose oznaku 17 i 18, pa shodno tome

na dnu stranice 42. fusnote 15., 16. i 17. treba da nose oznaku 16., 17. i 18. Na stranici 45. u tekstu fusnota 18 treba da nosi oznaku 19 kao i na dnu stranice.

Na stranici 50. u tabeli pod nazivom: "Potencijalne hidroelektrane na vodotocima II kategorije" brišu se redni brojevi 10 i 11, pa se shodno tome vrši pomjeranje ostalih rednih brojeva za dva tako da ih u tabeli ima ukupno 37, a kod naziva hidroelektrane "Čude" koja se shodno navedenom pomjeranju rednih brojeva sada nalazi pod rednim brojem 33, fusnota 19 treba da nosi oznaku 20, što se takođe odnosi i na oznaku te iste fusnote na dnu stranice 51.

Na stranici 58. kod podnaslova "Plin" fusnota 20 treba da nosi oznaku 21, pa shodno tome na dnu stranice, fusnota 20. treba da nosi oznaku 21.

Na stranici 64. u tekstu fusnote 21. 22. i 23. treba da nose oznaku 22., 23. i 24. pa shodno tome na dnu stranice fusnote 21., 22. i 23. treba da nose oznaku 22., 23. i 24.

Na stranici 95. kod podnaslova "Turizam" fusnota 24 treba da nosi oznaku 25, pa shodno tome na dnu stranice fusnota 24. treba da nosi oznaku 25.

Na stranici 98. u tekstu fusnota 25 treba da nosi oznaku 26, pa shodno tome na dnu stranice fusnota 25. treba da nosi oznaku 26, na stranici 99. u tekstu fusnota 26 treba da nosi oznaku 27, pa shodno tome na dnu stranice fusnota 26. treba da nosi oznaku 27, na stranici 102. u tekstu fusnota 27 treba da nosi oznaku 28, pa shodno tome na dnu stranice fusnota 27. treba da nosi oznaku 28, na stranici 113. u tekstu fusnota 28 treba da nosi oznaku 29, pa shodno tome na dnu stranice fusnota 28. treba da nosi oznaku 29, na stranici 115. u tekstu fusnota 29 treba da nosi oznaku 30, pa shodno tome na dnu stranice fusnota 29. treba da nosi oznaku 30, na stranici 121. u tekstu fusnota 30 treba da nosi oznaku 31, pa shodno tome na dnu stranice fusnota 30. treba da nosi oznaku 31, na stranici 130. u tekstu fusnote 31. i 32. treba da nose oznaku 32. i 33., pa shodno tome na dnu stranice fusnote 31. i 32. treba da nose oznaku 32. i 33, na stranici 131. u tekstu fusnota 33 treba da nosi oznaku 34, pa shodno tome na dnu stranice fusnota 33. treba da nosi oznaku 34.

II.

Ispravka će se objaviti u „Službenim novinama Zeničko-dobojskog kantona”.

Broj: 01-23-4780-1/09

SEKRETAR

Datum, 07.04.2009. godine

Zenica

Ibrahim Avdagić, s.r.

OGLASNI DIO**OPĆINSKI SUD U KAKNJU**

Broj: 36 0 P 002333 09 P

Kakanj, 04.03.2009. godine

O G L A S

OPĆINSKI SUD U KAKNJU po sudiji Mirko Lapajne, u pravnoj stvari tužitelja Safet Agović, sin Spahe iz Zenice, koga zastupa punomoćnik Smaka Fahrija, advokat iz Kaknja, protiv tuženih Blažanović Veljka i dr., svi nepozantog prebivališta-boravišta, koje zastupa privremeni zastupnik Hamdija Šljuka, advokat iz Kaknja, radi utvrđenja vlasništva i upisa u zemljišne knjige

Tuženim:

1. Veljki Blažanović, sin Mile, 2. Vidović Staniši, sin Srete, 3. Vidović Zdravku, sin Srete, 4. Blaženović Ljeposavi, kei Veljka, 5. Blaženović Jelici kei Veljka, 6. Vidović Jovi, pok. Davida, 7. Vidović Anđi, pok. Đure, 8. Vidović Anki, pok. Đure, 9. Vidović Mari, pok. Đure, 10. Vidović Jovi pok. Jove, 11. Bajdalović Savi, sin Vase, 12. Vidović Mihajlu, pok. Stevana, 13. Vidović Đorđu, sin Mitra, 14. Vidović Desi pok. Riste, 15. Vidović r. Mišković Ljeposavi, 16. mldb. Vidović Risti pok. Gavre, 18. mldb. Vidović Stevi pok. Gavre, 18. Vidović Savki pok. Gavre, 19. Vidović Zorki pok. Doke, 20. Delić r. Stojanović Vlatki, 21. mldb. Simić Milovanu, sin Neđe, 22. Simić Mitri, kei Neđe, 23. mldb. Simić Milofinki, kei Neđe, 24. Vidović Vasi pok. Nikole, 25. Vidović Jovi, pok. Nikole, 26. Vidović Nikoli pok. Lazara, 27. Vidović Tomislavu pok. Lazara, 28. Blažanović r. Vidović Ani, 29. Dačić Risti sin Uroša, 30. Dačić Bogdanu sin Uroša, 31. Vidović r. Bošković Milki, 32. Vidović Vidosavi, kei Dušana, 33. Vidović Ljeposavi kei Dušana, 34. Slaboumna Vidović Bosiljki, kei Dušana, 35. Vidović r. Ninković Ruži, 36. Vidović Branku sin Branka, 37. Vidović Slavku, sin Bogdana, 38. Vidović Marku, sin Bogdana, 39. Vidović r. Krajišnik Zorki, 40. Vidović Bošku, sin Đoke, 41. Vidović Borku, sin Đoke, 42. Vidović Milovanu sin Sime, 43. Vidović Strajki, sin Sime, 44. Popović r. Vidović Radi, 45. Šekerović r. Milanović Milki, 46. Vidović Milošu, sin Miće, 47. Vidović Velimiru sin Miće, 48. Vidović Desimiru, sin Miće, 49. Šišić Ramizi, kei Hasana, 50. Jovanović r. Vidović Jovanki, 51. Vidović Sreti, sin Jovana, 52. Vidović Savi, pok. Dake, 53. Vidović Jefti pok. Dake, 54. Vidović Stevanu, pok. Sime, 55. Alajbegović Mehi, umrl. Bećira, 56. Alajbegović Ahmedu umrl. Bećira, 57. Huseinagić Muji umrl. Muhameda, 58. Huseinagić Hifzi, sin Muhameda, 59. Huseinagić Junuzu, sin Muhameda, 60. Huseinagić Salihu, sin Muhameda i mldb. Vidović Bogdanu sin Jefte, svi nepoznatog prebivališta - boravišta,

postavio je privremenog zastupnika Šljuka Hamdiju, advokata iz Kaknja, na temelju čl. 296. st. 1. tač. 4 ZPP-a, jer je boravište tuženih nepoznato, a nemaju punomoćnika, a redovan postupak oko postavljanja zakonskog zastupnika tuženim bi dugo trajao, pa bi za stranke mogle nastati štetne posljedice

Postavljeni privremeni zastupnik zastupat će tužene u postupku sve dok se tuženi ili njihov punomoćnik ne pojave pred sudom, odnosno sve dok organ starateljstva ne obavijest sud da je postavio staratelja.

Ovaj oglas objavit će se u „Službenim novinama F BiH“, „Službenim novinama ZE-DO Kantona“ i oglasnoj ploči suda.

Sudija
Mirko Lapajne, s.r.

.....

OPĆINSKI SUD U KAKNJU

Broj: 36 0 P 000591 07 P

Kakanj, 09.03.2009. godine

O G L A S

OPĆINSKI SUD U KAKNJU po sudiji Mirko Lapajne, u pravnoj stvari tužitelja Salko Neimarlija, sin Edhema iz Kaknja, koga zastupa punomoćnica Smaka Fahrija, advokat iz Kaknja, protiv tuženika Rizah Čaluk, i dr., radi Utvrđenje i uknjižba, VSP 2.000,00,

rješenjem broj 36 o P 000591 07 P od 09.03.2009.godine postavio je tuženim:

1. Husika Sajmi,
 2. Sokolović Nusretu,
 3. Haračić Enisi,
 4. Bjelopolojak Ismetu i
 5. Bjelopoljak Abdulahu svi nepoznatog prebivališta-boravišta
- privremenog zastupnika Šljuka Hamdiju, advokata iz Kaknja na temelju čl. 296. st. 1. tač. 4 ZPP-a, jer je boravište tuženih nepoznato, a nemaju punomoćnika, a redovan postupak oko postavljanja zakonskog zastupnika tuženika dugo trajao, pa bi za stranke mogle nastati štetne posljedice

Postavljeni privremeni zastupnik zastupat će tužene u postupku sve dok se tuženi ili njihov punomoćnik ne pojavi pred sudom, odnosno sve dok organ starateljstva ne obavijest sud da je postavio staratelja.

Oglas objaviti u Službenim novinama FBiH, Službenim novinama ZDK Zenica i oglasnoj ploči suda.

Sudija**Mirko Lapajne, s.r.**
.....

OPĆINSKI SUD U ZAVIDOVIĆIMA

Broj: 42 0 P 001570 09 P

Zavidovići, 12.03.2009.godine

Općinski sud u Zavidovićima izdaje slijedeći:

O G L A S**O POSTAVLJANJU PRIVREMENOG ZASTUPNIKA**

Općinski sud u Zavidovićima, sudija Polić Zineta, u pravnoj stvari tužitelja Kadić Eseda, sin Rame, iz Zavidovića, protiv tužene Kadić rodjene Gavrić Borke, kći Mirka, trenutno nepoznatog boravišta, radi razvoda braka, postavio je tuženju, rješenjem ovog suda 42 0 P 001570 09 P od 12.03.2009.godine, privremenog zastupnika u osobi Čavalić Mirsada sin Halida, iz Zavidovića, Naselje solidarnosti broj 31, a na osnovu čl. 296 st. 2 točka 4 Zakona o parničnom postupku FBiH.

Privremeni zastupnik će tuženu zastupati u ovoj pravnoj stvari dok se tužena ili njen punomoćnik ne pojave pred sudom, odnosno dok joj organ starateljstva ne postavi staratelja.

S u d i j a**Polić Zineta, s.r.**
.....

SADRŽAJ**SKUPŠTINA**

77.	Zakon o porezu na promet nekretnina	535
78.	Zakon o izvršenju sankcija u Zeničko-dobojskom kantonu	540
79.	Zakon o visokom obrazovanju	549
80.	Zakon o izmjenama i dopunama Zakona o javnoj ustanovi Univerzitet u Zenici	575

VLADA

81.	Uredba o načinu prikupljanja, odlaganja, razvrstavanja i obavljanja otkupa otpadnih materijala	580
82.	Odluka o odobravanju sredstava Crvenom križu Federacije Bosne i Hercegovine	587
83.	Odluka o odobravanju sredstava udruženju „Humanost – societas humanitatis“ Zenica za implementaciju projekta „Dnevni centar za djecu sa posebnim potrebama“ u Maglaju	587
84.	Odluka broj: 02-14-5532/09 od 23.02.2009. godine	588
85.	Odluka o načinu knjiženja i likvidacije rashodovanih stalnih sredstava (opreme) sa stanjem na dan 31.12.2008. godine	588
86.	Odluka o načinu knjiženja utvrđenih manjkova stalnih sredstava (opreme) sa stanjem na dan 31.12.2008. godine	589
87.	Odluka o uknjiženja roba sa stanjem na dan 31.12.2008. g.br.:02-14-5945 od 26.02.2009. godine	589
88.	Odluka o uknjiženja roba sa stanjem na dan 31.12.2008. g.br.:02-14-5947 od 26.02.2009. godine	590
89.	Odluka o usvajanju Elaborata o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2008. godine	591
90.	Odluka o odobravanju finansijskih sredstava Agenciji za privatizaciju Zeničko-dobojskog kantona	591
91.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „SINTEX“ d.o.o. Doboju	592
92.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „BOSNA VET“ d.o.o. Zenica	592
93.	Odluka o određivanju potpisnika naloga platnih transakcija putem donatorskog podračuna u okviru JRT, za Osnovnu specijalnu školu za 2009. godinu	593
94.	Odluka o određivanju potpisnika naloga platnih transakcija sa transakcijskog računa otvorenog kod ABS Banke D.D. Sarajevo za 2009. godinu	594
95.	Odluka o određivanju potpisnika naloga platnih transakcija putem depozitnog i transakcijskog računa otvorenog kod IKB Banke D.D. Zenica za 2009. godinu	594
96.	Odluka o određivanju potpisnika naloga platnih transakcija putem deviznog računa za 2009. godinu	595
97.	Odluka o određivanju potpisnika naloga platnih transakcija sa transakcijskog računa otvorenog kod Union banke D.D. Sarajevo za 2009. godinu	595
98.	Odluka o određivanju potpisnika naloga platnih transakcija sa „posebnog ESCROW transakcijskog računa“ za 2009. godinu	596
99.	Odluka o određivanju potpisnika naloga platnih transakcija sa posebnog transakcijskog računa –sredstva ostvarena po osnovu posebnog poreza na zaštitu od prirodnih i drugih nesreća za 2009. godinu	596
100.	Odluka o određivanju potpisnika naloga platnih transakcija sa računa blagajničko poslovanje budžetskih korisnika otvorenog kod IKB DD Zenica za 2009. godinu	597
101.	Odluka o određivanju potpisnika naloga platnih transakcija sa podračuna za Centralizovani obračun i isplatu plaća za 2009. godinu	597
102.	Odluka o odobravanju sredstava udruženju „Humanost – societas humanitatis“ Zenica za implementaciju projekta „Dnevni centar za djecu sa posebnim potrebama“ u Maglaju	598

103.	Odluka o odobravanju finansijskih sredstava Obrtničkoj komori Zeničko-dobojskog kantona	599
104.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „KRIVAJA METALI“ d.o.o. Zavidovići	599
105.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „ALGOJA“ d.o.o. Tešanj	600
106.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „PAK-RAMPART“ d.o.o. Visoko	600
107.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „PAK-RAMPART“ d.o.o. Visoko	601
108.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu Industriji građevinskog materijala „IGM“ d.o.o. Visoko	602
109.	Odluka o odobravanju pomoći intervenirajućeg karaktera nastradalim rudarima u rudniku Zenica, pogon Stranjani, povodom rudarske nesreće koja se desila 14.03.2009. godine	602
110.	Odluka o odobravanju finansijskih sredstava – subvencioniranje uvođenja i certifikacije sistema za upravljanje kvalitetom po međunarodnim standardima privrednom subjektu „METEORTEX“ d.o.o. Kakanj	603
111.	Odluka o odobravanju sredstava zaposlenicima Samostalnog sindikata šumarstva, prerade drveta i papira BiH, Sindikalna podružnica ŠIP „Stupčanica“ Olovo	604
112.	Odluka o visini osnovice za obračun plaća zaposlenika u kantonalnim organima državne službe i drugim budžetskim korisnicima Zeničko-dobojskog kantona za 2009. godinu	604
113.	Odluka o visini naknade za topli obrok zaposlenika u kantonalnim organima državne službe i drugim budžetskim korisnicima Zeničko-dobojskog kantona za 2009. godinu	605
114.	Sporazum o utvrđivanju visine najniže neto plaće, visine naknade za ishranu za vrijeme rada (topli obrok) i visine naknade za korištenje godišnjeg odmora (regresa) za 2009.	605
115.	Rješenje o razrješenju predsjednika i članova Upravnog odbora Javne ustanove Kantonalni zavod za javno zdravstvo Zenica	607
116.	Rješenje o konačnom imenovanju predsjednika i članova Upravnog odbora Javne ustanove Kantonalni zavod za javno zdravstvo Zenica	607
117.	Rješenje o razrješenju predsjednika i članova Upravnog odbora Javne ustanove Kantonalni zavod za medicinu rada Zenica	608
118.	Rješenje o konačnom imenovanju predsjednika i članova Upravnog odbora Javne ustanove Kantonalni zavod za medicinu rada Zenica	608
119.	Rješenje o razrješenju predsjednika i članova Upravnog odbora Javne ustanove Zavod zdravstvenog osiguranja Zeničko-dobojskog kantona	609
120.	Rješenje o konačnom imenovanju predsjednika i članova Upravnog odbora Javne ustanove Zavod zdravstvenog osiguranja Zeničko-dobojskog kantona	609
121.	Rješenje o razrješenju predsjednika i članova Upravnog odbora Javne ustanove Kantonalna bolnica Zenica	610
122.	Rješenje o konačnom imenovanju predsjednika i članova Upravnog odbora Javne ustanove Kantonalna bolnica Zenica	610
123.	Rješenje o razrješenju članova Školskog odbora Osnovne škole „Vladimir Nazor“ Zenica	610
124.	Rješenje o konačnom imenovanju članova Školskog odbora Osnovne škole „Vladimir Nazor“ Zenica	611
125.	Rješenje o razrješenju članova Školskog odbora Osnovne škole „Skender Kulenović“, Zenica	611
126.	Rješenje o konačnom imenovanju članova Školskog odbora Osnovne škole „Skender Kulenović“, Zenica	611
127.	Rješenje o razrješenju članova Školskog odbora Gimnazije „Muhsin Rizvić“ Kakanj	612

128.	Rješenje o konačnom imenovanju članova Školskog odbora Gimnazije „Muhsin Rizvić“ Kakanj	612
129.	Rješenje o izmjeni Rješenja o imenovanju članova Savjeta za praćenje, kontrolu izradu implemetacije Strategije razvoja Zeničko-dobojskog kantona	612
130.	Rješenje o privremenom imenovanju predsjednika i članova Nadzornog odbora JU Služba za zapošljavanje Zeničko-dobojskog kantona	613
131.	Rješenje o privremenom imenovanju predsjednika i članova Upravnog odbora JU Služba za zapošljavanje Zeničko-dobojskog kantona	613

MINISTARSTVO ZA PRAVOSUĐE I UPRAVU

132.	Rješenje za početak rada službe notara	614
------	--	-----

MINISTARSTVO UNUTRAŠNJIH POSLOVA

133.	Rješenje o razrješenju predsjedavajućeg Ureda za pritužbe javnosti za Ministarstvo unutrašnjih poslova ZE-DO kantona	614
------	--	-----

STRUČNA SLUŽBA SKUPŠTINE

134.	Ispravka Prostornog plana Zeničko-dobojskog kantona (2009-2029)	615
------	---	-----

OGLASNI DIO	616
-------------------	-----